



O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 29 » aprel № 170

Toshkent sh.

Қишлоқ хўжалиги, мелиорация ва йўл-қурилиш техникаларидан фойдаланиш соҳасида давлат хизматлари кўрсатиш тизимини такомиллаштириш чора-тадбирлари тўғрисида

Ўзбекистон Республикаси Президентининг “Давлат хизматлари кўрсатиш инфратузилмасини такомиллаштириш ва аҳолининг давлат хизматларидан фойдаланиш имкониятларини кенгайтириш чора-тадбирлари тўғрисида” 2021 йил 24 июлдаги ПФ–6269-сон ҳамда “Давлат хизматлари кўрсатишни соддалаштириш, бюрократик тўсиқларни қисқартириш ҳамда давлат хизматлари кўрсатиш миллий тизимини ривожлантиришнинг қўшимча чора-тадбирлари тўғрисида” 2022 йил 20 апрелдаги ПФ–113-сон Фармонлари ижросини таъминлаш, шунингдек, қишлоқ хўжалиги, мелиорация ва йўл-қурилиш техникаларидан фойдаланиш соҳасида давлат хизматлари кўрсатиш тизимини янада такомиллаштириш мақсадида Вазирлар Маҳкамаси қарор қилади:

1. Қуйидагиларни назарда тутувчи:

а) Қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказиш бўйича давлат хизматларини кўрсатишнинг маъмурий регламенти 1-иловага мувофиқ:

давлат хизматларидан фойдаланган ҳолда қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказиш учун мурожаат қилиш ҳамда мурожаатга кўра давлат хизматларини кўрсатиш тартиби;

қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказиш бўйича давлат хизматларини кўрсатганлик учун йиғимларни тўлаш тартиби;

қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказишни расмийлаштириш ҳамда уларга давлат рақами белгилари, техник паспорт ва техник гувоҳнома бериш тартиби;

б) Қишлоқ хўжалиги, мелиорация ва йўл-қурилиш техникаларини вақтинча рўйхатдан ўтказиш бўйича давлат хизматларини кўрсатишнинг маъмурий регламенти 2-иловага мувофиқ:

давлат хизматларидан фойдаланган ҳолда қишлоқ хўжалиги, мелиорация ва йўл-қурилиш техникаларини вақтинча рўйхатдан ўтказиш бўйича мурожаатларни шакллантириш ва юбориш тартиби;

қишлоқ хўжалиги, мелиорация ва йўл-қурилиш техникаларини вақтинча рўйхатдан ўтказиш бўйича давлат хизматларини кўрсатганлик учун йиғимларни тўлаш тартиби;

қишлоқ хўжалиги, мелиорация ва йўл-қурилиш техникаларини вақтинча рўйхатдан ўтказишни расмийлаштириш ҳамда уларга вақтинчалик техник паспорт, техник гувоҳнома ва давлат рақами белгиларини бериш тартиби;

в) Қишлоқ хўжалиги, мелиорация ва йўл-қурилиш техникаларини ҳисобдан чиқариш бўйича давлат хизматларини кўрсатишнинг маъмурий регламенти 3-иловага мувофиқ:

давлат хизматларидан фойдаланган ҳолда қишлоқ хўжалиги, мелиорация ва йўл-қурилиш техникаларини ҳисобдан чиқариш бўйича мурожаатларни шакллантириш ва юбориш тартиби;

қишлоқ хўжалиги, мелиорация ва йўл-қурилиш техникаларини ҳисобдан чиқариш бўйича давлат хизматларини кўрсатганлик учун йиғимларни тўлаш тартиби;

қишлоқ хўжалиги, мелиорация ва йўл-қурилиш техникаларини ҳисобдан чиқаришни расмийлаштириш ҳамда ҳисобдан чиқариш тартиби;

г) Қишлоқ хўжалиги, мелиорация ва йўл-қурилиш техникалари рўйхатда турганлиги тўғрисида маълумотнома бериш бўйича давлат хизматларини кўрсатишнинг маъмурий регламенти 4-иловага мувофиқ:

давлат хизматларидан фойдаланган ҳолда қишлоқ хўжалиги, мелиорация ва йўл-қурилиш техникалари рўйхатда турганлиги тўғрисида маълумотнома бериш бўйича мурожаатларни шакллантириш ва юбориш тартиби;

қишлоқ хўжалиги, мелиорация ва йўл-қурилиш техникалари рўйхатда турганлиги тўғрисида маълумотнома бериш бўйича давлат хизматларини кўрсатганлик учун йиғимларни тўлаш тартиби;

қишлоқ хўжалиги, мелиорация ва йўл-қурилиш техникалари рўйхатда турганлиги тўғрисида маълумотнома бериш тартиби;

д) Қишлоқ хўжалиги, мелиорация ва йўл-қурилиш техникаларини мажбурий йиллик техник кўрикдан ўтказиш бўйича хизматлар кўрсатишнинг маъмурий регламенти 5-иловага мувофиқ:

жисмоний ва юридик шахсларнинг қишлоқ хўжалиги, мелиорация ва йўл-қурилиш техникаларини, сервис ва таъмирлаш жиҳозлари ҳамда бошқа ускуналарини мажбурий йиллик техник кўрикдан ўтказиш бўйича мурожаатларини шакллантириш ва юбориш тартиби;

жисмоний ва юридик шахсларнинг қишлоқ хўжалиги, мелиорация ва йўл-қурилиш техникаларини, сервис ва таъмирлаш жиҳозлари ҳамда бошқа ускуналарини техник кўриқдан ўтказиш ва техник кўриқдан ўтказишни расмийлаштириш тартиби;

е) Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламенти 6-иловага мувофиқ;

қишлоқ хўжалиги, мелиорация ва йўл-қурилиш техникаларини бошқарувчи тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ва расмийлаштириш тартиби;

қишлоқ хўжалиги, мелиорация ва йўл-қурилиш техникаларини бошқариш ҳуқуқини берувчи тракторчи-машинист гувоҳномасини олиш учун имтиҳон топширишга рухсат бериш, имтиҳон ўтказиш ҳамда тракторчи-машинист гувоҳномасини расмийлаштириш тартиби;

қишлоқ хўжалиги, мелиорация ва йўл-қурилиш техникаларини бошқариш ҳуқуқини берувчи тракторчи-машинист гувоҳномасини алмаштириш ёки йўқолган гувоҳнома ўрнига янгисини бериш тартиби;

ж) Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси томонидан назорат қилинадиган ва техник кўриқка жалб этиладиган қишлоқ хўжалиги, мелиорация ва йўл-қурилиш техникалари, таъмирлаш ва сервис асбоб-ускуналарининг рўйхати 7-иловага мувофиқ тасдиқлансин.

3. Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Ўзагроинспекция):

а) Рақамли технологиялар вазирлиги ва Адлия вазирлиги билан биргаликда уч ой муддатда:

давлат хизматларини кўрсатишда иштирок этувчи тузилмаларнинг Ўзбекистон Республикаси Ягона интерактив давлат хизматлари порталига (кейинги ўринларда – ЯИДХП) интеграция қилинишини таъминласин;

давлат хизматларини кўрсатишнинг ҳар бир босқичида жисмоний ва юридик шахсларнинг мурожаатлари кўриб чиқилишини ЯИДХПда кузатиб бориш чораларини кўрсин;

б) ЯИДХПда давлат хизматларини жорий қилиш бўйича техник ҳужжатни икки ой муддатда ишлаб чиқсин ҳамда белгиланган тартибда келишиш учун Рақамли технологиялар вазирлиги ва Адлия вазирлигига киритсин;

в) Рақамли технологиялар вазирлиги билан биргаликда:

уч ой муддатда давлат хизматларини кўрсатганлик учун тўлов ва йиғимларни тўлов тизимлари ҳамда ягона биллинг тизими орқали электрон шаклда тўлаш имкониятини яратсин;

2023 йил 1 июлга қадар Агросаноат мажмуи устидан назорат қилиш инспекциясини ривожлантириш жамғармаси маблағлари ҳисобидан “Техникалар техник кўриги” автоматлаштирилган ахборот тизимини ишлаб чиқсин.

4. Ўзагроинспекция **2023 йил 1 майдан бошлаб** жисмоний ва юридик шахсларнинг қишлоқ хўжалиги, мелиорация ва йўл-қурилиш техникаларини ҳаракатланувчи (махсус автотранспорт) мобил техник назорат линияларидан фойдаланган ҳолда мажбурий йиллик техник кўрикдан ўтказиш амалиётини жорий этсин.

5. Юридик шахс бўлган тадбиркорлик субъектларига **2023 йил 1 сентябрдан бошлаб** жисмоний шахсларнинг 100 от кучигача қувватга эга бўлган қишлоқ хўжалиги, мелиорация ва йўл-қурилиш техникаларини техник кўрикдан ўтказиш фаолияти билан шуғулланиш ҳуқуқи берилсин.

Ўзагроинспекция **2023 йил 1 октябрга қадар** қонунчилик ҳужжатларида белгиланган тартибда қишлоқ хўжалиги, мелиорация ва йўл-қурилиш техникаларини мажбурий йиллик техник кўрикдан ўтказиш фаолиятини амалга оширадиган тадбиркорлик субъектларига ахборот хавфсизлиги талабларини инобатга олган ҳолда “Техникалар техник кўриги” автоматлаштирилган ахборот тизимига кириш имкониятини яратсин.

Белгилансинки:

“Техникалар техник кўриги” автоматлаштирилган ахборот тизимида тадбиркорлик субъектлари интеграция қилингунга қадар тадбиркорлик субъектлари томонидан мажбурий йиллик техник кўрикдан ўтказилган ва техник соз деб топилган қишлоқ хўжалиги, мелиорация ва йўл-қурилиш техникаларига уларнинг техник ҳолати ҳақидаги далолатнома берилади;

қишлоқ хўжалиги, мелиорация ва йўл-қурилиш техникаларининг техник ҳолати ҳақидаги далолатнома “Техникалар техник кўриги” автоматлаштирилган ахборот тизимида техник кўрик натижаларини киритиш учун асос бўлади.

6. Ўзагроинспекция томонидан қуйидаги ахборот тизимлари ишга туширилганлиги маълумот учун қабул қилинсин:

давлат рўйхатига олинган қишлоқ хўжалиги, мелиорация ва йўл-қурилиш техникаларининг электрон ҳисобини юритиш бўйича “Техникалар ҳисоби” автоматлаштирилган ахборот тизими;

тракторчи-машинистларни тайёрлаш ва қайта тайёрлаш бўйича ҳисобга олинган таълим ташкилотлари ва тракторчи-машинист гувоҳномасига эга бўлган шахсларнинг рўйхати акс эттирилган “Тракторчи-машинист” автоматлаштирилган ахборот тизими.

7. Ўзагроинспекция қуйидаги вазирлик ва идоралар билан биргаликда **2023 йил 1 августга қадар** давлат хизматларини кўрсатиш учун зарур бўладиган маълумотларни электрон шаклда олиш ва алмашиш мақсадида

“Техникалар ҳисоби”, “Тракторчи-машинист” ва “Техникалар техник кўриги” автоматлаштирилган ахборот тизимларининг ўзаро интеграция қилинишини таъминласин:

Ўзбекистон Республикаси Адлия вазирлиги билан – нотариус томонидан тасдиқланган шартномалар (олди-сотди, айирбошлаш, ҳадя ва бошқалар) ҳамда тақиққа қўйиш ва тақиқдан ечишга оид ҳужжатлар тўғрисидаги маълумотлар;

Ўзбекистон Республикаси Иқтисодиёт ва молия вазирлиги ҳузуридаги Божхона қўмитаси билан – қишлоқ хўжалиги, мелиорация ва йўл-қурилиш техникаларининг божхона расмийлаштирувидан ўтганлиги (божхона юк декларацияси) тўғрисидаги маълумотлар;

Ўзбекистон Республикаси Иқтисодиёт ва молия вазирлиги ҳузуридаги Солиқ қўмитаси билан – юридик шахсларнинг СТИР рақамлари, тўлиқ номи, жойлашган жойи (почта манзили) ҳамда тақиқ қўйиш ва тақиқдан ечиш ҳақидаги ҳужжатларга оид маълумотлар;

Ўзбекистон Республикаси Марказий банки билан – тўловларни реал вақт режимида кўриш имконини берувчи ҳисоб-китобларнинг клиринг тизими орқали амалга оширилишига оид маълумотлар;

Ўзбекистон Республикаси Тоғ-кон саноати ва геология вазирлиги ҳузуридаги Тоғ-кон, геология ва саноат хавфсизлигини назорат қилиш инспекцияси билан – техникаларни давлат рўйхатига олиш ва рўйхатдан чиқаришга оид маълумотлар;

Ўзбекистон Республикаси Ички ишлар вазирлигининг Жамоат хавфсизлиги департаменти Йўл ҳаракати хавфсизлиги хизмати билан – техникаларни давлат рўйхатига олиш, техник кўрикдан ўтказиш ва рўйхатдан чиқаришга оид маълумотлар;

Ўзбекистон Республикаси Ягона интерактив давлат хизматлари портали билан – юридик шахсларнинг давлат рўйхатидан ўтказилганлиги тўғрисидаги гувоҳнома ҳамда жисмоний шахсларнинг ЖШШИР рақами, фамилияси, исми, отасининг исми, туғилган йили, яшаш манзили (паспорт ёки ID-карта) ҳақидаги маълумотлар.

8. 2023 йил 1 августдан бошлаб қишлоқ хўжалиги, мелиорация ва йўл-қурилиш техникаларини ишлаб чиқарувчи ёки махсус савдо ташкилотларида харидорларга сотилган янги техникалар учун қонунчилик ҳужжатларида белгиланган ҳужжатлар билан бирга Ўзагроинспекцияда рўйхатдан ўтказиш учун асос бўлиб хизмат қиладиган “Ҳисоб-маълумотнома” бериш амалиёти жорий этилсин.

Белгилансинки, Ўзагроинспекция қишлоқ хўжалиги, мелиорация ва йўл-қурилиш техникаларини ишлаб чиқарувчи ташкилотларни ҳамда махсус савдо объектларини ҳимояланганлик даражасига эга бўлган “Ҳисоб-маълумотнома” бланкалари билан бепул таъминлайди ва уларнинг сарфланишини назорат қилади.

9. Ўзагроинспекцияга мавжуд ахборот тизимларини такомиллаштириш, янги ахборот тизимларини яратиш, махсус бланкалар ва бошқа хужжатларни тайёрлаш, махсус планшет қурилмаларини ва ҳаракатланувчи (махсус автотранспорт) мобил техник назорат линияларини харид қилиш, ходимлар малакасини ошириш ва қайта тайёрлаш бўйича харажатларни қонунчилик ҳужжатларида белгиланган тартибда Агросаноат мажмуи устидан назорат қилиш инспекциясини ривожлантириш жамғармаси маблағлари ҳисобидан молиялаштиришга рухсат берилсин.

10. Қуйидагилар:

2023 йил 1 сентябрдан бошлаб қишлоқ хўжалиги, мелиорация ва йўл-қурилиш техникаларига техник кўрикдан ўтганлиги тўғрисида талон бериш амалиёти бекор қилинсин (хорижий давлатларга ишга юбориладиган техникалардан ташқари);

эски намунадаги техник паспорт, техник гувоҳнома, давлат рақами белгиси ва тракторчи-машинист гувоҳномасини мажбурий тартибда алмаштиришнинг якуний муддати **2023 йил 31 август** этиб белгилансин;

эски намунадаги техник паспорт, техник гувоҳнома, давлат рақами белгиси ва тракторчи-машинист гувоҳномаси **2023 йил 1 сентябрдан бошлаб** ҳақиқий эмас деб ҳисоблансин.

11. Ўзагроинспекция манфаатдор вазирликлар ва идоралар билан биргаликда **2023 йил 1 ноябрга қадар** қишлоқ хўжалиги, мелиорация ва йўл-қурилиш техникалари ҳолатини назорат қиладиган инспекторларнинг махсус кийими ёки таниқлик белгилари ва уларни кийиб юриш қоидаларини назарда тутувчи Ҳукумат қарори лойиҳасини Вазирлар Маҳкамасига киритсин.

12. Ўзбекистон Республикаси Ҳукуматининг 8-иловага мувофиқ айрим қарорлари ўз кучини йўқотган деб ҳисоблансин.

13. Мазкур қарорнинг бажарилишини назорат қилиш Ўзбекистон Республикаси қишлоқ хўжалиги вазири А.Б. Воитов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2023 йил “29” апрелдаги 170-сон қарорига
1-илова

**Қишлоқ хўжалиги, мелиорация ва йўл-қурилиш техникаларини
давлат рўйхатидан ва қайта рўйхатдан ўтказиш
бўйича давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларга (кейинги ўринларда – техника эгаси) қишлоқ хўжалиги, мелиорация ва йўл-қурилиш техникаларини (кейинги ўринларда – техника) давлат рўйхатидан ўтказиш ва қайта рўйхатдан ўтказиш бўйича давлат хизматларини кўрсатиш тартибини белгилайди.

2. Ташкилий шаклидан қатъи назар техникаларни давлат рўйхатидан ва қайта рўйхатдан ўтказиш Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция) томонидан мазкур Регламентга мувофиқ амалга оширилади.

3. Ушбу Регламентда қуйидаги асосий тушунчалардан фойдаланилади:

давлат рақами белгиси (кейинги ўринларда – ДРБ) – мазкур Регламентга 3-иловада белгиланган намунага мувофиқ техникани давлат рўйхатидан ўтказишни ҳисобга олиш учун ҳудудий кодлар ва давлат рақамлари белгиларининг типларига кўра бериладиган махсус рақамли белги;

давлат рўйхатидан ўтказиш тадбирлари – қонунчилик ҳужжатларига мувофиқ Инспекция томонидан техникаларни рўйхатдан ўтказиш, қайта рўйхатдан ўтказиш ва уларни ҳисобдан чиқариш, шунингдек, техникаларни рўйхатга олиш ҳақида техник паспорт ва гувоҳнома ҳамда ДРБ беришдан иборат давлат рўйхатидан ўтказиш бўйича ҳаракатлар комплекси;

қонунчилик ҳужжатларига мувофиқ Инспекция томонидан техникаларни рўйхатдан ўтказиш ҳақида техник паспорт ва техник гувоҳнома ҳамда ДРБни беришдан иборат давлат рўйхатидан ўтказиш бўйича ҳаракатлар комплекси;

жисмоний шахснинг вакили – жисмоний шахснинг нотариус томонидан тасдиқланган қонуний вакили;

расмий дилер (дистрибьютор) – Ўзбекистон Республикаси ҳудудида янги қишлоқ хўжалиги, мелиорация ва йўл-қурилиш техникаларини реализация қилиш бўйича ишлаб чиқарувчи билан тегишли дилерлик (дистрибьюторлик) келишувига эга юридик шахс;

рўйхатга олиш жойи – техникаларни давлат рўйхатидан ўтказишни амалга оширувчи Инспекция жойлашган жой;

рўйхатдан ўтказиш ҳужжати – техникадан фойдаланишга ҳуқуқ берилганлигини тасдиқловчи, яъни рўйхатдан ўтказиш ҳақида техник паспорт, техник гувоҳнома, шунингдек, техникани рўйхатдан ўтказиш китоби;

техника эгаси – техника воситасига мулк ҳуқуқи ёки бошқа ашёвий ҳуқуқлар асосида эгалик қилувчи юридик ёки жисмоний шахс;

техник гувоҳнома – техник паспорт берилмайдиган қишлоқ хўжалиги, мелиорация ва йўл-қурилиши ҳамда бошқа мақсадларга мўлжалланган агрегат, машина, механизм ва ускуналарга мазкур Регламентга 2-иловада белгиланган намунага мувофиқ бериладиган махсус ҳимояланган ҳужжат;

техник паспорт – қишлоқ хўжалиги, мелиорация ва йўл-қурилиш техникалари, тракторлар, трактор тиркамалари ва ўзиюрар машиналарга мазкур Регламентга 1-иловада белгиланган намунага мувофиқ бериладиган махсус ҳимояланган ҳужжат;

техникаларни давлат рўйхатидан ўтказиш – техникани доимий ҳисобга қўйиш, техникани рўйхатдан ўтказиш ҳақида техник паспорт ва ДРБ ёки техник гувоҳнома бериш;

техникаларни қайта рўйхатдан ўтказиш – тегишли ҳуқуқий асослар мавжуд бўлганда техниканинг рўйхатдан ўтказиш ҳужжатларига ўзгартириш ва қўшимчалар киритиш, техникани қайта рўйхатдан ўтказиш ҳақида техник паспорт ва ДРБ ёки техник гувоҳнома бериш;

қишлоқ хўжалиги, мелиорация ва йўл-қурилиш техникалари – идоравий бўйсунуви ва ташкилий-ҳуқуқий шаклидан қатъи назар қишлоқ ва ўрмон хўжалигига мўлжалланган барча турдаги тракторлар (ғилдиракли, занжирли ва ярим занжирли), ўзиюрар машиналар (ўзиюрар қишлоқ хўжалиги машиналари, ўзиюрар мелиоратив ҳамда йўл-қурилиш техникалари), трактор тиркамалари, қишлоқ хўжалиги, йўл-қурилиш, мелиоратив ва бошқа мақсадларга мўлжалланган тупроққа ва экинларга ишлов берувчи, юк ортувчи, дон ва уруғни қайта ишлашга мўлжалланган машиналар, чорвачилик, паррандачилик ва ем-хашак ишлаб чиқариш машина ва технологик ускуналари, сув насослари, кичик механизация мосламалари.

4. Техникаларни давлат рўйхатидан ва қайта рўйхатдан ўтказиш бўйича давлат хизматлари Инспекция, давлат хизматлари марказлари (кейинги ўринларда – Марказ) ва Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали техника эгаси ёки унинг вакилини сўровномасига асосан амалга оширилади.

5. Қишлоқ хўжалиги, мелиорация ва йўл-қурилиш техникалари, таъмирлаш ва сервис асбоб-ускуналарининг назорати Инспекция томонидан олиб борилади.

6. Техниканинг тузилмаси техник тартибга солиш соҳасидаги норматив-ҳуқуқий ҳужжатлар Вазирлар Маҳкамасининг 2016 йил 18 мартдаги 80-сон қарори билан тасдиқланган Қишлоқ хўжалиги техникалари конструкциясининг хавфсизлиги тўғрисидаги умумий техник регламент (кейинги ўринларда – Техник регламент), шунингдек, техника хавфсизлигини таъминлаш соҳасидаги меъёрий ҳужжатлар талабларига мос келиши лозим.

7. Техникаларни давлат рўйхатидан ёки қайта рўйхатдан ўтказиш ишлари тўловлар олдиндан амалга оширилгандан сўнг бажарилади.

8. Техникаларни давлат рўйхатидан ўтказиш қуйидаги ҳолларда амалга оширилади:

давлат рўйхатидан ўтказилмаган янги техника олинганда;

техникалар “эркин муомалага чиқариш (импорт)” божхона режимига жойлаштирилганда.

9. Техникаларни ишлаб чиқарувчи корхоналарнинг вакиллигини тасдиқловчи ҳужжатлари бўлмаганда, тижорат билан шуғулланувчи жисмоний ва юридик шахслар техникаларни белгиланган тартибда ўз номларига рўйхатдан ўтказишлари шарт.

10. Бошқарув ва ташкилий-ҳуқуқий шаклидан қатъи назар барча турдаги техникаларнинг олди-сотди шартномалари фақат нотариал идоралар томонидан расмийлаштирилиши шарт, ишлаб чиқарувчи, дилер, лизинг ташкилотларнинг шартномалари ҳамда Давлат активларини бошқариш агентлиги ҳузуридаги “Электрон онлайн аукционларни ташкил этиш маркази” давлат унитар корхонаси томонидан ташкил этилган аукционларда техникаларга эга бўлишни тасдиқловчи аукцион натижалари тўғрисидаги баённома бундан мустасно.

11. Техникалар техника эгасининг номига давлат рўйхатидан ёки қайта рўйхатдан ўтказилади.

12. Жисмоний шахсларнинг техникалари уларнинг доимий ёки вақтинчалик яшаш (турар) жойида давлат рўйхатидан ёки қайта рўйхатдан ўтказилади.

Техникалар 18 ёшга тўлган муомалага лаёқатли шахсларнинг номига давлат рўйхатидан ўтказилади.

Мерос, васиятнома, ҳадя, мукофот ёки қонунчиликда белгиланган ҳолатларда ташкил этилган оммавий ўйинларда ютиб олинган техникалар қонунчилик ҳужжатларида белгиланган тартибда вояга етмаган шахслар номига ҳам давлат рўйхатидан ўтказилиши мумкин.

Мерос, васиятнома, ҳадя қилинган ёки суд ажримларига асосан техникалар фақат битта шахс номига расмийлаштирилади.

13. Юридик шахсларнинг техникаларини давлат рўйхатидан ва қайта рўйхатдан ўтказиш юридик шахсларни давлат рўйхатдан ўтказиш гувоҳномасида кўрсатилган юридик шахс номи, жойлашган ери, СТИР рақами бўйича амалга оширилади.

14. Инспекцияда қуйидаги техникалар давлат рўйхатидан ўтказилмайди:

фақат конларда, шахта ва карьерларда қўлланиладиган махсус техникалар;

ички ишлар органларида рўйхатга олинган транспорт воситалари;

трамвай ва троллейбуслар;

Ўзбекистон Республикаси Мудофаа вазирлиги, Давлат хавфсизлик хизмати, Ички ишлар вазирлиги, Миллий гвардияга тегишли бўлган ҳарбий ва бошқа техникалар, шунингдек, Транспорт вазирлиги ҳамда Тоғ-кон саноати ва геология вазирлиги ҳузуридаги Тоғ-кон, геология ва саноат хавфсизлигини назорат қилиш инспекцияси томонидан рўйхатга олинадиган техникалар.

15. Техникаларни давлат рўйхатидан ва қайта рўйхатдан ўтказишда улар Инспекция томонидан белгиланган тартибда техник кўрикдан ўтказилади.

Техник кўрикдан ўтказишда техниканинг созлиги, унинг тури, русуми, ДРБ, идентификацияловчи шассиси (рама) ва двигатель рақамининг рўйхатдан ўтказиш ҳужжатларида кўрсатилган маълумотларга мос келиши солиштирилади.

16. Марказ, ЯИДХП ва Инспекция ўртасида ахборотлар алмашинуви электрон рақамли имзони (кейинги ўринларда – ЭРИ) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

2-боб. Давлат хизматларини кўрсатиш тартиби

Техникаларни давлат рўйхатидан ўтказиш

17. Техникаларни давлат рўйхатидан ва қайта рўйхатдан ўтказиш бўйича давлат хизматларини кўрсатиш мазкур Регламентга 4-иловага мувофиқ схемага асосан амалга оширилади.

18. Техника эгаси ёки унинг вакили техникаларни давлат рўйхатидан ёки қайта рўйхатдан ўтказиш учун Инспекцияга ёки Марказга келиб мурожаат этганда, Инспекция ёки Марказ ходими техника эгаси номидан ушбу Регламентга 5-иловага мувофиқ шаклдаги сўровномани электрон шаклда тўлдиради.

Сўровномага мазкур Регламентнинг 22-бандида кўрсатилган техникага бўлган мулк ҳуқуқини тасдиқловчи ҳужжатлар илова қилинади.

19. Техника эгаси ёки унинг вакили ЯИДХП орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирилганда фойдаланувчининг телефон рақамига юборилган хабарни тасдиқлаш орқали идентификацияланади.

20. Техника эгаси ёки унинг вакили техникаларни давлат рўйхатидан ўтказиш учун Марказга келиб мурожаат этганда, унинг сўровномаси Марказ ходими томонидан тўлдирилиб, техника эгаси томонидан тасдиқланганидан сўнг реал вақт режимида Инспекцияга электрон шаклда юборилади.

Техника эгаси ёки унинг вакили ЯИДХП орқали мурожаат қилганда, сўровнома автоматик тарзда Инспекцияга электрон шаклда юборилади.

21. Техника эгаси ёки унинг вакилининг шахсини тасдиқловчи ҳужжатларга қуйидагилар киради:

а) жисмоний шахслар учун – жисмоний шахснинг шахсни тасдиқловчи ҳужжати:

Ўзбекистон Республикаси фуқаролари учун – паспорт ёки шахсни тасдиқловчи бошқа ҳужжатлар (ID-карта), ҳайдовчилик гувоҳномаси;

16 ёшга тўлмаган Ўзбекистон Республикаси фуқаролари учун – туғилганлик ҳақида гувоҳнома ёки шахсни тасдиқловчи бошқа ҳужжатлар;

Ўзбекистон Республикаси ҳарбий хизматчилари учун – ички ишлар органларининг рўйхатдан ўтказилганлик тўғрисидаги ёки ҳарбий қисмларнинг уй ажратиш тўғрисидаги маълумотномасини илова қилган ҳолда ҳарбий қисм ёки ҳарбий муассасалар кўмондонлиги томонидан бериладиган шахсни тасдиқловчи ҳужжат ёки ҳарбий билет (ҳарбий хизматга мажбур фуқароларнинг ҳарбий билетлари бундан мустасно);

чет эл фуқаролари учун – Ўзбекистон Республикасида яшаш гувоҳномаси ёки ички ишлар органининг доимий ёки вақтинчалик рўйхатдан ўтказилган жойи тўғрисидаги белгиси қўйилган чет эл фуқаросининг миллий паспорти ёхуд дипломатик паспорти ёки Ўзбекистон Республикасида аккредитациядан ўтганлигини тасдиқловчи тегишли ҳужжат;

фуқаролиги бўлмаган шахслар учун – фуқаролиги бўлмаган шахсларнинг шахсини тасдиқловчи ички ишлар органларининг доимий ёки вақтинчалик рўйхатдан ўтказилган жойи ҳақидаги белгиси қўйилган Ўзбекистон Республикасида яшаш гувоҳномаси;

б) жисмоний шахснинг вакили учун:

нотариус томонидан тасдиқланган жисмоний шахснинг вакили ваколатларини тасдиқловчи ишончнома ёки жисмоний шахснинг қонуний вакили ваколатларини тасдиқловчи ҳужжат;

вакил шахсини тасдиқловчи ҳужжат (мазкур банднинг “а” кичик бандида кўрсатилган ҳужжатлар);

в) юридик шахслар учун:

юридик шахснинг раҳбари томонидан имзоланган ва унинг муҳри билан тасдиқланган юридик шахс вакилининг ваколатларини тасдиқловчи ишончнома;

вакил шахсини тасдиқловчи ҳужжат (мазкур банднинг “а” кичик бандида кўрсатилган ҳужжатлар).

Шунингдек, Инспекция ходими “Электрон ҳукумат” тизимининг идоралараро интеграциялашув платформаси орқали юридик шахснинг давлат рўйхатидан ўтказилганлиги тўғрисидаги гувоҳнома нусхасини электрон шаклда олади.

22. Техникага бўлган мулк ҳуқуқи ёки бошқа ашёвий ҳуқуқларни тасдиқловчи ҳужжатларга қуйидагилар қиради:

нотариус томонидан тасдиқланган шартнома (олди-сотди, айирбошлаш, меросга бўлган ҳуқуқ, васиятнома, ҳадя, рента ва бошқалар) (“Нотариус” ахборот тизимидан интеграциялашув платформаси орқали электрон шаклда олинади);

суднинг қарори;

ишлаб чиқарувчи ёки махсус савдо ташкилоти (техникани ишлаб чиқарувчи корхона, унинг вакили ёки воситачи (дилерлик, дистрибьюторлик) ташкилотлари) томонидан бериладиган махсус бланкадаги “Ҳисоб-маълумотнома”;

Давлат активларини бошқариш агентлиги ҳузуридаги “Электрон онлайн аукционларни ташкил этиш маркази” давлат унитар корхонаси томонидан ташкил этилган аукционларда техникага бўлган мулк ҳуқуқини тасдиқловчи аукцион натижалари тўғрисидаги баённома;

Бош прокуратура ҳузуридаги Мажбурий ижро бюросининг туман (шаҳар) бўлимлари қарорлари;

юқори турувчи давлат органининг техникани бир тизим ичидаги ташкилотга текинга бериш тўғрисидаги қарори (буйруғи ёки фармойиши);

юрдик шахснинг юқори турувчи бошқарув органининг юридик шахснинг устав жамғармасига техникани киритиш тўғрисида ёки шу юридик шахснинг иштирокчисига (таъсисчи, аъзо) юридик шахснинг техникани дивиденд сифатида тўлаш тўғрисидаги қарори (иштирокчилари, таъсисчилари, аъзолари) умумий йиғилишининг баённомаси ёки ягона иштирокчининг қарори);

“эркин муомалага чиқариш (импорт)” божхона режимига жойлаштирилган божхона юк декларациясининг электрон нусхаси (Иқтисодиёт ва молия вазирлиги ҳузуридаги Божхона қўмитасининг ахборот тизимидан интеграциялашув платформаси орқали электрон шаклда олинади);

шахснинг техникани оммавий ўйинда (лотереяда) ютганлигини тасдиқловчи ҳужжат;

давлат органининг техникани мукофот (ҳадя) сифатида тақдим этганлиги тўғрисидаги қарори нусхаси;

лизингга берувчининг техникага бўлган мулк ҳуқуқини лизингга олувчига ўтганлигини тасдиқловчи топшириш-қабул қилиш далолатномаси.

23. Тугатилган юридик шахснинг техникалари янги ташкил этилган юридик шахснинг балансига ўтганда, техникаларни давлат рўйхатига олишда унинг ҳуқуқий ворислигини тасдиқловчи ҳужжатга юридик шахснинг устави ёки таъсис шартномаси киради.

Шунингдек, юридик шахснинг ҳуқуқий ворислигини тасдиқловчи ҳужжатлар “Электрон ҳукумат” тизимининг идоралараро интеграциялашув платформаси орқали электрон шаклда олинади.

24. Техникалар суд қарори асосида мусодара қилинганда, етказилган зарарни қоплашга қаратилганда, бошқа шахс ёки давлат эғалигига ўтказилганда, техникаларни давлат рўйхатидан ўтказиш суд қарори ёки аукцион натижалари тўғрисидаги баённомага асосан амалга оширилади.

Техникаларнинг рўйхатда туриш жойини ўзгартиришга олиб келадиган техника эгасининг яшаш (турар) жойи ёки жойлашган манзили (почта манзили) ўзгариши муносабати билан техникаларни давлат рўйхатидан ўтказишда, мазкур Регламентнинг 22-банди бешинчи хатбошисида келтирилган техникага бўлган мулк ҳуқуқи ёки бошқа ашёвий ҳуқуқларни тасдиқловчи ҳужжатларни тақдим этиш талаб этилмайди.

25. Техникаларни давлат рўйхатидан ва қайта рўйхатдан ўтказиш бўйича давлат хизматлари кўрсатганлик учун йиғимлар ушбу Регламентга 6-иловадаги тўлов ставкаларига мувофиқ амалга оширилади.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга ушбу Регламентга 6-иловадаги тўлов ставкаларининг 50 фоизи миқдорида чегирма қўлланилади, бунда юридик шахсларнинг вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

26. Техникаларни давлат рўйхатидан ва қайта рўйхатдан ўтказиш бўйича давлат хизматлари кўрсатганлик учун ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи - ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

27. Қуйидаги ҳолларда Инспекция томонидан техникаларни давлат рўйхатидан ёки қайта рўйхатдан ўтказиш рад этилади:

давлат хизматлари кўрсатганлик учун йиғимга тўловлар амалга оширилмаганда;

мазкур Регламентда белгиланган тегишли ҳужжатлар техника эгаси томонидан тўлиқ тақдим этилмаганда;

хизмат муддатини ўтаб бўлганлиги ва фойдаланишга яроқсизлиги туфайли техника ҳисобдан чиқарилган бўлса;

техника конструкциясига киритилган ўзгартиришлар техник тартибга солиш соҳасидаги норматив-ҳуқуқий ҳужжатлар талабларига, техника хавфсизлигини таъминлаш меъёрларига жавоб бермаганда;

техника техник регламентга мувофиқ бўлмаган эҳтиёт қисмлар ва агрегатлардан тайёрланган ёки йиғилган бўлса;

техникага ишлаб чиқарувчи томонидан қўйилган идентификация тамғасини яшириш, сохталаштириш, ўзгартириш, йўқ қилиш аломатлари, тақдим этилган ҳужжатларнинг сохталаштирилиши ёки ҳужжатлар ва рўйхатга оид ҳужжатларда кўрсатиб ўтилган маълумотларнинг техника ва агрегатлар рақамларига номувофиқлиги аниқланганда;

техниканинг рақамланган агрегати қидирувда эканлиги ёки тақдим этилган ҳужжатларнинг йўқолганлиги (ўғирланганлиги) тўғрисидаги маълумотлар мавжуд бўлганда.

Мазкур банднинг еттинчи-саккизинчи хатбошиларида кўрсатилган ҳолатлар аниқланганда, Инспекция томонидан тегишли ҳуқуқни муҳофаза қилиш органларига хабар берилади.

Давлат хизматлари кўрсатишни бошқа асослар бўйича рад этиш тақиқланади.

28. Техникаларни давлат рўйхатидан ёки қайта рўйхатдан ўтказишни рад этилишига сабаб бўлган ҳолатлар бартараф этилганда, техника эгаси ёки унинг вакили техникаларни давлат рўйхатидан ёки қайта рўйхатдан ўтказиш тўғрисида қайта мурожаат қилиш ҳуқуқига эга, бунда йиғимлар ундирилмайди.

Техникаларни қайта рўйхатдан ўтказиш

29. Техникани қайта рўйхатдан ўтказиш қуйидаги ҳолатларда амалга оширилади:

а) техника эгаси – жисмоний шахснинг фамилияси, исми, отасининг исми ўзгарганда, шунингдек, юридик шахс қайта ташкил этилганда ёки номи ўзгарганда;

б) техникаларни давлат рўйхатидан ўтказиш жойини ўзгартиришни талаб қилмаган ҳолда, техника эгасининг яшаш (турар) жойи ёки жойлашган манзили (почта манзили) ўзгарганда;

в) техниканинг ранги ва (ёки) агрегатлари рақами ўзгарганда;

г) техника қайта жиҳозланганда (техниканинг конструкциясига, яъни юриш қисми ва кабинасига ўзгартириш киритилганда ёки двигатели бошқа русумга мослаштирилганда);

д) техникаларни давлат рўйхатидан ўтказилганлиги тўғрисидаги техник паспорт ёки техник гувоҳнома яроқсиз ҳолга келганда, шикастланганда ёки ўғирланганда ва (ёки) ДРБ яроқсиз ҳолга келганда, шикастланганда ёки ўғирланганда;

е) давлат рўйхатидан ўтказилган техниканинг мулк эгаси ўзгарганда.

30. Техника эгаси ёки унинг вакили техникани қайта рўйхатдан ўтказиш учун Инспекцияга ёки Марказга келиб мурожаат этганда, Инспекция ёки Марказ ходими техника эгаси ёки унинг вакили номидан ушбу Регламентга 5-иловага мувофиқ шаклдаги сўровномани электрон шаклда тўлдиради.

Сўровномага мазкур Регламентнинг 34-бандида кўрсатилган техникани қайта рўйхатдан ўтказишга асос бўладиган ҳужжатлар илова қилинади.

31. Техника эгаси ёки унинг вакили ЯИДХП орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирилганда фойдаланувчининг телефон рақамига юборилган хабарни тасдиқлаш орқали идентификацияланади.

32. Техника эгаси ёки унинг вакили техникани қайта рўйхатдан ўтказиш учун Марказга келиб мурожаат этганда, унинг сўровномаси Марказ ходими томонидан тўлдирилиб, техника эгаси томонидан тасдиқланганидан сўнг реал вақт режимида Инспекцияга электрон шаклда юборилади.

ЯИДХП орқали мурожаат қилинганда эса, сўровнома автоматик тарзда Инспекцияга электрон шаклда юборилади.

33. Техника эгаси ёки унинг вакили шахсини тасдиқловчи ҳужжатларга мазкур Регламентнинг 21-бандида кўрсатилган ҳужжатлар киради.

34. Техникаларни қайта рўйхатдан ўтказишга асос бўлувчи ҳужжатларга қуйидагилар киради:

техника эгаси – жисмоний шахснинг фамилияси, исми, отасининг исми ўзгарганлигини (ФХДЁ органларининг маълумотномаси), шунингдек, юридик шахснинг қайта ташкил этилиши ёки номланиши ўзгарганлигини (юридик шахснинг давлат рўйхатидан ўтганлиги тўғрисида маълумот ва юридик шахснинг бошқарув органи қарори) тасдиқловчи ҳужжат;

техника эгасининг яшаш (турар) жойи ёки жойлашган манзили (почта манзили) ўзгарганлигини тасдиқловчи ҳужжат (яшаш жойи бўйича рўйхатдан ўтказилганлиги тўғрисидаги белги билан паспорт, юридик шахснинг давлат рўйхатидан ўтказилганлиги тўғрисидаги техник паспорт ёки техник гувоҳнома ва бошқалар);

техникага ўзгартириш киритиш ва уни қайта жиҳозлашни тасдиқловчи ҳужжат;

техниканинг ранги ва (ёки) агрегат рақами ўзгарганлигини тасдиқловчи ҳужжат (агрегатнинг қонуний олинганлигини тасдиқловчи ҳужжат (ҳисоб-маълумотнома, нотариус томонидан тасдиқланган олди-сотди шартномаси), техникаларни таъмирлаш ва техник хизмат кўрсатиш бўйича махсус корхонада агрегатларнинг алмаштирилганлиги ёки ранги ўзгартирилганлигини тасдиқловчи ҳужжат);

нотариус томонидан тасдиқланган шартнома (олди-сотди, айирбошлаш, меросга бўлган ҳуқуқ, васиятнома, ҳадя, рента ва бошқалар) (“Нотариус” ахборот тизимидан интеграциялашув платформаси орқали электрон шаклда олинади);

суднинг қарори;

Давлат активларини бошқариш агентлиги ҳузуридаги “Электрон онлайн аукционларни ташкил этиш маркази” давлат унитар корхонаси томонидан ташкил этилган аукционларда техникага бўлган мулк ҳуқуқини тасдиқловчи аукцион натижалари тўғрисидаги баённома;

Бош прокуратура ҳузуридаги Мажбурий ижро бюросининг туман (шаҳар) бўлимлари қарорлари;

юқори турувчи давлат органининг техникани бир тизим ичидаги ташкилотга текинга бериш тўғрисидаги қарори (буйруғи ёки фармойиши);

юримдик шахсининг юқори турувчи бошқарув органини юримдик шахсининг устав жамғармасига техникани киритиш тўғрисида ёки шу юримдик шахсининг иштирокчисига (таъсисчи, аъзо) юримдик шахсининг техникани дивиденд сифатида тўлаш тўғрисидаги қарори (иштирокчилари, таъсисчилари, аъзоларининг умумий йиғилиши баённомаси ёки ягона иштирокчинининг қарори);

лизингга берувчинининг техникага бўлган мулк ҳуқуқини лизингга олувчига ўтганлигини тасдиқловчи топшириш-қабул қилиш далолатномаси.

35. Техникаларни қайта рўйхатдан ўтказиш бўйича давлат хизматлари кўрсатганлик учун йиғимлар ушбу Регламентга 6-иловадаги тўлов ставкаларига мувофиқ амалга оширилади.

Давлат хизматлари кўрсатиш учун ЯИДХП орқали мурожаат этилганда, ушбу банднинг биринчи хатбошисида кўрсатилган йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга ушбу Регламентга 6-иловадаги тўлов ставкаларининг 50 фоизи миқдорида чегирма қўлланилади, бунда юримдик шахслар вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғимлар тўланганлигини тасдиқлаш ахборот-коммуникация тизимлари орқали амалга оширилади.

36. Йиғимлар 26-бандда келтирилган тартибда тақсимланади.

37. Инспекция томонидан давлат хизматлари кўрсатишни рад этиш учун мазкур Регламентнинг 27-бандида кўрсатилган ҳолатлар асос ҳисобланади.

38. Давлат хизматларини кўрсатишни бошқа асослар бўйича рад этиш тақиқланади.

39. Техника эгаси ёки унинг вакили давлат хизматларидан фойдаланишдан уни кўрсатишининг ҳар қандай босқичида бош тортиш ҳуқуқига эга. Техника эгаси ёки унинг вакили давлат хизматларидан фойдаланишдан бош тортганда, унинг сўровномаси кўрилмасдан қолдирилади, бунда тўланган йиғим суммаси қайтарилмайди.

40. Давлат рўйхатига олинган техниканинг мулк эгаси ўзгарганда, техникани қайта рўйхатдан ўтказиш учун техника эгаси ёки унинг вакили Инспекцияга қуйидаги ҳужжатларни топширади:

техник паспорт ёки техник гувоҳномаси;

давлат рақами белгиси;

мазкур Регламентнинг 29-банди “д” кичик бандига асосан мурожаат қилинганда Инспекцияга қуйидаги ҳужжатлар тақдим этилади:

техникаларни давлат рўйхатидан ўтказилганлиги тўғрисидаги техник паспорт ёки техник гувоҳнома (у яроқсиз ҳолга келганда);

давлат рақами белгиси (у шикастланганда).

3-боб. Техникаларни давлат рўйхатидан ва қайта рўйхатдан ўтказишни расмийлаштириш ҳамда уларга давлат рақами белгилари, техник паспорт ва техник гувоҳнома бериш тартиби

41. Инспекция ходими техника эгаси ёки унинг вакили томонидан тақдим этилган ҳужжатларни кўриб чиқиб, техниканинг тури, русуми, ДРБ, идентификацияловчи шассиси (рама) ва двигатель рақамининг рўйхатдан ўтказиш ҳужжатларида кўрсатилган маълумотларга мос келишини кўрикдан ўтказиб, солиштиргандан кейин техникаларни давлат рўйхатидан ёки қайта рўйхатдан ўтказди ёки ўтказишни рад этади.

42. Техникаларни қайта рўйхатдан ўтказиш 1 иш кунида кўриб чиқилади. Мазкур Регламентнинг 22 ва 34-бандида кўрсатилган ҳужжатлар тўлиқ тақдим этилганда, Инспекция техника эгаси ёки унинг вакилини мазкур Регламентнинг 40-бандида кўрсатилган ҳужжатларни (техника қайта рўйхатдан ўтказилганда) ҳамда техникани техник кўрикдан ўтказиш учун тақдим этиши ҳақида ахборот-коммуникация тизими орқали хабардор қилади.

Инспекциянинг техника ҳолатини назорат қилиш инспектори 2 иш кунида тақдим қилинган ҳужжатларни кўриб чиқади ва техника бўйича маълумотларни сўровномада қайд этилган маълумотларга мувофиқлигини кўздан кечириб, техникани техник кўрикдан ўтказди. Бунда техника эгаси ёки унинг вакили Инспекцияга техникани техник кўрикдан ўтказиш учун тақдим этади.

Шунингдек, техникаларни давлат рўйхатидан ўтказишда қўшимча маълумот олиш талаб этилганда, ушбу масалалар бўйича келиб тушган аризалар 10 иш кунида кўриб чиқилади.

43. Техникалар техник кўрикдан ўтказилиб, ҳужжатлар аслига мувофиқ ва тўлиқ бўлганда, давлат рўйхатидан ёки қайта рўйхатдан ўтказилади. Бунда Инспекциянинг техникаларни рўйхатдан ўтказиш китобига ва тегишли ахборот тизимида техниканинг идентификацияловчи шассиси (рама), двигатель рақамлари ва бошқа техник параметрлари ҳамда техника эгаси ва унинг яшаш (турар) жойи ёки жойлашган манзили (почта манзили) тўғрисидаги маълумотлар киритилади.

Инспекция ходими томонидан техникаларни қайта рўйхатдан ўтказиш жараёнида техникалар ахборот тизимида аввалги рўйхатдан ўтказиш жойидан давлат рўйхатидан чиқарилади ва янги рўйхатдан ўтказиш жойига киритилади.

44. Техникаларни давлат рўйхатидан ёки қайта рўйхатдан ўтказилганлиги тўғрисидаги техник паспорт, ДРБ ёки техник гувоҳнома Инспекциянинг техника ҳолатини назорат қилиш инспектори томонидан техника эгаси ёки унинг вакилига унинг шахсини тасдиқловчи ҳужжатлар асосида техникаларни рўйхатдан ўтказиш китобига уни олганлиги тўғрисида имзо қўйилиб, топширилади.

45. Техникага аввал берилган техник паспорт, ДРБ ёки техник гувоҳнома техникаларни қайта рўйхатдан ўтказган Инспекция органига топширилади.

46. Давлат рўйхатидан ёки қайта рўйхатдан ўтказилган техникаларнинг орқа қисмига жойлаштириш учун мазкур Регламентга 3-иловага мувофиқ намунада тайёрланган ДРБ берилади.

ДРБ ундаги рақамларнинг ўсиб бориш тартибига мувофиқ равишда берилади:

юридик шахсларга – I ва III типли ДРБ;

жисмоний шахсларга – II ва IV типли ДРБ.

47. Техника эгаси берилган ДРБдан мақсадли фойдаланиши шарт.

48. Техникаларни давлат рўйхатидан ўтказилганлиги тўғрисидаги техник паспорт ёки техник гувоҳнома яроқсиз ҳолга келганда, шикастланганда, ўғирланганда ёки йўқолганда, техникаларни қайта рўйхатдан ўтказиш 2 иш кунида кўриб чиқилади. Бунда Инспекциянинг техника ҳолатини назорат қилиш инспектори томонидан мазкур Регламентнинг 40-бандида кўрсатилган ҳужжатлар тўлиқ тақдим этилганлиги кўриб чиқилади ва техникадаги маълумотларнинг сўровномада қайд этилган маълумотларга мувофиқлиги кўздан кечирилиб, техник кўрикдан ўтказилади.

Тақдим этилган ҳужжатлар (маълумотлар) техникага мос бўлганда, Инспекция техникаларни давлат рўйхатига олиш ахборот тизими маълумотлари асосида техника эгаси ёки унинг вакилига унинг шахсини тасдиқловчи ҳужжатнинг аслига асосан техникаларни давлат рўйхатидан ўтказилганлиги тўғрисидаги техник паспорт ёки техник гувоҳноманинг янгисини беради.

49. Техникаларни давлат рўйхатидан ўтказилганлиги тўғрисидаги техник паспорт ёки техник гувоҳнома яроқсиз ҳолга келганда, шикастланганда, ўғирланганда ёки йўқолганда унинг ўрнига янгиси, шунингдек, ДРБ яроқсиз ҳолга келган, бузилган, шикастланган ёки йўқолганда янги ДРБ бериш учун ушбу Регламентга 6-иловага мувофиқ миқдорда йиғим ундирилади.

Давлати хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

50. ДРБ шикастланганда, йўқолганда ёки ўғирланганда техникаларни давлат рўйхатидан ўтказиш маълумотларига асосан, шунингдек, белгиланган миқдорда йиғим амалга оширилгач, Инспекция томонидан янги ДРБ берилади. Бунда ДРБ дубликатини берилишига йўл қўйилмайди.

Рўйхатга олиш тўғрисидаги маълумотлар (техникаларни давлат рўйхатига олинганлиги тўғрисидаги техник паспорт ёки техник гувоҳнома ва ДРБнинг янгисини бериш) техникаларни давлат рўйхатига олиш ахборот тизимида киритилади.

4-боб. Якунловчи қоидалар

51. Техникаларни давлат рўйхатига ва қайта рўйхатга олиш учун ҳаракатларни амалга ошириш учун асос бўладиган ҳужжатлар уч йил, техникаларни рўйхатга олиш китоби Инспекцияда йигирма беш йил сақланади ва ушбу муддат ўтгандан кейин белгиланган тартибда давлат архивига топширилади.

52. Инспекцияга ҳужжатлар тақдим қилинганда ёки электрон шаклда мурожаат қилинганда, уларни ўрганиш ёки техник кўрик жараёнларида асли билан таққосланиши шарт.

53. Техникалар янги харид қилинганда, техникага бўлган мулк ҳуқуқи ёки техника эгасининг манзили (номи) ўзгарганда, техникалар Инспекция томонидан 10 иш кунида давлат рўйхатидан ёки қайта рўйхатдан ўтказилади.

Бунда техника эгаси техниканинг техник ҳолатидан қатъи назар, мазкур Регламентнинг 22-бандида назарда тутилган ҳужжатларни тақдим этган ҳолда мурожаат қилади.

Агар мурожаат қилиш муддатининг охири куни дам олиш, байрам ва бошқа иш куни бўлмаган кунларга тўғри келса, ундан кейинги биринчи иш куни муддатнинг тугаган куни ҳисобланади.

54. Техникаларни рўйхатга қўйиш муддатларининг бузилиши ёки белгиланган тартибда рўйхатдан ўтказилмаган техникалар бўйича жисмоний ва юридик шахслар қонунчилик ҳужжатларида белгиланган тартибда маъмурий жавобгарликка тортилади.

55. Инспекция техника эгаларига давлат хизматлари кўрсатилиши ҳамда йўл ҳаракати қатнашчилари (тракторчи-машинистлар) томонидан йўл ҳаракати қоидаларига риоя этилиши устидан назоратни қонунчилик ҳужжатларига мувофиқ амалга оширади.

56. Инспекция томонидан техникаларни тақиққа олиш ва тақиқдан чиқариш судья, прокурор, терговчи, суриштирувчи, давлат ижрочиси, нотариус, Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармалари ҳузуридаги идоравий нотариал архивлар мудирлари, солиқ органининг раҳбари (раҳбар ўринбосари) ва тегишли ваколатли ташкилотлар сўровлари асосида ахборот тизимидаги маълумотлар базасида акс эттирилади.

Шунингдек, ахборот тизимларини интеграциялаш орқали ваколатли ташкилотлар томонидан техникаларни тақиққа олиш ва тақиқдан чиқариш электрон шаклда амалга оширилиши мумкин.

Тақиққа олинган техникаларни давлат рўйхатига ва қайта рўйхатга олиш ҳаракатлари тақиққа олдирган идора томонидан тақиқ бекор қилингандан сўнг амалга оширилади.

57. Техниканинг лизинг (сублизинг) шартномасини амал қилиш муддати тугаши билан, техниканинг лизинг (сублизинг) шартномаси ва техникани лизингга берувчининг техникага бўлган мулк ҳуқуқи техникани лизингга олувчига ўтганлигини тасдиқловчи топшириш-қабул қилиш далолатномасига асосан техникалар лизингга олувчининг номига давлат рўйхатидан ўтказилади.

Техникалар лизингга берувчининг ёзма сўровига асосан лизингга олувчининг номига ҳам расмийлаштирилиши мумкин. Бунда техника лизингга берувчи номидан тақиққа олинади ва унинг мурожаати билан тақиқдан чиқарилади. Техникалар техникани лизингга олувчидан олиниб, бошқага ўтказилганда, янгидан рўйхатдан ўтказилади.

Лизингга (сублизингга) олувчи номига рўйхатдан ўтказилган техникани лизинг берувчига қайтариб берилишини ёки бошқа лизингга олувчининг номига ўтказилишини асословчи ҳужжатлар, шунингдек, суд ёки бошқа органларнинг ижро ҳужжати нусхаси илова қилинган ҳолда лизингга берувчининг аризасига асосан лизингга берувчининг ёки бошқа лизингга олувчининг номига рўйхатдан ўтказилади.

58. Инспекция, Марказ ва давлат хизматларини кўрсатишда иштирок этувчи бошқа ташкилотлар давлат хизматларини кўрсатиш бўйича олинган маълумотларнинг сир сақланишини таъминлайди.

59. Инспекция, Марказ ва давлат хизматларини кўрсатишда иштирок этувчи бошқа ташкилотлар манфаатдор шахсга маъмурий ҳужжатни қабул қилиш учун аҳамиятга эга бўлган барча ҳолатлар юзасидан ўз фикрини билдириш имкониятини беради.

60. Техника эгаси ёки унинг вакили давлат хизматларини кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилиши мумкин.

61. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Техникаларни давлат рўйхатидан ўтказилганлиги тўғрисидаги “TECHNIK PASPORT” халқаро стандартлар асосида 54x86 мм ўлчамдаги пластикдан тайёрланади. Техникаларни давлат рўйхатидан ўтказилганлиги тўғрисидаги “TECHNIK PASPORT”нинг ранги - очиқ сариқ пушти. Лотин ёзувидаги давлат тилидан фойдаланилади. Серияли рақами - тўрт ҳарфли (UZ-TP), рақами - олти рақамли.

Техникаларни давлат рўйхатидан ўтказилганлиги тўғрисидаги “TEXNIK PASPORT”да жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) ва қурилмалар ўртасида бевосита алоқасиз ахборот айирбошлаш имконини берувчи электрон белги (NFC смарт-карт) бўлади.

Техникаларни давлат рўйхатидан ўтказилганлиги тўғрисидаги “TEXNIK PASPORT”нинг пластик шакли қуйидаги ҳимоя воситаларига эга:

микроматн – “TEXNIK PASPORT”, “Технический паспорт”, “Technical passport” ўлчами – максимум 30 микрон;

ультрабинафша қоплама;

“UZ” ёзуви, эгилганда бир рангдан бошқа рангга товланадиган оптик турланадиган бўёқ; гильош, доимий равишда қийшайиб турадиган 40 - 70 мкм қалинликдаги тўлқинли чизиқларнинг қалин тармоғи шаклидаги нақш;

гувоҳнома пластик шаклининг серияли рақамини лазер ўйма нақши.

Техник паспортнинг олд томонида “TEXNIK PASPORT”, “Технический паспорт”, “Technical passport” сўзлари ёзилган, шунингдек, Ўзбекистон Республикаси Давлат байроғининг тасвири туширилган, “Ўзбекистон” сўзлари давлат тилида, рус ва инглиз тилларида ёзилган. Техниканинг давлат рақами белгиси, маркаси, модели, ранги, эгаси тўғрисидаги маълумотлар (фамилияси, исми, отасининг исми ёки ташкилотнинг номи, манзили), техник паспорт берилган сана, Инспекциянинг тегишли бўлими;

жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) мажбурий тартибда кўрсатилади.

Техникаларни давлат рўйхатидан ўтказилганлиги тўғрисидаги “TEXNIK PASPORT”нинг орқа томонида техника тўғрисидаги маълумотлар, ишлаб чиқарилган йил, тури, кузов/шасси рақами, тўла вазни, юксиз вазни, двигателнинг тоифаси ва қуввати, ёнилғи тури, алоҳида белгилар мажбурий тартибда кўрсатилади.

Қишлоқ хўжалиги, мелиорация ва йўл-
қурилиш техникаларини давлат рўйхатидан
ва қайта рўйхатдан ўтказиш бўйича давлат
хизматларини кўрсатишнинг
маъмурий регламентига
2-илова

**Қишлоқ хўжалиги, мелиорация ва йўл-қурилиш ҳамда бошқа мақсадларга
мўлжалланган агрегат, машина, механизм ва ускуналарга бериладиган техник
гувоҳноманинг
НАМУНАСИ**

Олд томони

O'ZBEKISTON UZBEKISTAN		ТЕХНИК ГУВОҲНОМА	ТЕХНИЧЕСКОЕ СВИДЕТЕЛЬСТВО UNIT CERTIFICATE
NOVI	1. NOMI		
RUSUMI / MODEL	2. RUSUMI / MODEL		
RANGI	3. RANGI		
EGASI	4. EGASI		
MANZILI	5. MANZILI		
BERILGAN SANASI	6. BERILGAN SANASI		
INSPEKSIYANING BO'LIMI	7. INSPEKSIYANING BO'LIMI		
JSH SHIR / STIR	8. JSH SHIR / STIR		

Орқа томони

ISLAB CHIQARILGAN YILI	9. ISLAB CHIQARILGAN YILI	SERIYA RAQAMI
TURI	10. TURI	
AGREGAT RAQAMI	11. AGREGAT RAQAMI	
TOLA VAZNI	12. TOLA VAZNI (kg)	
YUKSIZ VAZNI	13. YUKSIZ VAZNI (kg)	
VAZIFASI	14. VAZIFASI	
ALOHIDA BELGILAR	15. ALOHIDA BELGILAR	

**Техник гувоҳноманинг
ТАСНИФИ**

Техникаларни давлат рўйхатидан ўтказилганлиги тўғрисидаги “ТЕХНИК ГУВОҲНОМА” халқаро стандартлар асосида 54x86 мм ўлчамда пластикдан тайёрланади. Техникаларни давлат рўйхатидан ўтказилганлиги тўғрисидаги “ТЕХНИК ГУВОҲНОМА”нинг ранги - кулранг пушти. Лотин ёзувидаги давлат тилидан фойдаланилади. Серияли рақам - тўрт ҳарфли (UZ-TG), номери – олти рақамли.

Техникаларни давлат рўйхатидан ўтказилганлиги тўғрисидаги “ТЕХНИК ГУВОҲНОМА”да жисмоний шахс учун – шахсий идентификация рақами (ЖШШИР), юридик шахс учун – солиқ

тўловчининг идентификация рақами (СТИР) ва қурилмалар ўртасида бевосита алоқасиз ахборот айирбошлаш имконини берувчи электрон белги (NFC смарт-карт) бўлади.

Техникаларни давлат рўйхатидан ўтказилганлиги тўғрисидаги “TECHNIK GUVONNOMA”нинг пластик шакли қуйидаги ҳимоя воситаларига эга:

микроматн – “TECHNIK GUVONNOMA”, “Техническое свидетельство”, “Technical certificate” ўлчами-максимум 30 микрон;

ультрабинафша қоплама;

“UZ” ёзувли, эгилганда бир рангдан бошқа рангга товланадиган оптик турланадиган бўёқ;

гильош, доимий равишда қийшайиб турадиган 40 - 70 мкм қалинликдаги тўлқинли чизиқларнинг қалин тармоғи шаклидаги нақш;

гувоҳнома пластик шаклининг серияли рақамининг лазер ўйма нақши.

Техник паспортнинг олд томонида “TECHNIK GUVONNOMA”, “Техническое свидетельство”, “Technical certificate” сўзлари ёзилган, шунингдек, Ўзбекистон Республикаси Давлат байроғининг тасвири туширилган, “Ўзбекистон” сўзлари давлат тилида, рус ва инглиз тилларида ёзилган. Техниканинг номи, маркаси, модели, ранги, эгаси тўғрисидаги маълумотлар (фамилияси, исми, отасининг исми ёки ташкилотнинг номи, манзили), давлат рўйхатидан ўтказилганлиги тўғрисидаги “TECHNIK GUVONNOMA” берилган сана, Инспекциянинг тегишли бўлими, жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) мажбурий тартибда кўрсатилади.


Техникаларни давлат рўйхатидан ўтказилганлиги тўғрисидаги “TECHNIK GUVONNOMA”нинг орқа томонида техника тўғрисидаги маълумотлар; ишлаб чиқарилган йил, тури, агрегат рақами, тўла вазни, юксиз вазни, вазифаси, алоҳида белгилар мажбурий тартибда кўрсатилади.

Қишлоқ хўжалиги, мелиорация ва йўл-
қурилиш техникаларини давлат рўйхатидан
ва қайта рўйхатдан ўтказиш бўйича давлат
хизматларини кўрсатишнинг
маъмурий регламентига
3-илова

**Қишлоқ хўжалиги, мелиорация ва йўл-қурилиш техникалари ҳамда ўзиюрар
машиналарнинг давлат рақами белгилари
НАМУНАЛАРИ**

I тип – юридик шахсларнинг тракторлари, йўл-қурилиш ва мелиорация техникалари,
ўзиюрар машиналарга бериладиган давлат рақами белгилари кабинанинг орқа қисмига
маҳкамланади.

Давлат рақами белгисининг фони оқ рангда, четки қисми, рақам ва ҳарфлари қора рангда.
Чап қисмида рўйхатга олиш сонлари билан баравар қилиб тракторнинг шартли расми, қуйида
чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон
Республикасининг байроғи ва UZ ҳарфлари тасвирланган.



II тип – жисмоний шахсларнинг тракторлари, йўл-қурилиш ва мелиорация техникалари,
ўзиюрар машиналарга бериладиган давлат рақами белгилари кабинанинг орқа қисмига
маҳкамланади.

Давлат рақами белгисининг фони сариқ рангда, четки қисми, рақам ва ҳарфлари қора
рангда. Чап қисмида рўйхатга олиш сонлари билан баравар қилиб тракторнинг шартли расми,
қуйида чап томонда фарқловчи ҳарфлар гуруҳлари ва ўнг томонда ҳудуднинг коди*,
Ўзбекистон Республикасининг байроғи ва UZ ҳарфлари тасвирланган.



III тип – юридик шахсларнинг трактор тиркамаларига бериладиган давлат рақами
белгилари тиркаманинг орқа қисмига маҳкамланади.

Давлат рақами белгисининг фони оқ рангда, четки қисми, рақам ва ҳарфлари қора рангда.
Қуйида чап томонда фарқловчи ҳарфлар гуруҳлари ва ўнг томонда ҳудуднинг коди*,
Ўзбекистон Республикасининг байроғи ва UZ ҳарфлари тасвирланган.



IV тип – жисмоний шахсларнинг трактор тиркамаларига бериладиган давлат рақами белгилари тиркаманинг орқа қисмига маҳкамланади.

Давлат рақами белгисининг фони сариқ рангда, четки қисми, рақам ва ҳарфлари қора рангда. Қуйида чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон Республикасининг байроғи ва UZ ҳарфлари тасвирланган.



Изоҳ. *Тракторлар, йўл-қурилиш ва мелиорация техникалари, ўзинюрар машиналар, трактор тиркамаларига бериладиган рўйхатдан ўтказиш давлат рақами белгиларининг ҳудудий кодлари, шунингдек, рўйхатдан ўтказиш давлат рақами белгиларида қўлланадиган рақамлар ва латин алифбоси ҳарфларининг намуналари Вазирлар Маҳкамасининг “Автомобилтранспорт воситалари учун рўйхатдан ўтказиш давлат рақами белгиларининг янги намуналарини жорий этиш чора-тадбирлари тўғрисида” 2007 йил 27 июндаги 131-сон қарорига 1 ва 3-иловаларга мувофиқ белгиланади.

Қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказиш бўйича давлат хизматларини кўрсатишнинг маъмурий регламентига
4-илова

**Қишлоқ хўжалиги, мелиорация ва йўл-қурилиш техникаларини давлат рўйхатидан ва қайта рўйхатдан ўтказиш бўйича давлат хизматларини кўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Техника эгаси ёки унинг вакили (жисмоний ёки юридик шахслар)	1. Техниканинг эгаси ёки унинг вакили давлат хизматларидан фойдаланиш учун Агросаноат мажмуи устидан назорат қилиш инспекциясига (кейинги ўринларда – Инспекция) ёки давлат хизматлари марказига (кейинги ўринларда – Марказ) ўзи келиб, шунингдек, давлат хизматларидан электрон фойдаланиш учун ягона интерактив давлат хизматлари порталида (кейинги ўринларда – ЯИДХП) рўйхатдан ўтади. 2. Инспекция, Марказ ёки ЯИДХП томонидан кўрсатиладиган давлат хизматлари учун йиғимни амалга оширади. 3. Техникани қайта рўйхатдан ўтказиш ҳолатларида Инспекцияга техникаларни давлат рўйхатидан ўтказилганлиги тўғрисидаги техник паспорт ҳамда давлат рақами белгиси (кейинги ўринларда – ДРБ) ёки техник гувоҳномани тақдим этади.	1. Хоҳишига кўра 2. Мурожаат қилганда
2-босқич	1. Марказ 2. ЯИДХП	Сўровномани Инспекцияга юборади.	Сўровнома тўлдирилгандан сўнг автоматик тарзда
3-босқич	Инспекция	1. Сўровнома ва тақдим этилган ҳужжатларни кўриб чиқиб, техникаларни техник кўрикдан ўтказгандан сўнг техникаларни давлат рўйхатидан ёки қайта рўйхатдан ўтказишга ёхуд ўтказишни рад этиш тўғрисида қарор қабул қилади. 2. Қабул қилинган қарорни электрон шаклда Марказга ёки ЯИДХП орқали техника эгасига юборади.	1. 2 иш кунидан кечиктирмасдан 2. Қарор қабул қилингандан сўнг 2 иш кунда
4-босқич	Инспекция	1. Техникаларни давлат рўйхатидан ёки қайта рўйхатдан ўтказилганлиги тўғрисидаги маълумотларни ўзининг ахборот тизимига киритади. 2. Техника эгасига ёки унинг вакилига техникаларни давлат рўйхатидан ёки қайта рўйхатдан ўтказилганлиги тўғрисидаги техник паспорт ҳамда давлат рақам белгиси ёки техник гувоҳномани беради.	2 иш кунда

Қишлоқ хўжалиги, мелиорация ва йўл-
қурилиш техникаларини давлат рўйхатидан
ва қайта рўйхатдан ўтказиш бўйича давлат
хизматларини кўрсатишнинг
маъмурий регламентига
5-илова

(сана)

(рақам)

Қишлоқ хўжалиги, мелиорация ва йўл-қурилиш техникаларини давлат рўйхатидан
ва қайта рўйхатдан ўтказиш бўйича давлат хизматларини кўрсатиш юзасидан
СЎРОВНОМА

I. Техника эгаси – юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
Юридик шахс вакили:	
1. Ф.И.О.	
2. Жисмоний шахснинг шахсий идентификация рақами	
II. Техника эгаси – жисмоний шахс тўғрисида маълумот:	
1. Ф.И.О.	
2. Жисмоний шахснинг шахсий идентификация рақами	
3. Манзили	
4. Телефон рақами	
III. Техника тўғрисида маълумот:	
1. Номи	
2. Русуми/моделли	
3. Ишлаб чиқарилган йили	
4. Двигатель рақами	
5. Завод рақами	
6. Кузов/шасси рақами	
7. Техник паспорт ёки техник гувоҳнома серияси ва рақами	
8. Давлат рақами белгиси	
III. Сўровномага техникага бўлган мулк ҳуқуқи ёки бошқа ашёвий ҳуқуқларни тасдиқловчи ҳужжатлар илова қилинади. Техникани қайта рўйхатдан ўтказиш ҳолатларида Инспекцияга техникаларни давлат рўйхатидан ўтказилганлиги тўғрисидаги техник паспорт, ДРБ ёки техник гувоҳнома тақдим этилади.	
IV. Давлат хизматларидан фойдаланиш сабаби:	Техникани давлат рўйхатидан ўтказиш
	Техникани қайта рўйхатдан ўтказиш
Тасдиқлайман:	

Қишлоқ хўжалиги, мелиорация ва йўл-
қурилиш техникаларини давлат рўйхатидан
ва қайта рўйхатдан ўтказиш бўйича давлат
хизматларини кўрсатишнинг
маъмурий регламентига
6-илова

**Техникаларни давлат рўйхатидан ва қайта рўйхатдан ўтказишда, шунингдек,
техникаларга давлат рақами белгилари, техник паспорт ва техник гувоҳномани
беришда ундириладиган
ТЎЛОВ СТАВКАЛАРИ**

**I. Давлат рўйхатидан ўтказилган қишлоқ хўжалиги, мелиорация ва йўл-қурилиш
техникаларига давлат рақами белгиларини бериш учун**

1	Қишлоқ хўжалиги, мелиорация ва йўл-қурилиш техникаларига давлат рақами белгиларини (кейинги ўринларда – ДРБ) бериш учун	базавий ҳисоблаш миқдорининг 90 фоизи миқдорида
---	---	---

Изоҳ. Яроқсиз ҳолга келган, бузилган ёки шикастланган ДРБ ўрнига янгисини бериш учун базавий ҳисоблаш миқдорининг 90 фоизи миқдорида йиғим ундирилади;
йўқолган ДРБ ўрнига янгисини бериш учун базавий ҳисоблаш миқдорининг 2 баравари миқдорида йиғим ундирилади.

II. Техникаларни давлат рўйхатидан ёки қайта рўйхатдан ўтказиш учун

2	Техник паспорт бериладиган қишлоқ хўжалиги, мелиорация ва йўл-қурилиш техникалари ҳамда ўзиюар машиналарни давлат рўйхатидан ёки қайта рўйхатдан ўтказиш учун	базавий ҳисоблаш миқдорининг 20 фоизи миқдорида
3	Техник гувоҳнома бериладиган қишлоқ хўжалиги, мелиорация ва йўл-қурилиш машиналари, агрегатлари ва асбоб-ускуналарини давлат рўйхатидан ёки қайта рўйхатдан ўтказиш учун	базавий ҳисоблаш миқдорининг 18 фоизи миқдорида

Изоҳ. Техникага ўзгартириш киритиш ва уни қайта жиҳозлашни амалга оширишга рухсатнома бериш учун базавий ҳисоблаш миқдорининг 2 баравари миқдорида йиғим ундирилади.

**III. Давлат рўйхатидан ўтказилган қишлоқ хўжалиги, мелиорация ва йўл-қурилиш
техникалари ҳамда ўзиюар машиналарга техник паспорт бериш учун**

4	Қишлоқ хўжалиги, мелиорация ва йўл-қурилиш техникалари ҳамда ўзиюар машиналарга техник паспорт бериш учун	базавий ҳисоблаш миқдорининг 50 фоизи миқдорида
---	---	--

Изоҳ. Яроқсиз ҳолга келган ёки ўғирланган ёхуд йўқолган техник паспорт ўрнига янгисини бериш учун базавий ҳисоблаш миқдорининг 50 фоизи миқдорида йиғим ундирилади.

**IV. Техник паспорт берилмайдиган қишлоқ хўжалиги, мелиорация
ва йўл-қурилиш машиналари, агрегатлари ва асбоб-ускуналарига
техник гувоҳнома бериш учун**

5	Техник паспорт берилмайдиган қишлоқ хўжалиги, мелиорация ва йўл-қурилиш машиналари, агрегатлари ва асбоб-ускуналарига техник гувоҳнома бериш учун	базавий ҳисоблаш миқдорининг 30 фоизи миқдорида
---	---	--

Изоҳ. Яроқсиз ҳолга келган ва ўғирланган ёхуд йўқолган техник гувоҳнома ўрнига янгисини бериш учун базавий ҳисоблаш миқдорининг 30 фоизи миқдорида йиғим ундирилади.

**V. Техникаларни давлат рўйхатидан ва қайта рўйхатдан ўтказишда
техник кўрикдан ўтказиш учун**

6	100 от кучи ва ундан юқори қувватга эга ғилдиракли тракторлар, мелиорация ва йўл-қурилиш техникалари, ўзиюрар машиналар ҳамда занжирли ва ярим занжирли тракторлар учун	базавий ҳисоблаш миқдорининг 30 фоизи миқдорида
7	100 от кучигача қувватга эга ғилдиракли тракторлар, трактор тиркамалари, мелиорация ва йўл-қурилиш техникалари ҳамда ўзиюрар машиналар, осма ва ярим осма, занжирли, ярим занжирли ва йиғма машиналар учун	базавий ҳисоблаш миқдорининг 20 фоизи миқдорида
8	Қишлоқ хўжалиги, мелиорация ва йўл-қурилиш машиналари ҳамда агрегатлар учун	базавий ҳисоблаш миқдорининг 15 фоизи миқдорида
9	Йўл-қурилиш, мелиорация ва бошқа мақсадларга мўлжалланган юк ортувчи, пахта, дон ва уруғларни қайта ишлашга мўлжалланган машиналар, шунингдек, чорвачилик, паррандачилик ва ем-хашак ишлаб чиқариш машиналари ва ускуналари, кичик механизация мосламалари учун	базавий ҳисоблаш миқдорининг 15 фоизи миқдорида
10	Машина-трактор парклари, таъмирлаш устахоналари, сервис пунктлари ва бошқалардаги ҳар бир станок, асбоб-ускуна ва жиҳозлар учун	базавий ҳисоблаш миқдорининг 15 фоизи миқдорида
11	Сув насослари учун	базавий ҳисоблаш миқдорининг 20 фоизи миқдорида

Вазирлар Маҳкамасининг
2023 йил “29” апрелдаги 170сон қарорига
2-илова

**Қишлоқ хўжалиги, мелиорация ва йўл-қурилиш техникаларини
вақтинча рўйхатдан ўтказиш бўйича давлат хизматларини
кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларга (кейинги ўринларда – техника эгаси) қишлоқ хўжалиги, мелиорация ва йўл-қурилиш техникаларини (кейинги ўринларда – техника) вақтинча рўйхатдан ўтказиш бўйича давлат хизматларини кўрсатиш тартибини белгилайди.

2. Ташкилий шаклидан қатъи назар техникаларни вақтинча рўйхатдан ўтказиш Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция) томонидан мазкур Регламентга мувофиқ амалга оширилади.

3. Ушбу Регламентда қуйидаги асосий тушунчалардан фойдаланилади:

вақтинча рўйхатга олиш жойи – техникаларни вақтинча рўйхатдан ўтказишни амалга оширувчи Инспекция жойлашган жой;

вақтинча рўйхатдан ўтказиш тадбирлари – қонунчилик ҳужжатларига мувофиқ Инспекция томонидан техникаларни вақтинча рўйхатдан ўтказиш, шунингдек, техникаларни вақтинча рўйхатга олиш ҳақида вақтинча техник паспорт ва гувоҳнома ҳамда ДРБ беришдан иборат давлат рўйхатидан ўтказиш бўйича ҳаракатлар комплекси;

вақтинча техник паспорт – қишлоқ хўжалиги, мелиорация ва йўл-қурилиш техникалари, тракторлар, трактор тиркамалари ва ўзиюрар машиналарга мазкур Регламентга 1-иловада белгиланган намунага мувофиқ бериладиган махсус ҳимояланган вақтинчалик ҳужжат;

вақтинча техник гувоҳнома – техник паспорт берилмайдиган қишлоқ хўжалиги, мелиорация ва йўл-қурилиши ҳамда бошқа мақсадларга мўлжалланган агрегат, машина, механизм ва ускуналарга мазкур Регламентга 2-иловада белгиланган намунага мувофиқ бериладиган махсус ҳимояланган вақтинчалик ҳужжат;

давлат рақами белгиси (кейинги ўринларда – ДРБ) – мазкур Регламентга 3-иловада белгиланган намунага мувофиқ техникани давлат рўйхатидан ўтказишни ҳисобга олиш учун ҳудудий кодлар ва давлат рақамлари белгиларининг типларига кўра бериладиган махсус рақамли белги;

жисмоний шахснинг вакили – жисмоний шахснинг нотариус томонидан тасдиқланган қонуний вакили;

техника эгаси – техника воситасига мулк ҳуқуқи ёки бошқа ашёвий ҳуқуқлар асосида эгалик қилувчи юридик ёки жисмоний шахс;

техникаларни вақтинча рўйхатдан ўтказиш – техникани вақтинча рўйхатдан ўтказиш ҳақида техник паспорт ҳамда ДРБ ёки техник гувоҳнома бериш;

қишлоқ хўжалиги, мелиорация ва йўл-қурилиш техникалари – идоравий бўйсунуви ва ташкилий-ҳуқуқий шаклидан қатъи назар қишлоқ ва ўрмон хўжалигига мўлжалланган барча турдаги тракторлар (ғилдиракли, занжирли ва ярим занжирли), ўзиюрар машиналар (ўзиюрар қишлоқ хўжалиги машиналари, ўзиюрар мелиоратив ҳамда йўл-қурилиш техникалари), трактор тиркамалари, қишлоқ хўжалиги, йўл-қурилиш, мелиоратив ва бошқа мақсадларга мўлжалланган тупроққа ва экинларга ишлов берувчи, юк ортувчи, дон ва уруғни қайта ишлашга мўлжалланган машиналар, чорвачилик, паррандачилик ва ем-хашак ишлаб чиқариш машина ва технологик ускуналари, сув насослари, кичик механизация мосламалари.

4. Техникаларни вақтинча рўйхатдан ўтказиш бўйича давлат хизматлари Инспекция, давлат хизматлари маркази (кейинги ўринларда – Марказ) ёки Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали техника эгаси ёки унинг вакилини сўровномасига асосан амалга оширилади.

5. Инспекция томонидан назорат қилинадиган ва техник кўриққа жалб этиладиган қишлоқ хўжалиги, мелиорация ва йўл-қурилиш техникалари, таъмирлаш ва сервис асбоб-ускуналари турлари устидан назорат қилиш Инспекциянинг марказий аппарати, ҳудудий бошқармалари ва туман (Қувасой шаҳар) бўлимлари томонидан амалга оширилади.

6. Техниканинг тузилмаси техник тартибга солиш соҳасидаги норматив-ҳуқуқий ҳужжатлар, Вазирлар Маҳкамасининг 2016 йил 18 мартдаги 80-сон қарори билан тасдиқланган Қишлоқ хўжалиги техникалари конструкциясининг хавфсизлиги тўғрисидаги умумий техник регламенти (кейинги ўринларда – Техник регламент), шунингдек, техника хавфсизлигини таъминлаш соҳасидаги меъёрий ҳужжатлар талабларига мос келиши лозим.

7. Техникаларни вақтинча рўйхатдан ўтказиш ишлари тўловлар олдиндан амалга оширилгандан сўнг бажарилади.

8. Техникаларни вақтинча рўйхатдан ўтказиш қуйидаги ҳолларда амалга оширилади:

техникалар “вақтинча олиб кириш” божхона режимида жойлаштирилганда;

техникалар тажриба синовларини ўтказиш учун олиб келинганда.

9. Техникаларни вақтинча рўйхатдан ўтказиш ҳужжатлари келгусида техникаларга оид мулкӣ ҳуқуқларни вужудга келтирмайди, ўзгартирмайди ёки бекор қилмайди.

10. Техникалар унинг эгаси ҳисобланувчи жисмоний ёки юридик шахснинг номига вақтинча рўйхатдан ўтказилади.

11. Жисмоний шахсларнинг техникалари уларнинг доимий ёки вақтинча яшаш (турар) жойида вақтинча рўйхатдан ўтказилади.

12. Юридик шахсларнинг техникаларини вақтинча рўйхатдан ўтказиш юридик шахсларни рўйхатдан ўтказиш гувоҳномасида кўрсатилган юридик манзили бўйича амалга оширилади.

13. Инспекцияда қуйидаги техникалар вақтинча рўйхатдан ўтказилмайди:

фақат конларда, шахта ва карьерларда қўлланиладиган махсус техникалар;

ички ишлар органларида рўйхатга олинган транспорт воситалари;

трамвай ва троллейбуслар;

Ўзбекистон Республикаси Мудофаа вазирлиги, Давлат хавфсизлик хизмати, Ички ишлар вазирлиги, Миллий гвардияга тегишли бўлган ҳарбий ва бошқа техникалар, шунингдек, Транспорт вазирлиги ҳамда Тоғ-кон саноати ва геология вазирлиги ҳузуридаги Тоғ-кон, геология ва саноат хавфсизлигини назорат қилиш инспекцияси томонидан рўйхатга олинган техникалар.

14. Техникаларни вақтинча рўйхатдан ўтказишда улар Инспекция томонидан белгиланган тартибда техник кўрикдан ўтказилади.

Техник кўрикдан ўтказишда техниканинг созлиги, унинг тури, русуми, идентификацияловчи шассиси (рама) ва двигатель рақамининг рўйхатдан ўтказиш ҳужжатларида кўрсатилган маълумотларга мос келиши солиштирилади.

15. Марказ, ЯИДХП ва Инспекция ўртасида ахборотлар алмашинуви электрон рақамли имзони (кейинги ўринларда – ЭРИ) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

2-боб. Давлат хизматларини кўрсатиш тартиби

16. Техникаларни вақтинча рўйхатдан ўтказиш бўйича давлат хизматларини кўрсатиш мазкур Регламентга 4-иловага мувофиқ схемага асосан амалга оширилади.

17. Техника эгаси ёки унинг вакили техникани вақтинча рўйхатдан ўтказиш учун Инспекцияга ёки Марказга келиб мурожаат этганда, Инспекция ёки Марказ ходими техника эгаси номидан ушбу Регламентга 5-иловага мувофиқ шаклдаги сўровномани электрон шаклда тўлдиради.

Сўровномага техникани вақтинча рўйхатга олишга асос бўлувчи ҳужжатлар илова қилинади.

18. Техника эгаси ёки унинг вакили ЯИДХП орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирилганда фойдаланувчининг телефон рақамига юборилган хабарни тасдиқлаш орқали идентификацияланади.

19. Техника эгаси ёки унинг вакили техникаларни вақтинча рўйхатдан ўтказиш учун Марказга келиб мурожаат этганда, унинг сўровномаси Марказ ходими томонидан тўлдирилиб, техника эгаси томонидан тасдиқланганидан сўнг, реал вақт режимида Инспекцияга электрон шаклда юборилади.

ЯИДХП орқали мурожаат қилинганда эса сўровнома автоматик тарзда Инспекцияга электрон шаклда юборилади.

20. Техника эгаси ёки унинг вакилининг шахсини тасдиқловчи ҳужжатларга қуйидагилар киради:

а) жисмоний шахслар учун – жисмоний шахснинг шахсни тасдиқловчи ҳужжати:

Ўзбекистон Республикаси фуқаролари учун – паспорт ёки шахсни тасдиқловчи бошқа ҳужжатлар (ID-карта), ҳайдовчилик гувоҳномаси;

16 ёшга тўлмаган Ўзбекистон Республикаси фуқаролари учун – туғилганлик ҳақида гувоҳнома ёки шахсни тасдиқловчи бошқа ҳужжатлар;

Ўзбекистон Республикаси ҳарбий хизматчилари учун – ички ишлар органларининг рўйхатдан ўтказилганлик тўғрисидаги ёки ҳарбий қисмларнинг уй ажратиш тўғрисидаги маълумотномасини илова қилган ҳолда ҳарбий қисм ёки ҳарбий муассасалар қўмондонлиги томонидан бериладиган шахсни тасдиқловчи ҳужжат ёки ҳарбий билет (ҳарбий хизматга мажбур фуқароларнинг ҳарбий билетлари бундан мустасно);

чет эл фуқаролари учун – Ўзбекистон Республикасида яшаш гувоҳномаси ёки ички ишлар органининг доимий ёки вақтинча рўйхатдан ўтказилган жойи тўғрисидаги белгиси қўйилган чет эл фуқаросининг миллий паспорти ёхуд дипломатик паспорти ёки Ўзбекистон Республикасида аккредитациядан ўтганлигини тасдиқловчи тегишли ҳужжат;

фуқаролиги бўлмаган шахслар учун – фуқаролиги бўлмаган шахсларнинг шахсини тасдиқловчи ички ишлар органларининг доимий ёки вақтинча рўйхатдан ўтказилган жойи ҳақидаги белгиси қўйилган Ўзбекистон Республикасида яшаш гувоҳномаси;

б) жисмоний шахснинг вакили учун:

нотариус томонидан тасдиқланган жисмоний шахснинг вакили ваколатларини тасдиқловчи ишончнома ёки жисмоний шахснинг қонуний вакили ваколатларини тасдиқловчи ҳужжат;

вакил шахсини тасдиқловчи ҳужжат (мазкур банднинг “а” кичик бандида кўрсатилган ҳужжатлар);

в) юридик шахслар учун:

юридик шахснинг раҳбари томонидан имзоланган ва унинг муҳри билан тасдиқланган юридик шахс вакилининг ваколатларини тасдиқловчи ишончнома;

вакил шахсини тасдиқловчи ҳужжат (мазкур банднинг “а” кичик бандида кўрсатилган ҳужжатлар).

Шунингдек, Инспекция ходими “Электрон ҳукумат” тизимининг идоралараро интеграциялашув платформаси орқали юридик шахснинг давлат рўйхатидан ўтказилганлиги тўғрисидаги гувоҳнома нусхасини электрон шаклда олади.

21. Техникани вақтинча рўйхатга олишга асос бўлувчи ҳужжатларга қуйидагилар киради:

“вақтинчалик олиб кириш” божхона режимига жойлаштирилган божхона юк декларациясининг электрон нусхаси (Иқтисодиёт ва молия вазирлиги ҳузуридаги Божхона қўмитасининг ахборот тизимидан интеграциялашув платформаси орқали электрон шаклда олинади);

техникаларни синовдан ўтказилаётганлиги тўғрисидаги маълумот.

22. Ўзбекистон Республикаси ҳудудига олиб кирилган ва “вақтинчалик олиб кириш” божхона режимига жойлаштирилган техникаларни вақтинча рўйхатдан ўтказиш божхона юк декларациясида кўрсатилган муддатда амалга оширилади.

23. Техникаларни вақтинча рўйхатдан ўтказиш бўйича давлат хизматлари кўрсатганлик учун йиғимлар ушбу Регламентга 6-иловадаги тўлов ставкаларига мувофиқ амалга оширилади.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга ушбу Регламентга 6-иловадаги тўлов ставкаларининг 50 фоизи миқдорида чегирма қўлланилади, бунда юридик шахсларнинг вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

24. Техникаларни вақтинча рўйхатдан ўтказиш бўйича давлат хизматлари кўрсатганлик учун ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи - ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

25. Қуйидаги ҳолатларда Инспекция томонидан техникаларни вақтинча рўйхатдан ўтказиш рад этилади:

давлат хизматлари кўрсатганлик учун йиғимга тўловлар амалга оширилмаганда;

мазкур Регламентда белгиланган тегишли ҳужжатлар техника эгаси томонидан тўлиқ тақдим этилмаганда;

хизмат муддатини ўтаб бўлганлиги ва фойдаланишга яроқсизлиги сабабли техника ҳисобдан чиқарилганда;

техника конструкциясига киритилган ўзгартиришлар техник тартибга солиш соҳасидаги норматив-ҳуқуқий ҳужжатлар талабларига, техника хавфсизлигини таъминлаш меъёрларига жавоб бермайдиган бўлса;

техника техник регламентга мувофиқ бўлмаган эҳтиёт қисмлар ва агрегатлардан тайёрланган ёки йиғилган бўлса;

техникага ишлаб чиқарувчи томонидан қўйилган идентификация тамғасини яшириш, сохталаштириш, ўзгартириш, йўқ қилиш аломатлари, тақдим этилган ҳужжатларнинг сохталаштирилиши ёки ҳужжатлар ва рўйхатга оид ҳужжатларда кўрсатиб ўтилган маълумотларнинг техника ва агрегатлар рақамларига номувофиқлиги аниқланганда;

техниканинг рақамланган агрегати қидирувда эканлиги ёки тақдим этилган ҳужжатларнинг йўқолганлиги (ўғирланганлиги) тўғрисидаги маълумотлар мавжуд бўлганда.

Мазкур банднинг еттинчи–саккизинчи хатбошиларида кўрсатилган ҳолатлар аниқланганда, Инспекция томонидан тегишли ҳуқуқни муҳофаза қилиш органларига хабар берилади.

Давлат хизматларини кўрсатишни бошқа асослар бўйича рад этиш тақиқланади.

26. Эғалик ҳуқуқи ва ҳужжатлари мавжуд бўлмаган техникалар суд қарорларига асосан доимий рўйхатга олинади.

Инспекция томонидан вақтинча рўйхатга олинган техникалар эғалик ҳуқуқини белгилаш тўғрисидаги суд қарори қабул қилингунига қадар белгиланган тартибда мажбурий йиллик техник кўрикдан ўтказиб борилади.

27. Техникаларни вақтинча рўйхатдан ўтказишни рад этилишига сабаб бўлган ҳолатлар бартараф этилганда, техника эғаси ёки унинг вакили техникаларни вақтинча рўйхатдан ўтказиш тўғрисида қайта мурожаат қилиш ҳуқуқига эга, бунда йиғимлар ундирилмайди.

**3-боб. Техникаларни вақтинча рўйхатдан ўтказишни расмийлаштириш
ҳамда уларга техник паспорт, техник гувоҳнома
ва давлат рақам белгилари бериш тартиби**

28. Инспекция ходими техника эғаси ёки унинг вакили томонидан тақдим этилган ҳужжатларни кўриб чиқиб, техниканинг тури, русуми, идентификацияловчи шассиси (рама) ва двигатель рақамининг рўйхатдан ўтказиш ҳужжатларида кўрсатилган маълумотларга мос келишини кўрикдан ўтказиб солиштиргандан кейин техникаларни вақтинча рўйхатдан ўтказиш ёки ўтказишни рад этади.

29. Техникаларни вақтинча рўйхатдан ўтказиш 2 иш кунида кўриб чиқилади. Техникага тегишли ҳужжатлар тўлиқ тақдим этилганда, Инспекция техника эғаси ёки унинг вакилини техникани техник кўрикдан ўтказиш учун тақдим этиши ҳақида ахборот-коммуникация тизими орқали хабардор қилади.

Инспекциянинг техника ҳолатини назорат қилиш инспектори 2 иш кунида техника бўйича маълумотларни сўровномада қайд этилган маълумотларга мувофиқлигини кўздан кечириб, техникани техник кўрикдан ўтказиш. Бунда техника эғаси ёки унинг вакили Инспекцияга техникани техник кўрикдан ўтказиш учун тақдим этади.

Шунингдек, техникаларни вақтинча рўйхатдан ўтказишда қўшимча маълумот олиш талаб этилганда, ушбу масалалар бўйича келиб тушган аризалар 10 иш кунда кўриб чиқилади.

30. Техникалар техник кўрикдан ўтказилиб, ҳужжатлар аслига мувофиқ ва тўлиқ бўлганда, вақтинча рўйхатдан ўтказилади. Бунда Инспекциянинг техникаларни рўйхатдан ўтказиш китобига ва тегишли ахборот тизимида техниканинг идентификацияловчи шассиси (рама), двигатель рақамлари ва бошқа техник параметрлари ҳамда техника эгаси ва унинг яшаш (турар) жойи ёки жойлашган манзили (почта манзили) тўғрисидаги маълумотлар киритилади.

31. Техникаларни вақтинча рўйхатдан ўтказилганлиги тўғрисидаги вақтинча техник паспорт, вақтинча техник гувоҳнома ва ДРБ Инспекциянинг техника ҳолатини назорат қилиш инспектори томонидан техника эгаси ёки унинг вакилига унинг шахсини тасдиқловчи ҳужжатлар асосида техникаларни рўйхатдан ўтказиш китобига уни олганлиги тўғрисида имзо қўйилиб топширилади.

32. Вақтинча рўйхатдан ўтказилган техникаларнинг орқа қисмига жойлаштириш учун мазкур Регламентга 3-иловага мувофиқ намунада тайёрланган ДРБ берилади.

ДРБ ундаги рақамларнинг ўсиб бориш тартибига мувофиқ равишда берилади:

юридик шахсларга — I ва III типли ДРБ;

жисмоний шахсларга — II ва IV типли ДРБ.

33. Техника эгаси берилган ДРБдан мақсадли фойдаланиши шарт.

34. Техникаларни вақтинча рўйхатдан ўтказиш 2 иш кунда кўриб чиқилади. Бунда Инспекциянинг техника ҳолатини назорат қилиш инспектори томонидан техникага оид ҳужжатлар тўлиқ тақдим этилганлиги кўриб чиқилади ва техникадаги маълумотлар сўровномада қайд этилган маълумотларга мувофиқлиги кўздан кечирилиб, техник кўрикдан ўтказилади.

Тақдим этилган ҳужжатлар (маълумотлар) техникага мос бўлганда, Инспекция техникани рўйхатга олиш ахборот тизими маълумотлари асосида техника эгаси ёки унинг вакилига унинг шахсини тасдиқловчи ҳужжатнинг аслига асосан техникани вақтинча рўйхатдан ўтказилганлиги тўғрисидаги вақтинча техник паспорт ёки техник гувоҳномани беради.

4-боб. Якунловчи қоидалар

35. Техникаларни вақтинча рўйхатга олиш учун ҳаракатларни амалга оширишда асос бўладиган ҳужжатлар уч йил, техникаларни рўйхатга олиш китоби Инспекцияда йигирма беш йил сақланади ва ушбу муддат ўтгандан кейин белгиланган тартибда давлат архивига топширилади.

36. Инспекцияга ҳужжатлар тақдим қилинганда ёки электрон шаклда мурожаат қилинганда, уларни ўрганиш ёки техник кўрик жараёнларида асли билан таққосланиши шарт.

37. Инспекция, Марказ ва давлат хизматларини кўрсатишда иштирок этувчи бошқа ташкилотлар давлат хизматларини кўрсатиш бўйича олинган маълумотларнинг сир сақланишини таъминлайди.

38. Инспекция, Марказ ва давлат хизматларини кўрсатишда иштирок этувчи бошқа ташкилотлар манфаатдор шахсга маъмурий ҳужжатни қабул қилиш учун аҳамиятга эга бўлган барча ҳолатлар юзасидан ўз фикрини билдириш имкониятини беради.

39. Техника эгаси ёки унинг вакили давлат хизматларини кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилишлари мумкин.

40. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Қишлоқ хўжалиги, мелиорация ва йўл-қурилиш техникаларини вақтинча
рўйхатдан ўтказиш бўйича давлат
хизматларини кўрсатишнинг маъмурий
регламентига
1-илова

**Қишлоқ хўжалиги, мелиорация ва йўл-қурилиш техникалари ҳамда ўзиюрар
машиналарга бериладиган вақтинча техник паспортнинг
НАМУНАСИ**

Олд томони

	O'ZBEKISTON UZBEKISTAN	VAQTINCHALIK TEHNIK PASPORT	Временный технический паспорт Interim technical passport
DAVLAT RAQAM BELGISI VEHICLE IDENTIFICATION NUMBER	1. DAVLAT RAQAM BELGISI		
RUSUMI / MODELI MAKE / MODEL	2. RUSUMI / MODELI		
RANGI UNIT / VEHICLE COLOR	3. RANGI		
EGASI ENGINE	4. EGASI		
MANZILI ADDRESS	5. MANZILI		
BERILGAN SANASI DATE ISSUED	6. BERILGAN SANASI		
INSPEKSIYA BO'LIMI INSPECTION AUTHORITY	7. INSPEKSIYA BO'LIMI		
JSH SHIR / STIR SIGNATURE / STAMP	8. JSH SHIR / STIR		

Орқа томони

	ISHLAB CHIQARILGAN YILI YEAR OF MANUFACTURE	9. ISHLAB CHIQARILGAN YILI	SERIYA RAQAMI
	TURI TYPE	10. TURI	
KUZOV SHASSI RAQAMI CHASSIS IDENTIFICATION NUMBER		11. KUZOV / SHASSI RAQAMI	
TOL VAZNI TOTAL WEIGHT		12. TO'LA VAZNI (kg)	
YUKSIZ VAZNI WEIGHT WITHOUT LOAD		13. YUKSIZ VAZNI (kg)	
DVIGATEL RAQAMI ENGINE IDENTIFICATION NUMBER		14. DVIGATEL RAQAMI	
DVIGATEL QUVVATI ENGINE POWER		15. DVIGATEL QUVVATI	
YONILG'I TURI FUEL TYPE		16. YONILG'I TURI	
ALOHIDA BELGILAR OTHER MARKS		17. ALOHIDA BELGILAR	

**Вақтинча техник паспортнинг
ТАСНИФИ**

Техникани вақтинча рўйхатдан ўтказилганлиги тўғрисидаги “VAQTINCHALIK
TEHNIK PASPORT” халқаро стандартлар асосида 54x86 мм ўлчамдаги пластикдан
тайёрланади. Техникани вақтинча рўйхатдан ўтказилганлиги тўғрисидаги

“VAQTINCHALIK TEXNIK PASPORT”нинг ранги – очик сариқ пушти. Лотин ёзувидаги давлат тилидан фойдаланилади. Серияли рақами – тўрт ҳарфли (UZ-TP), рақами – олти рақамли.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK PASPORT”да жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) ва қурилмалар ўртасида бевосита алоқасиз ахборот айирбошлаш имконини берувчи электрон белги (NFC смарт-карт) бўлади.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK PASPORT”нинг пластик шакли қуйидаги ҳимоя воситаларига эга:

микроматн - “VAQTINCHALIK TEXNIK PASPORT”, “Временный технический паспорт”, “Temporary technical passport” ўлчами – максимум 30 микрон;

ультрабинафша қоплама;

“UZ” ёзуви, эгилганда бир рангдан бошқа рангга товланадиган оптик турланадиган бўёқ;

гильош, доимий равишда қийшайиб турадиган 40 - 70 мкм қалинликдаги тўлқинли чизиқларнинг қалин тармоғи шаклидаги нақш;

гувоҳнома пластик шаклининг серияли рақамини лазер ўйма нақши.

Вақтинча техник паспортнинг олд томонида “VAQTINCHALIK TEXNIK PASPORT”, “Временный технический паспорт”, “Interim technical passport” сўзлари ёзилган, шунингдек, Ўзбекистон Республикаси Давлат байроғининг тасвири туширилган, “Ўзбекистон” сўзлари давлат тилида, рус ва инглиз тилларида ёзилган. Техниканинг давлат рақами белгиси, маркаси, модели, ранги, эгаси тўғрисидаги маълумотлар (фамилияси, исми, отасининг исми ёки ташкилотнинг номи, манзили), техник паспорт берилган сана, Инспекциянинг тегишли бўлими:

жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) мажбурий тартибда кўрсатилади.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK PASPORT”нинг орқа томонида техника тўғрисидаги маълумотлар, ишлаб чиқарилган йил, тури, кузов/шасси рақами, тўла вазни, юксиз вазни, двигателининг тоифаси ва қуввати, ёнилғи тури, алоҳида белгилар мажбурий тартибда кўрсатилади.

Қишлоқ хўжалиги, мелиорация ва йўл-қурилиш техникаларини вақтинча
рўйхатдан ўтказиш бўйича давлат
хизматларини кўрсатишнинг маъмурий
регламентига
2-илова

Қишлоқ хўжалиги, мелиорация ва йўл-қурилиши ҳамда бошқа мақсадларга
мўлжалланган агрегат, машина, механизм ва ускуналарга бериладиган вақтинча
техник гувоҳноманинг
НАМУНАСИ

Олд томони



ЎЗБЕКИСТОН
ЎЗБЕКИСТАН
UZBEKISTAN

VAQTINCHALIK
TEXNIK GUVOHNOMA

Временный техническое свидетельство.
Interim technical certificate

NOMI
NOMENKLATURA / TYPE
RUSUMI / MODEL
NAMA / MODEL / BRAND NAME
RANGI
QWAT / COLOUR CODE
EGASI
BRAND / OWNER

1. NOMI
2. RUSUMI / MODEL
3. RANGI
4. EGASI

MANZILI
AGRIC. ADDRESS

5. MANZILI

BERILGAN SANASI
DATE OF ISSUE
INSPEKSIYANING BO'LIMI
INSPECTION / ISSUING AUTHORITY
JSH SHIR / STIR
TYPE / MODEL / FUNCTIONALITY

6. BERILGAN SANASI
7. INSPEKSIYANING BO'LIMI
8. JSH SHIR / STIR

UZ

Орқа томони



ISHLAB CHIQARILGAN YILI
YEAR OF MANUFACTURE

9. ISHLAB CHIQARILGAN YILI

SERIYA
RAQAMI

TURI
TYPE

10. TURI

AGREGAT RAQAMI
AGGREGATE / EQUIPMENT NO.

11. AGREGAT RAQAMI

TOLAVAZNI
TOTAL WEIGHT

12. TO'LA VAZNI (kg)

YUKSIZ VAZNI
WEIGHT WITHOUT LOAD

13. YUKSIZ VAZNI (kg)

VAZIFASI
FUNCTION / PURPOSE

14. VAZIFASI

ALOHIDA BELGILAR
OTHER MARKS / NOTES

15. ALOHIDA BELGILAR

Вақтинча техник гувоҳноманинг ТАСНИФИ

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA” халқаро стандартлар асосида 54x86 мм ўлчамдаги пластикдан тайёрланади. Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA”нинг ранги – кулранг пушти. Лотин ёзувидаги давлат тилидан фойдаланилади. Серияли рақами – тўрт ҳарфли (UZ-VTG), рақами – олти рақамли.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA”да жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) ва қурилмалар ўртасида бевосита алоқасиз ахборот айирбошлаш имконини берувчи электрон белги (NFC смарт-карт) бўлади.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA”нинг пластик шакли қуйидаги ҳимоя воситаларига эга:

микроматн - “VAQTINCHALIK TEXNIK GUVOHNOMA”, “Временный техническое свидетельство”, “Interim technical certificate” ўлчами – максимум 30 микро;

ультрабинафша қоплама;

“UZ” ёзуви, эгилганда бир рангдан бошқа рангга товланадиган оптик турланадиган бўёқ;

гильош, доимий равишда қийшайиб турадиган 40 - 70 мкм қалинликдаги тўлқинли чизиқларнинг қалин тармоғи шаклидаги нақш;

гувоҳнома пластик шаклининг серияли рақамини лазер ўйма нақши.

Вақтинча техник гувоҳноманинг олд томонида “VAQTINCHALIK TEXNIK GUVOHNOMA”, “Временный техническое свидетельство”, “Interim technical certificate” сўзлари ёзилган, шунингдек, Ўзбекистон Республикаси Давлат байроғининг тасвири туширилган, “Ўзбекистон” сўзлари давлат тилида, рус ва инглиз тилларида ёзилган. Техниканинг номи, маркаси, модели, ранги, эгаси тўғрисидаги маълумотлар (фамилияси, исми, отасининг исми ёки ташкилотнинг номи, манзили), вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA” берилган сана, Инспекциянинг тегишли бўлими, жисмоний шахс учун – шахсий идентификация рақами (ЖШШИР), юридик шахс учун – солиқ тўловчининг идентификация рақами (СТИР) мажбурий тартибда кўрсатилади.

Техникани вақтинча рўйхатдан ўтказилганлиги тўғрисидаги “VAQTINCHALIK TEXNIK GUVOHNOMA”нинг орқа томонида техника тўғрисидаги маълумотлар, ишлаб чиқарилган йил, тури, агрегат рақами, тўла вазни, юксиз вазни, вазифаси, алоҳида белгилар мажбурий тартибда кўрсатилади.

Қишлоқ хўжалиги, мелиорация ва йўл-
қурилиш техникаларини вақтинча
рўйхатдан ўтказиш бўйича давлат
хизматларини кўрсатишнинг маъмурий
регламентида
3-илова

**Қишлоқ хўжалиги, мелиорация ва йўл-қурилиш техникалари
ҳамда ўзиюрар машиналарнинг давлат рақами белгилари
НАМУНАЛАРИ**

I тип – юридик шахсларнинг тракторлари, йўл-қурилиш ва мелиорация техникалари, ўзиюрар машиналарга бериладиган давлат рақами белгилари кабинанинг орқа қисмига маҳкамланади.

Давлат рақами белгисининг фони оқ рангда, четки қисми, рақам ва ҳарфлари қора рангда. Чап қисмида рўйхатга олиш сонлари билан баравар қилиб тракторнинг шартли расми, қуйида чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон Республикасининг байроғи ва UZ ҳарфлари тасвирланган.




II тип – жисмоний шахсларнинг тракторлари, йўл-қурилиш ва мелиорация техникалари, ўзиюрар машиналарга бериладиган давлат рақами белгилари кабинанинг орқа қисмига маҳкамланади.

Давлат рақами белгисининг фони сариқ рангда, четки қисми, рақам ва ҳарфлари қора рангда. Чап қисмида рўйхатга олиш сонлари билан баравар қилиб тракторнинг шартли расми, қуйида чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон Республикасининг байроғи ва UZ ҳарфлари тасвирланган.



III тип – юридик шахсларнинг трактор тиркамаларига бериладиган давлат рақами белгилари тиркаманинг орқа қисмига маҳкамланади.

Давлат рақами белгисининг фони оқ рангда, четки қисми, рақам ва ҳарфлари қора рангда. Қуйида чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон Республикасининг байроғи ва UZ ҳарфлари тасвирланган.



IV тип – жисмоний шахсларнинг трактор тиркамаларига бериладиган давлат рақами белгилари тиркаманинг орқа қисмига маҳкамланади.

Давлат рақами белгисининг фони сариқ рангда, четки қисми, рақам ва ҳарфлари қора рангда. Куйида чап томонда фарқловчи ҳарфлар гуруҳлари ва ўнг томонда ҳудуднинг коди*, Ўзбекистон Республикасининг байроғи ва UZ ҳарфлари тасвирланган.



Изоҳ. *Тракторлар, йўл-қурилиш ва мелиорация техникалари, ўзиюрар машиналар, трактор тиркамаларига бериладиган рўйхатдан ўтказиш давлат рақами белгиларининг ҳудудий кодлари, шунингдек, рўйхатдан ўтказиш давлат рақами белгиларида қўлланадиган рақамлар ва латин алифбоси ҳарфларининг намуналари Вазирлар Маҳкамасининг “Автомобилтранспорт воситалари учун рўйхатдан ўтказиш давлат рақами белгиларининг янги намуналарини жорий этиш чора-тадбирлари тўғрисида” 2007 йил 27 июндаги 131-сон қарорига 1 ва 3-иловаларга мувофиқ белгиланади.

Қишлоқ хўжалиги, мелиорация ва йўл-қурилиш техникаларини вақтинча
рўйхатдан ўтказиш бўйича давлат
хизматларини кўрсатишнинг маъмурий
регламенти
4-илова

Қишлоқ хўжалиги, мелиорация ва йўл-қурилиш техникаларини вақтинча рўйхатдан
ўтказиш бўйича давлат хизматларини кўрсатиш
СХЕМАСИ

Босқичлар	Субъектлар	Тадбирлар	Бажариш муддатлари
1-босқич	Техника эгаси ёки унинг вакили (жисмоний ёки юридик шахслар)	1. Техниканинг эгаси ёки унинг вакили давлат хизматларидан фойдаланиш учун Агросаноат мажмуи устидан назорат қилиш инспекциясига (кейинги ўринларда – Инспекция) ёки давлат хизматлари марказига (кейинги ўринларда – Марказ) ўзи келиб, шунингдек, давлат хизматларидан электрон фойдаланиш учун ягона интерактив давлат хизматлари порталида (кейинги ўринларда – ЯИДХП) рўйхатдан ўтади. 2. Инспекция, Марказ ёки ЯИДХП томонидан кўрсатиладиган давлат хизматлари учун йиғимни амалга оширади.	1. Хоҳишига кўра 2. Мурожаат қилганда
2-босқич	1. Марказ 2. ЯИДХП	Сўровномани Инспекцияга юборади.	1. 30 дақиқа мобайнида 2. Автоматик тарзда
3-босқич	Инспекция	1. Сўровнома ва тақдим этилган хужжатларни кўриб чиқиб, техникаларни техник кўрикдан ўтказгандан сўнг техникаларни давлат рўйхатидан ёки қайта рўйхатдан ўтказишга ёхуд ўтказишни рад этиш тўғрисида қарор қабул қилади. 2. Қабул қилинган қарорни электрон шаклда Марказга ёки ЯИДХП орқали техника эгасига юборади.	1. 2 иш кунидан кечиктирмасдан 2. Қарор қабул қилингандан сўнг 2 иш кунида
4-босқич	Инспекция	1. Техникани вақтинча рўйхатдан ўтказилганлиги тўғрисидаги маълумотларнинг ўзининг ахборот тизимига киритади. 2. Техника эгаси ёки унинг вакилига вақтинча рўйхатдан ўтказилганлиги тўғрисидаги вақтинча техник паспорт ҳамда давлат рақам белгиси ёки техник гувоҳномани беради.	2 иш кунидан

Қишлоқ хўжалиги, мелиорация ва йўл-
қурилиш техникаларини вақтинча
рўйхатдан ўтказиш бўйича давлат
хизматларини кўрсатишнинг маъмурий
регламентига
5-илова

(сана)

(рақам)

**Қишлоқ хўжалиги, мелиорация ва йўл-қурилиш техникаларини
вақтинча рўйхатдан ўтказиш давлат хизматларини кўрсатиш бўйича
СЎРОВНОМА**

I. Техника эгаси – юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
Юридик шахс вакили:	
1. Ф.И.О.	
2. Жисмоний шахснинг шахсий идентификация рақами:	
II. Техника эгаси – жисмоний шахс тўғрисида маълумот:	
1. Ф.И.О.	
2. Жисмоний шахснинг шахсий идентификация рақами	
3. Манзили	
4. Телефон рақами	
III. Техника тўғрисида маълумот:	
1. Номи	
2. Русуми/моделли	
3. Ишлаб чиқарилган йили	
4. Двигатель рақами	
5. Завод рақами	
6. Кузов/шасси рақами	
7. Техник паспорт ёки техник гувоҳнома серияси ва рақами	
8. Давлат рақами белгиси	
III. Сўровномага техникани вақтинча рўйхатга олиш учун асос бўлувчи ҳужжатлар илова қилинади.	
Тасдиқлайман:	

Қишлоқ хўжалиги, мелиорация ва йўл-қурилиш техникаларини вақтинча рўйхатдан ўтказиш бўйича давлат хизматларини кўрсатишнинг маъмурий регламентига
6-илова

**Техникаларни вақтинча рўйхатдан ўтказишда, шунингдек, техникаларга давлат рақами белгилари, вақтинча техник паспорт ва техник гувоҳномани беришда ундириладиган
ТЎЛОВ СТАВКАЛАРИ**

I. Вақтинча рўйхатдан ўтказилган қишлоқ хўжалиги, мелиорация ва йўл-қурилиш техникаларига давлат рақами белгиларини бериш учун

1	Қишлоқ хўжалиги, мелиорация ва йўл-қурилиш техникаларига давлат рақами белгиларини (кейинги ўринларда – ДРБ) бериш учун	базавий ҳисоблаш миқдорининг 90 фоизи миқдорида
---	---	---

Изоҳ. Яроқсиз ҳолга келган, бузилган ёки шикастланган битта ДРБ ўрнига янги ДРБ бериш учун базавий ҳисоблаш миқдорининг 90 фоизи миқдорида йигим ундирилади;

йўқолган ДРБ ўрнига янгисини бериш учун базавий ҳисоблаш миқдорининг 2 баравари миқдорида йигим ундирилади.

II. Техникаларни вақтинча рўйхатдан ўтказиш учун

2	Техник паспорт бериладиган қишлоқ хўжалиги, мелиорация ва йўл-қурилиш техникалари ҳамда ўзиюрар машиналарни вақтинча рўйхатдан ўтказиш учун	базавий ҳисоблаш миқдорининг 20 фоизи миқдорида
3	Техник гувоҳнома бериладиган қишлоқ хўжалиги, мелиорация ва йўл-қурилиш машиналари, агрегатлари ва асбоб-ускуналарини вақтинча рўйхатдан ўтказиш учун	базавий ҳисоблаш миқдорининг 18 фоизи миқдорида

III. Вақтинча рўйхатдан ўтказилган қишлоқ хўжалиги, мелиорация ва йўл-қурилиш техникалари ҳамда ўзиюрар машиналарга вақтинча техник паспорт бериш учун

4	Қишлоқ хўжалиги, мелиорация ва йўл-қурилиш техникалари ҳамда ўзиюрар машиналарга вақтинча техник паспорт бериш учун	базавий ҳисоблаш миқдорининг 50 фоизи миқдорида
---	---	---

Изоҳ. Яроқсиз ҳолга келган ёки ўғирланган ёхуд йўқолган вақтинча техник паспорт ўрнига янгисини бериш учун базавий ҳисоблаш миқдорининг 50 фоизи миқдорида йигим ундирилади.

IV. Техник паспорт берилмайдиган қишлоқ хўжалиги, мелиорация ва йўл-қурилиш машиналари, агрегатлари ва асбоб-ускуналарига вақтинча техник гувоҳнома бериш учун

5	Техник паспорт берилмайдиган қишлоқ хўжалиги, мелиорация ва йўл-қурилиш машиналари, агрегатлари ва асбоб-ускуналарига вақтинча техник гувоҳнома бериш учун	базавий ҳисоблаш миқдорининг 30 фоизи миқдорида
---	--	---

Изоҳ. Яроқсиз ҳолга келган ва ўғирланган ёхуд йўқолган вақтинча техник гувоҳнома ўрнига янгисини бериш учун базавий ҳисоблаш миқдорининг 30 фоизи миқдорида йигим ундирилади.

V. Техникани вақтинча рўйхатдан ўтказишда техник кўрикдан ўтказиш учун

6	100 от кучи ва ундан юқори қувватга эга ғилдиракли тракторлар, мелиорация ва йўл-қурилиш техникалари, ўзиюар машиналар ҳамда занжирли ва ярим занжирли тракторлар учун	базавий ҳисоблаш миқдорининг 30 фоизи миқдорида
7	100 от кучигача қувватга эга ғилдиракли тракторлар, трактор тиркамалари, мелиорация ва йўл-қурилиш техникалари ҳамда ўзиюар машиналар, осма ва ярим осма, занжирли, ярим занжирли ва йиғма машиналар учун	базавий ҳисоблаш миқдорининг 20 фоизи миқдорида
8	Қишлоқ хўжалиги, мелиорация ва йўл-қурилиш машиналари ҳамда агрегатлар учун	базавий ҳисоблаш миқдорининг 15 фоизи миқдорида
9	Йўл-қурилиш, мелиорация ва бошқа мақсадларга мўлжалланган юк ортувчи, пахта, дон ва уруғларни қайта ишлашга мўлжалланган машиналар, шунингдек, чорвачилик, паррандачилик ва ем-хашак ишлаб чиқариш машиналари ва ускуналари, кичик механизация мосламалари учун	базавий ҳисоблаш миқдорининг 15 фоизи миқдорида
10	Машина-трактор парклари, таъмирлаш устахоналари, сервис пунктлари ва бошқалардаги ҳар бир станок, асбоб-ускуна ва жиҳозлар учун	базавий ҳисоблаш миқдорининг 15 фоизи миқдорида
11	Сув насослари учун	базавий ҳисоблаш миқдорининг 20 фоизи миқдорида

Вазирлар Маҳкамасининг
2023 йил “29” апрел даги 177-сон қарорига
3-илова

**Қишлоқ хўжалиги, мелиорация ва йўл-қурилиш техникаларини
ҳисобдан чиқариш бўйича давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларга (кейинги ўринларда – техника эгаси) қишлоқ хўжалиги, мелиорация ва йўл-қурилиш техникаларини (кейинги ўринларда – техника) ҳисобдан чиқариш бўйича давлат хизматларини кўрсатиш тартибини белгилайди.

2. Ташкилий шаклидан қатъи назар техникаларни ҳисобдан чиқариш Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция) томонидан мазкур Регламентга мувофиқ амалга оширилади.

3. Ушбу Регламентда қуйидаги асосий тушунчалардан фойдаланилади:

техника эгаси – техника воситасига мулк ҳуқуқи ёки бошқа ашёвий ҳуқуқлар асосида эгалик қилувчи юридик ёки жисмоний шахс;

техникаларни ҳисобдан чиқариш – техникаларни кейинги фойдаланишга яроқсиз деб ҳисобланганда давлат рўйхатидан чиқариш;

қишлоқ хўжалиги, мелиорация ва йўл-қурилиш техникалари – идоравий бўйсунуви ва ташкилий-ҳуқуқий шаклидан қатъи назар қишлоқ ва ўрмон хўжалигига мўлжалланган барча турдаги тракторлар (ғилдиракли, занжирли ва ярим занжирли), ўзиюрар машиналар (ўзиюрар қишлоқ хўжалиги машиналари, ўзиюрар мелиоратив ҳамда йўл-қурилиш техникалари), трактор тиркамалари, қишлоқ хўжалиги, йўл-қурилиш, мелиоратив ва бошқа мақсадларга мўлжалланган тупроққа ва экинларга ишлов берувчи, юк ортувчи, дон ва уруғни қайта ишлашга мўлжалланган машиналар, чорвачилик, паррандачилик ва ем-хашак ишлаб чиқариш машина ва технологик ускуналари, сув насослари, кичик механизация мосламалари.

4. Техникаларни ҳисобдан чиқариш бўйича давлат хизматлари Инспекция, давлат хизматлари маркази (кейинги ўринларда – Марказ) ёки Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали техника эгаси ёки унинг вакилини сўровномасига асосан амалга оширилади.

5. Техниканинг тузилмаси техник тартибга солиш соҳасидаги норматив-ҳуқуқий ҳужжатлар, Вазирлар Маҳкамасининг 2016 йил 18 мартдаги 80-сон қарори билан тасдиқланган Қишлоқ хўжалиги техникалари конструкциясининг хавфсизлиги тўғрисидаги умумий техник

регламенти (кейинги ўринларда – Техник регламент), шунингдек, техника хавфсизлигини таъминлаш соҳасидаги меъёрий ҳужжатлар талабларига мос келиши лозим.

6. Техникаларни ҳисобдан чиқариш ишлари тўлов олдиндан амалга оширилгандан сўнг бажарилади.

7. Техникани ҳисобдан чиқариш қуйидаги ҳолларда амалга оширилади:

божхона юк декларациясига асосан техникалар Ўзбекистон Республикаси ҳудудидан товар сифатида чет элга чиқарилганда;

техникалар кейинги фойдаланиш учун яроқсиз ҳолатга келганда.

8. Техникаларни ҳисобдан чиқариш учун Инспекция томонидан белгиланган тартибда техник кўрик ўтказилади.

Техник кўрикни ўтказиш учун техниканинг типи, русуми, модели, давлат рақами белгиси (кейинги ўринларда – ДРБ), идентификацияловчи шассиси (рама), кузови ва двигатель рақамининг рўйхатдан ўтказиш ҳужжатларида кўрсатилган маълумотларга тўғри келиши солиштирилади.

2-боб. Давлат хизматларини кўрсатиш тартиби

9. Техникаларни ҳисобдан чиқариш бўйича давлат хизматларини кўрсатиш мазкур Регламентга 1-иловага мувофиқ схемага асосан амалга оширилади.

10. Техника эгаси ёки унинг вакили техникани ҳисобдан чиқариш учун Инспекцияга ёки Марказга келиб мурожаат этганда, Инспекция ёки Марказ ходими техника эгаси номидан ушбу Регламентга 2-иловага мувофиқ шаклдаги сўровномани электрон шаклда тўлдиради.

Сўровномага қуйидаги ҳужжатлар илова қилинади:

божхона юк декларацияси;

техникани кейинги фойдаланганишга яроқсиз деб топиш ва уни ҳисобдан чиқаришда:

юридик шахслар учун – қарор, буйруқ, баённома ва тегишли далолатнома;

жисмоний шахслар учун – ариза (эр ва хотиннинг розилиги асосида), шунингдек, белгиланган тартибда тузилган далолатнома.

11. Техника эгаси ёки унинг вакили ЯИДХП орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирилганда фойдаланувчининг телефон рақамига юборилган хабарни тасдиқлаш орқали идентификацияланади.

12. Техника эгаси ёки унинг вакили техникаларни ҳисобдан чиқариш учун Марказга келиб мурожаат этганда, унинг сўровномаси Марказ ходими

томонидан тўлдирилиб, техника эгаси томонидан тасдиқланганидан сўнг реал вақт режимида Инспекцияга электрон шаклда юборилади.

ЯИДХП орқали мурожаат қилинганда эса сўровнома автоматик тарзда Инспекцияга электрон шаклда юборилади.

Кейинги фойдаланишга яроқсиз деб ҳисобланган техника ҳисобдан чиқарилганда, техникани давлат рўйхатидан ўтказилганлиги тўғрисидаги техник паспорт ва ДРБ ёки техник гувоҳнома олиб қўйилади.

13. Юридик шахслардан техникани ҳисобдан чиқариш учун базавий ҳисоблаш миқдорининг 40 фоизи миқдорида йиғим ундирилади.

Жисмоний шахслардан техникани ҳисобдан чиқариш учун йиғим ундирилмайди.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

14. Техникаларни ҳисобдан чиқариш бўйича ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати кўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи – ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати кўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

15. Инспекция томонидан қуйидаги ҳолларда техникаларни ҳисобдан чиқариш рад этилади:

мазкур Регламентда белгиланган ҳужжатлар техника эгаси томонидан тўлиқ тақдим этилмаганда;

техникага ишлаб чиқарувчи томонидан қўйилган идентификация тамғасини яшириш, сохталаштириш, ўзгартириш, йўқ қилиш аломатлари, тақдим этилган ҳужжатларнинг сохталаштирилиши ёки ҳужжатлар ва рўйхатга оид ҳужжатларда кўрсатиб ўтилган маълумотларнинг техника ва агрегатлар рақамларига номувофиқлиги аниқланганда;

техниканинг рақамланган агрегати қидирувда эканлиги ёки тақдим этилган ҳужжатларнинг йўқолганлиги (ўғирланганлиги) тўғрисидаги маълумотлар мавжуд бўлганда;

қонунчилик ҳужжатларига мувофиқ техникани тасарруф этишга тақиқ ёки хатлаб қўйилганда;

ҳуқуқни муҳофаза қилувчи органлар томонидан жиноят ишида техника ашёвий далил сифатида эътироф этилганда;

васийлик ва ҳомийлик органининг ёки вояга етмаган ёхуд муомалага лаёқатсиз техника эгасининг қонуний вакиллари рухсати бўлмаганда;

лизингга берувчининг розилиги мавжуд бўлмаганда (лизингга тақдим этилган техникалар учун);

давлат хизматлари кўрсатганлик учун йиғимга тўловлар амалга оширилмаган бўлса;

техниканинг эгалик ҳуқуқи ва ҳужжатлари ёки рўйхатдан ўтказиш маълумотлари мавжуд бўлмаганда.

Мазкур банднинг тўртинчи ва олтинчи хатбошиларида кўрсатилган ҳолатлар аниқланганда, Инспекция томонидан тегишли ҳуқуқни муҳофаза қилиш органларига хабар берилади.

Давлат хизматлари кўрсатишни бошқа асослар билан рад этиш тақиқланади.

16. Техникани ҳисобдан чиқаришни рад этилишига сабаб бўлган ҳолатлар бартараф этилганда, техника эгаси ёки унинг вакили техникани ҳисобдан чиқариш тўғрисида қайта мурожаат қилиш ҳуқуқига эга, бунда йиғимлар ундирилмайди.

17. Техникани ҳисобдан чиқариш учун техника эгаси ёки унинг вакили Инспекцияга техник паспорт (техник гувоҳнома) ва давлат рақами белгисини топиради.

18. Инспекция 2 иш кунида мазкур Регламентнинг 10 ва 17-бандлари бўйича техника эгаси ёки унинг вакили томонидан тақдим этилган ҳужжатларни кўриб чиқади ва техника бўйича маълумотларни техниканинг тури, русуми, ДРБ, идентификацияловчи шассиси (рама) ва двигатель рақамининг рўйхатдан ўтказиш ҳужжатларида қайд этилган маълумотларга мувофиқлигини кўздан кечириб, ундан кейин техникани ҳисобдан чиқаради ёки чиқаришни рад этади. Бунда техника эгаси ёки унинг вакили Инспекцияга техникани техник кўрикдан ўтказиш учун тақдим этади.

Шунингдек, техникани ҳисобдан чиқариш учун қўшимча маълумот олиш талаб этилганда, ушбу масалалар бўйича келиб тушган аризалар 10 иш кунида кўриб чиқилади.

19. Техника техник кўрикдан ўтказилиб, ҳужжатлар аслига мувофиқ ва тўлиқ бўлганда, техника ҳисобдан чиқарилади, бунда Инспекциянинг техникаларни рўйхатдан ўтказиш китобига ва тегишли ахборот тизимида техникани ҳисобдан чиқариш рақами ва санаси қайд қилинади.

20. Мазкур Регламентнинг 3-иловасига мувофиқ Техника ҳисобдан чиқарилганлиги тўғрисида маълумотномани Инспекциянинг масъул ходими электрон рақамли имзо билан тасдиқлаган ҳолда Марказга юборади ёки техника эгаси ёки унинг вакили ЯИДХП орқали мурожаат қилганда, электрон шаклда унга юборади.

Инспекциянинг масъул ходими техника эгаси ёки унинг вакилининг хоҳишига кўра маълумотномани техника ҳисобдан чиқарилган вақтнинг ўзида унга тақдим этади.

Марказ маълумотнома келиб тушгандан сўнг 10 дақиқа мобайнида уни техника эгаси ёки унинг вакилининг электрон почта манзилига юборади ёхуд техника эгаси ёки унинг вакилини бу ҳақда ахборот-коммуникация тизими орқали хабардор қилади. Марказга техника эгаси ёки унинг вакилининг ўзи келиб мурожаат қилганда, Марказ техника эгаси ёки унинг вакилининг сўровига кўра, маълумотномани техника эгаси ёки унинг вакилига электрон шаклда ёки қоғоз шаклда беради.

21. Ҳисобдан чиқарилиши лозим бўлган техниканинг техник паспорти ёки техник гувоҳномаси ёхуд ДРБ йўқолганда, уларни Инспекциянинг ахборот тизимида мавжудлиги текширилади ва белгиланган тартибда йиғим ундирилгандан сўнг, техникани рўйхатга олиш китобига техниканинг техник паспорти ёки техник гувоҳномаси ёхуд ДРБ йўқолганлиги тўғрисидаги тегишли ёзув киритилади.

Зарур ҳолларда, техника эгасига белгиланган тартибда ҳисобдан чиқарилган техниканинг агрегат рақамлари тўғрисидаги тегишли маълумотнома берилади.

3-боб. Якунловчи қоидалар

22. Инспекцияда техникаларни ҳисобдан чиқариш ҳаракатларини амалга ошириш учун асос бўладиган ҳужжатлар уч йил сақланади ва ушбу муддат ўтгандан кейин белгиланган тартибда давлат архивига топширилади.

23. Инспекцияга ҳужжатлар тақдим қилинганда ёки электрон шаклда мурожаат қилинганда, уларни ўрганиш ёки техник кўрик жараёнларида асли билан таққосланиши шарт.

24. Инспекция, Марказ ва давлат хизматларини кўрсатишда иштирок этувчи бошқа ташкилотлар давлат хизматларини кўрсатиш бўйича олинган маълумотларнинг сир сақланишини таъминлайди.

25. Инспекция, Марказ ва давлат хизматларини кўрсатишда иштирок этувчи бошқа ташкилотлар манфаатдор шахсга маъмурий ҳужжатни қабул қилиш учун аҳамиятга эга бўлган барча ҳолатлар юзасидан ўз фикрини билдириш имкониятини беради.

26. Техника эгаси ёки унинг вакили давлат хизматларини кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилиши мумкин.

27. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Қишлоқ хўжалиги, мелиорация
ва йўл-қурилиш техникаларини
ҳисобдан чиқариш бўйича давлат
хизматларини кўрсатишнинг
маъмурий регламентига
1-илова

**Қишлоқ хўжалиги, мелиорация ва йўл-қурилиш техникаларини
ҳисобдан чиқариш бўйича давлат хизматларини кўрсатиш
СХЕМАСИ**

Босқич-лар	Субъект-лар	Тадбирлар	Бажариш муддатлари
1-босқич	Техника эгаси ёки унинг вакили (жисмоний ёки юридик шахслар)	1. Техниканинг эгаси ёки унинг вакили давлат хизматларидан фойдаланиш учун Агросаноат мажмуи устидан назорат қилиш инспекциясига (кейинги ўринларда – Инспекция) ёки давлат хизматлари марказига (кейинги ўринларда – Марказ) ўзи келиб, шунингдек, давлат хизматларидан электрон фойдаланиш учун ягона интерактив давлат хизматлари порталида (кейинги ўринларда – ЯИДХП) рўйхатдан ўтади. 2. Инспекция, Марказ ёки ЯИДХП томонидан кўрсатиладиган давлат хизматлари учун йиғимни амалга оширади.	1. Хоҳишига кўра 2. Мурожаат қилганда
2-босқич	1. Марказ 2. ЯИДХП	Сўровномани Инспекцияга юборади.	1. 10 дақиқа мобайнида 2. Автоматик тарзда
3-босқич	Инспекция	1. Сўровнома ва тақдим этилган ҳужжатларни кўриб чиқиб, техникаларни техник кўрикдан ўтказгандан сўнг техникаларни ҳисобдан чиқаради ёки ҳисобдан чиқаришни рад этиш тўғрисида қарор қабул қилади. 2. Қабул қилинган қарорни электрон шаклда Марказга ёки ЯИДХП орқали техника эгасига юборади.	1. 2 иш кунидан кечиктирмасдан 2. Қарор қабул қилингандан сўнг 2 иш кунда
4-босқич	Инспекция	1. Техникаларни ҳисобдан чиқарилганлиги тўғрисидаги маълумотларни ўзининг ахборот тизимига киритади. 2. Техникани ҳисобдан чиқарилганлиги тўғрисидаги маълумотномани техника эгаси ёки унинг вакилининг шахсан ўзига, шунингдек, электрон шаклда Марказга ёки ЯИДХП орқали (Инспекцияга мурожаат этганда техника эгасига) юборади.	2 иш кунда

Қишлоқ хўжалиги, мелиорация
ва йўл-қурилиш техникаларини
ҳисобдан чиқариш бўйича давлат
хизматларини кўрсатишнинг
маъмурий регламентига
2-илова

(сана)

(рақам)

**Қишлоқ хўжалиги, мелиорация ва йўл-қурилиш техникаларини
ҳисобдан чиқариш бўйича давлат хизматларини кўрсатиш юзасидан
СЎРОВНОМА**

I. Техника эгаси - юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
Юридик шахс вакили:	
1. Ф.И.О.	
2. Жисмоний шахснинг шахсий идентификация рақами	
II. Техника эгаси - жисмоний шахс тўғрисида маълумот:	
1. Ф.И.О.	
2. Жисмоний шахснинг шахсий идентификация рақами	
3. Манзили	
4. Телефон рақами	
III. Техника тўғрисида маълумот:	
1. Номи	
2. Русуми/моделли	
3. Ишлаб чиқарилган йили	
4. Двигатель рақами	
5. Завод рақами	
6. Кузов/шасси рақами	
7. Техник паспорт ёки техник гувоҳнома серияси ва рақами	
8. Давлат рақами белгиси	
IV. Сўровномага қуйидаги ҳужжатлар илова қилинади: божхона юк декларацияси; техникани кейинги фойдаланишга яроқсиз деб топиш ва уни ҳисобдан чиқариш учун; юридик шахслар учун – қарор, буйруқ, баённома ва тегишли далолатнома; жисмоний шахслар учун – ариза (эр ва хотиннинг розилиги асосида), белгиланган тартибда тузилган далолатнома	
Тасдиқлайман:	



Қишлоқ хўжалиги, мелиорация ва
йўл-қурилиш техникаларини
ҳисобдан чиқариш бўйича давлат
хизматларини кўрсатишнинг
маъмурий регламентига
3-илова

(сана)

(рақам)

**Қишлоқ хўжалиги, мелиорация ва йўл-қурилиш техникаларини
ҳисобдан чиқарилганлиги тўғрисида
МАЪЛУМОТНОМА**

I. Инспекциянинг марказий аппарати, ҳудудий бошқармаси ёки туман (қувасой шаҳар) бўлими:	
II. Техника эгаси тўғрисида маълумот:	
1. Техника эгаси – жисмоний шахснинг ЖШШИР рақами	
2. Техника эгаси – юридик шахснинг СТИРи	
3. Техника эгасининг Ф.И.О ёки номи	
4. Манзили	
5. Мобил телефон рақами	
III. Ҳисобдан чиқариладиган техника тўғрисида маълумот:	
1. Номи	
2. Русуми	
3. Завод рақами	
4. Двигатель рақами	
5. Двигатель қуввати	
6. Ишлаб чиқарилган йили	
7. Техник паспорт ёки техник гувоҳнома серияси ва рақами	
8. Рўйхатга қўйилган сана	
9. Давлат рақами белгиси	
IV. Техникани ҳисобдан чиқариш учун асос бўлувчи ҳужжат:	
1. Санаси (кун, ой, йил)	
2. Рўйхатга олинган сон	
3. Қайси ташкилот томонидан берилган	
V. Инспекция инспектори тўғрисида маълумот:	
1. Ф.И.О.	
2. Мобил телефон рақами	
VI. Қўшимча маълумотлар:	
Ҳужжатларнинг ҳақиқийлигини тасдиқловчи QR-код	

Вазирлар Маҳкамасининг
2023 йил “29” апрелдаги 170 сон қарорига
4-илова

**Қишлоқ хўжалиги, мелиорация ва йўл-қурилиш техникалари
рўйхатда турганлиги тўғрисида маълумотнома бериш бўйича
давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларга (кейинги ўринларда – ариза берувчи) қишлоқ хўжалиги, мелиорация ва йўл-қурилиш техникалари (кейинги ўринларда – техника) рўйхатда турганлиги тўғрисида маълумотнома бериш бўйича давлат хизматларини кўрсатиш тартибини белгилайди.

2. Ушбу Регламентда қуйидаги асосий тушунчалардан фойдаланилади:

техниканинг рўйхатда турганлиги тўғрисида маълумотнома (кейинги ўринларда – маълумотнома) – давлат рўйхатига олинган техниканинг номи, русуми, завод рақами, ишлаб чиқарилган йили, двигатель рақами, техник паспорти ёки техник гувоҳномаси серияси ва рақами, давлат рақами белгиси ҳамда техникага нисбатан тақиқ мавжуд ёки мавжуд эмаслиги тўғрисидаги маълумотлар жисмоний ва юридик шахсларнинг сўровига асосан тақдим этилади;

қишлоқ хўжалиги, мелиорация ва йўл-қурилиш техникалари – идоровий бўйсунуви ва ташкилий-хукукий шаклидан қатъи назар қишлоқ ва ўрмон хўжалигига мўлжалланган барча турдаги тракторлар (ғилдиракли, занжирли ва ярим занжирли), ўзиюрар машиналар (ўзиюрар қишлоқ хўжалиги машиналари, ўзиюрар мелиоратив ҳамда йўл-қурилиш техникалари), трактор тиркамалари, қишлоқ хўжалиги, йўл-қурилиш, мелиоратив ва бошқа мақсадларга мўлжалланган тупроққа ва экинларга ишлов берувчи, юк ортувчи, дон ва уруғни қайта ишлашга мўлжалланган машиналар, чорвачилик, паррандачилик ва ем-хашак ишлаб чиқариш машина ва технологик ускуналари, сув насослари, кичик механизация мосламалари.

3. Техникаларни рўйхатда турганлиги тўғрисидаги маълумотномани бериш бўйича давлат хизматлари Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция), давлат хизматлари маркази (кейинги ўринларда – Марказ) ёки Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали жисмоний ва юридик шахснинг сўровномасига асосан амалга оширилади.

4. Маълумотнома техникага оид қуйидаги ахборотларни ўз ичига олади:

техника тўғрисидаги маълумотлар, жумладан номи, русуми, завод рақами, техник паспорти ёки гувоҳномаси серияси ва рақами, давлат рақами белгиси, двигатель қуввати, ишлаб чиқарилган йили, двигатель рақами, давлат

рўйхатидан ўтказилган сана, шунингдек, алоҳида белгилар ёки ўзгарган агрегатлар ҳақида маълумотлар (мавжуд бўлса);

техникага нисбатан тақиқнинг мавжуд ёки мавжуд эмаслиги тўғрисидаги маълумот.

5. Инспекция манфаатдор вазирликлар ва идоралар билан келишган ҳолда техниканинг рўйхатда турганлиги тўғрисидаги маълумотларга қўшимча маълумотлар киритиши мумкин.

6. Марказ, ЯИДХП ва Инспекция ўртасида ахборотлар алмашинуви электрон рақамли имзони (кейинги ўринларда – ЭРИ) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

2-боб. Давлат хизматларини кўрсатиш тартиби

7. Қишлоқ хўжалиги, мелиорация ва йўл-қурилиш техникалари учун маълумотнома бериш бўйича давлат хизматларини кўрсатиш мазкур Регламентга 1-иловага мувофиқ схемага асосан амалга оширилади.

8. Ариза берувчи маълумотнома олиш учун Инспекцияга ёки Марказга келиб мурожаат қилганда, Инспекция ёки Марказ ходими ариза берувчи номидан ушбу Регламентга 2-иловага мувофиқ шаклдаги сўровномани тўлдиради.

9. Сўровнома тўлдирилганидан сўнг, ариза берувчи маълумотларнинг тўғрилигини текширади ва имзоларни идентификацияловчи замонавий воситалар (дактилоскопия, электрон рақамли имзо, Мобил-ID ва бошқалар) билан тасдиқлайди.

Ариза берувчи ЯИДХП орқали мурожаат қилганда, сўровномани электрон рақамли имзо билан тасдиқлаш талаб этилмайди.

10. Инспекция ёки Марказ орқали давлат хизматлари кўрсатганлик учун базавий ҳисоблаш миқдорининг 10 фоизи миқдорида йиғим ундирилади.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга тўлов ставкаларининг 50 фоизи миқдорида чегирма қўлланилади, бунда юридик шахсларнинг вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Маълумотнома бериш бўйича давлат хизматлари кўрсатганлик учун ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи - ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

12. Сўровномада маълумотларни нотўғри кўрсатилиши, шунингдек, давлат хизматларини кўрсатиш учун йиғимни тўламаслик давлат хизматлари кўрсатишни рад этишга асос бўлади.

Давлат хизматлари кўрсатишни бошқа асослар бўйича рад этиш тақиқланади.

13. Маълумотнома техниканинг давлат рақам белгиси, техник паспорти ёки техник гувоҳномасининг серияси ва рақами асосида тақдим этилади.

14. Ариза берувчи давлат хизматлари кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматларидан фойдаланишдан бош тортганда, унинг сўровномаси кўрилмасдан қолдирилади. Бунда тўланган йиғим суммаси қайтарилмайди.

15. Ариза берувчи маълумотномани олиш учун Инспекцияга ёки Марказга келиб мурожаат қилганда, унинг сўровномаси Инспекция ёки Марказ ходими томонидан тўлдирилиб, ариза берувчи томонидан тасдиқланганидан сўнг, реал вақт режимида барча ҳужжатлар Инспекцияга электрон шаклда юборилади.

Ариза берувчи ЯИДХП орқали мурожаат қилганда, сўровнома автоматик тарзда Инспекцияга электрон шаклда юборилади.

16. Инспекция сўровнома келиб тушган вақтдан бошлаб реал вақт режимида ушбу Регламентга 3-иловага мувофиқ QR-код қўйилган маълумотномани автоматик равишда расмийлаштиради ҳамда уни ариза берувчига беради ёки Марказга ёхуд ЯИДХП орқали ариза берувчига электрон шаклда юборади.

17. Марказ ходими маълумотнома тушгандан сўнг реал вақт режимида уни ариза берувчининг электрон почта манзилига юборади ва ариза берувчини бу ҳақида ахборот-коммуникация тизими орқали хабардор қилади.

Марказ ходими ариза берувчи ўзи келиб мурожаат қилганда, ариза берувчининг сўровига кўра маълумотномани электрон шаклда беради.

18. Маълумотнома шахсга оид маълумотлар ошкор қилинмаган ҳолда тақдим этилади (техника эгасининг ўз техникасини рўйхатда турганлигини билиш учун йўлланган сўровномаси бундан мустасно).

Маълумотнома ахборот хусусиятига эга бўлиб, келгусида расмий ҳаракатларни амалга ошириш учун асос бўлмайди.

3-боб. Якунловчи қоидалар

19. Маълумотнома ҳуқуқни муҳофаза қилувчи органларга, судларга ҳамда қонунчилик ҳужжатларига мувофиқ ваколатли ташкилотларга бепул тақдим этилади.

20. Ариза берувчи давлат хизматларини кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилиши мумкин.

21. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Қишлоқ хўжалиги, мелиорация ва йўл-қурилиш техникалари рўйхатда турганлиги тўғрисида маълумотнома бериш бўйича давлат хизматларини кўрсатишнинг 1-илова

Қишлоқ хўжалиги, мелиорация ва йўл-қурилиш техникалари учун техниканинг рўйхатда турганлиги тўғрисида маълумотнома бериш бўйича давлат хизматларини кўрсатиш СХЕМАСИ

Босқич-лар	Субъект-лар	Тадбирлар	Бажариш мuddатлари
1-босқич	Ариза берувчи (жисмоний ёки юридик шахслар)	1. Ариза берувчи техниканинг рўйхатда турганлиги тўғрисида маълумотнома бериш бўйича давлат хизматларидан фойдаланиш учун Агросаноат мажмуи устидан назорат қилиш инспекциясига (кейинги ўринларда – Инспекция) ёки давлат хизматлари марказига (кейинги ўринларда – Марказ) ўзи келиб, шунингдек, давлат хизматларидан электрон фойдаланиш учун ягона интерактив давлат хизматлари порталида (кейинги ўринларда – ЯИДХП) рўйхатдан ўтади. 2. Инспекция, Марказ ёки ЯИДХП томонидан кўрсатиладиган давлат хизматлари учун йиғимни амалга оширади.	1. Хоҳишига кўра 2. Мурожаат қилганда
2-босқич	1. Марказ 2. ЯИДХП	Сўровномани Инспекцияга юборади.	Сўровнома тўлдирилгандан сўнг автоматик тарзда
3-босқич	Инспекция	Техниканинг рўйхатда турганлиги тўғрисида QR-код қўйилган маълумотномани шакллантиради (шунингдек, рад этиш бўйича) ва уни электрон шаклда Марказга ёки ЯИДХП орқали ариза берувчига юборади.	Маълумотнома шакллантирилгандан сўнг автоматик тарзда
4-босқич	Марказ	Маълумотнома келиб тушганидан сўнг уни ариза берувчига электрон шаклда ёки қоғоз кўринишида тақдим этади.	Маълумотнома келиб тушгандан сўнг автоматик тарзда

Қишлоқ хўжалиги, мелиорация ва йўл-
қурилиш техникалари рўйхатда
турганлиги тўғрисида маълумотнома
бериш бўйича давлат хизматларини
кўрсатишнинг
2-илова

(сана)

(рақам)

**Қишлоқ хўжалиги, мелиорация ва йўл-қурилиш техникалари
учун техниканинг рўйхатда турганлиги тўғрисида
маълумотнома бериш бўйича
СЎРОВНОМА**

I. Ариза берувчи – юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
Юридик шахс вакили:	
1. Ф.И.О.	
2. Жисмоний шахснинг шахсий идентификация рақами	
II. Ариза берувчи – жисмоний шахс тўғрисида маълумот:	
1. Ф.И.О.	
2. Жисмоний шахснинг шахсий идентификация рақами	
3. Манзили	
4. Телефон рақами	
III. Техника тўғрисида маълумот:	
1. Техниканинг давлат рақами белгиси	
2. Техник паспорт ёки техник гувоҳнома серияси ва рақами	
Тасдиқлайман:	



Қишлоқ хўжалиги, мелиорация ва йўл-
қурилиш техникалари рўйхатда
турганлиги тўғрисида маълумотнома
бериш бўйича давлат хизматларини
кўрсатишнинг
3-илова

(сана)

(рақам)

**Қишлоқ хўжалиги, мелиорация ва йўл-қурилиш техникалари учун
техниканинг рўйхатда турганлиги тўғрисида
МАЪЛУМОТНОМА**

I. Инспекциянинг марказий аппарати, ҳудудий бошқармаси ёки туман (Қувасой шаҳар) бўлими:	
II. Техника тўғрисида маълумот:	
1. Номи	
2. Русуми/моделли	
3. Ишлаб чиқарилган йили	
4. Двигатель рақами	
5. Завод рақами	
6. Давлат рўйхатидан ўтказилган сана	
7. Техник паспорт ёки техник гувоҳнома серияси ва рақами	
8. Давлат рақами белгиси	
III. Техникага нисбатан тақиқ мавжудлиги ёки мавжуд эмаслиги тўғрисида маълумот:	
1. Тақиқ қўйган ташкилот	
2. Тақиқ қўйилган сана	
Хужжатларнинг ҳақиқийлигини тасдиқловчи QR-код	

Вазирлар Маҳкамасининг
2023 йил “29” апрелдаги 170-сон қарорига
5-илова

**Қишлоқ хўжалиги, мелиорация ва йўл-қурилиш техникаларини
мажбурий йиллик техник кўриқдан ўтказиш бўйича
хизматлар кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларнинг (кейинги ўринларда – техника эгаси) қишлоқ хўжалиги, мелиорация ва йўл-қурилиш техникалари ҳамда сервис ва таъмирлаш жиҳозлари ва бошқа ускуналарини (кейинги ўринларда – техника) мажбурий йиллик техник кўриқдан (кейинги ўринларда – техник кўриқ) ўтказиш тартибини белгилайди.

2. Техникаларни техник кўриқдан ўтказиш Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция) ҳамда юридик шахслар (кейинги ўринларда – тадбиркорлик субъектлари) томонидан мазкур Регламентга мувофиқ амалга оширилади.

Техникаларнинг техник ҳолатини аниқлаш учун Инспекция томонидан вазирликлар, идоралар ва бошқа ташкилотларнинг техника базалари, шунингдек, хусусий техник хизмат кўрсатиш станциялари шартнома асосида жалб этилиши мумкин.

Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш тадбиркорлик субъектлари томонидан ҳам амалга оширилади.

3. Ушбу Регламентда қуйидаги асосий тушунчалар қўлланилади:

махсус майдонча – техникаларни техник кўриқдан ўтказиш, зарур ҳолатларда тегишли ўлчов асбоб-ускуналаридан фойдаланиш имкониятига эга бўлган майдон;

техника эгаси – техника воситасига мулк ҳуқуқи ёки бошқа ашёвий ҳуқуқлар асосида эгалик қилувчи юридик ёки жисмоний шахс;

техник гувоҳнома – техник паспорт берилмайдиган қишлоқ хўжалиги, мелиорация ва йўл-қурилиш ҳамда бошқа мақсадларга мўлжалланган агрегат, машина, механизм ва ускуналарга бериладиган махсус ҳимояланган ҳужжат;

техник паспорт – қишлоқ хўжалиги, мелиорация ва йўл-қурилиш техникалари, тракторлар, трактор тиркамалари ва ўзийорар машиналарга бериладиган махсус ҳимояланган ҳужжат;

техник кўрик далолатномаси – мавжуд техникалар сони ва улар ҳақидаги маълумотларни ўз ичига олган ҳужжат;

техник кўриқдан ўтказилганлиги тўғрисидаги талон – техникаларни техник кўриқдан ўтказиш натижасига кўра ҳар бир техника учун бериладиган махсус ҳимояланган ҳужжат;

техникаларни юклашдан олдин техник кўриқдан ўтказиш – техникаларнинг умумий техник регламент ва давлат синови натижаларининг ижобий кўрсаткичларига мослигини кўриб чиқиш;

ўзиюрар машиналар – ўзининг ҳаракатлантирувчи қурилмасига эга қишлоқ хўжалиги, мелиорация ва йўл-қурилиш техникалари;

қишлоқ хўжалиги, мелиорация ва йўл-қурилиш техникалари – идоровий бўйсунуви ва ташкилий-ҳуқуқий шаклидан қатъи назар қишлоқ ва ўрмон хўжалигига мўлжалланган барча турдаги тракторлар (ғилдиракли, занжирли ва ярим занжирли), ўзиюрар машиналар (ўзиюрар қишлоқ хўжалиги машиналари, ўзиюрар мелиоратив ҳамда йўл-қурилиш техникалари), трактор тиркамалари, қишлоқ хўжалиги, йўл-қурилиш, мелиоратив ва бошқа мақсадларга мўлжалланган тупроққа ва экинларга ишлов берувчи, юк ортувчи, дон ва уруғни қайта ишлашга мўлжалланган машиналар, чорвачилик, паррандачилик ва ем-хашак ишлаб чиқариш машина ва технологик ускуналари, сув насослари, кичик механизация мосламалари.

4. Техникаларни техник кўриқдан ўтказишнинг асосий мақсади:

техникаларнинг техник ҳолати, улардан фойдаланиш нормалари ва қоидаларига риоя этилиши бўйича назоратни амалга ошириш;

техникаларнинг техник ҳолатини Ўзбекистон Республикасининг “Йўл ҳаракати хавфсизлиги тўғрисида”ги Қонуни ва Йўл ҳаракати хавфсизлиги қоидалари, Вазирлар Маҳкамасининг 2016 йил 18 мартдаги 80-сон қарори билан тасдиқланган Қишлоқ хўжалиги техникалари конструкциясининг хавфсизлиги тўғрисидаги умумий техник регламент ҳамда мазкур регламентнинг 1-илоvasида келтирилган Қишлоқ хўжалиги, мелиорация ва йўл-қурилиш техникаларини (параметрлари) техник кўриқдан ўтказишга оид талабларга асосан стандартлар, қоидалар ва нормаларга мувофиқлигини баҳолаш;

техникаларнинг сони, ҳолати, амалда мавжудлиги, тегишлилиги ва рўйхатдан ўтказиш бўйича бошқа маълумотларни аниқлаштириш;

техникалардан фойдаланиш соҳасидаги ҳуқуқбузарликлар ва жиноятларнинг олдини олиш, уларни аниқлаш ҳамда уларга барҳам бериш юзасидан профилактика ишларини ташкил этиш ҳисобланади.

5. Юридик ва жисмоний шахсларга, шу жумладан, хорижий юридик ва жисмоний шахсларга тегишли бўлган ҳамда белгиланган тартибда Инспекция томонидан рўйхатдан ўтказилган техникалар техник кўриқдан ўтказилади.

Техник кўриқдан ўтказилган техникалар тўғрисидаги маълумотлар Инспекциянинг “Техникалар техник кўриғи” автоматлаштирилган ахборот тизимида киритиб борилади.

6. Инспекция томонидан техникалар қуйидаги даврийликка мувофиқ техник кўриқдан ўтказилиши керак:

а) ишлаб чиқарилган йилидан, фойдаланиш ёки фойдаланмаслик, яроқли ёки яроқсизлигидан қатъи назар, барча турдаги техникалар – бир йилда бир марта;

б) навбатдаги техник кўриқдан ўтказишнинг аввалги белгиланган муддатидан қатъи назар, уларни Инспекцияда давлат рўйхатидан ўтказишда, қайта рўйхатдан ўтказишда, вақтинчалик рўйхатдан ўтказишда, ҳисобдан ҳамда рўйхатдан чиқарилишидан олдин;

7. Жисмоний ва юридик шахсларга тегишли техникаларнинг техник кўриғи 1 январдан 31 декабргача ўтказилади.

Техникалар техник кўриқка белгиланган муддатдан олдин тақдим этилиши мумкин.

8. Техникаларни техник кўриқдан ўтказиш бўйича хизматлар кўрсатганлик учун йиғимлар ушбу Регламентга 2-иловадаги тўлов ставкаларига мувофиқ амалга оширилади.

Техникаларни техник кўриқдан ўтказиш бўйича хизматлар кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

Биринчи (олдинги) техник кўриқда носоз деб топилган техникалардан такрорий техник кўриқдан ўтказилганлик учун йиғим ундирилади.

9. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш бўйича хизматлар кўрсатганлик учун йиғим миқдори тадбиркорлик субъектлари томонидан мустақил равишда белгиланади ҳамда келиб тушган маблағлар тўлиқ ҳажмда унинг тасарруфида қолдирилади.

2-боб. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш билан шуғулланувчи тадбиркорлик субъектларини ҳисобга олиш тартиби

10. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш билан шуғулланувчи тадбиркорлик субъектларини ҳисобга олиш мазкур Регламентга 3-иловага мувофиқ схемага асосан амалга оширилади.

11. Тадбиркорлик субъекти жисмоний шахсларнинг 100 от кучигача қувватга эга бўлган техникаларини техник кўриқдан ўтказишни бошлашдан олдин Инспекцияга ёки унинг ҳудудий бошқармаларига ўзининг ишлаб чиқариш-техник базасида яратилган шароитлар мазкур Регламент

талабларига мувофиқлиги ва фаолиятни амалга оширишга тайёр эканлиги тўғрисида ариза билан мурожаат қилади.

Тадбиркорлик субъекти аризага ўзининг ишлаб чиқариш-техник базасини “Ўзбекистон аккредитация маркази” давлат унитар корхонаси (кейинги ўринларда – “Ўзбекистон аккредитация маркази” ДУК) томонидан белгиланган тартибда техник жиҳатдан малакалилиги маъқуллашдан ўтганлиги тўғрисида гувоҳноманинг нусхасини илова қилади.

Шунингдек, Инспекция тадбиркорлик субъектининг уставини “Электрон ҳукумат” тизимининг идоралараро интеграциялашув платформаси орқали олади.

12. Мазкур Регламентнинг 11-бандига мувофиқ тақдим этилган ҳужжатлар Инспекциянинг ҳудудий бошқармалари томонидан 2 иш кунида ўрганиб чиқилади ва камчиликлар бўлмаган тақдирда 1 иш кунида Инспекцияга тақдим этилади.

13. Инспекция тақдим этилган ҳужжатларга асосан 1 иш кунида тадбиркорлик субъектини жисмоний шахсларнинг 100 от кучигача қувватга эга бўлган техникаларини техник кўриқдан ўтказиш учун зарур шароитларга эга бўлган тадбиркорлик субъектлари ҳисобини юритиш реестрига (кейинги ўринларда – реестр) киритиб, ўзининг расмий веб-сайтига жойлаштиради ва бу ҳақида тадбиркорлик субъектини хабардор қилади.

Реестр аҳолини жисмоний шахсларнинг 100 от кучигача қувватга эга бўлган техникаларини техник кўриқдан ўтказиш учун зарур шароитга эга тадбиркорлик субъектлари тўғрисида хабардор қилиш мақсадида юритилади.

14. Инспекция 1 иш кунида реестрга киритилган тадбиркорлик субъектига “Техникалар техник кўриги” автоматлаштирилган ахборот тизимида техник кўриқдан ўтказилган техникалар тўғрисидаги маълумотларни жойлаштириш учун логин ва пароль берилади.

15. Тадбиркорлик субъекти томонидан мазкур Регламентнинг 11-бандига кўрсатилган ҳужжатлар тўлиқ тақдим этилмаганда ёки ҳужжатларда нотўғри ёхуд бузиб кўрсатилган маълумотлар мавжуд бўлганда, Инспекциянинг ҳудудий бошқармалари 2 иш кунида тадбиркорлик субъектини ушбу камчиликларни бартараф этиш тўғрисида хабардор қилади.

16. Тадбиркорлик субъекти мазкур Регламентнинг 11-бандига мувофиқ Инспекциянинг ҳудудий бошқармаларига қайта мурожаат хати юбориши ёки Инспекциянинг мансабдор шахслари ҳаракати (ҳаракатсизлиги) юзасидан қонунчилик ҳужжатларида белгиланган тартибда юқори турувчи ташкилотга ёки судга шикоят қилиши мумкин.

17. Инспекция жисмоний шахсларнинг 100 от кучигача қувватга эга бўлган техникаларини техник кўриқдан ўтказиш билан шуғулланувчи тадбиркорлик субъектларининг техникаларни техник кўриқдан ўтказиш жараёнини ҳар ойда камида бир марта текширувдан ўтказиши.

Текширув натижалари бўйича далолатнома тузилиб, иш фаолиятида камчиликларга йўл қўйган тадбиркорлик субъектлари юзага келган камчиликларни бартараф этмаса, уларга нисбатан қонунчилик ҳужжатларида белгиланган тартибда таъсир чоралари қўлланилиши тўғрисида огоҳлантирилади.

18. Агар тадбиркорлик субъекти томонидан камчиликлар белгиланган муддатда бартараф этилмаса, ушбу тадбиркорлик субъектининг иш жараёнини тўхтатиш ёки унинг техник жиҳатдан малакалилиги маъқуллашдан ўтказилган гувоҳномани бекор қилиш бўйича “Ўзбекистон аккредитация маркази” ДУКга тақдимнома киритилади.

Шунингдек, мазкур тадбиркорлик субъектини “Техникалар техник кўриги” автоматлаштирилган ахборот тизимида кириши тўхтатилади.

19. Аниқланган камчиликлар тўлиқ бартараф этилганидан сўнг, тадбиркорлик субъектига ўз фаолиятини қайта йўлга қўйишга ва техник кўриқдан ўтказилган техникалар тўғрисидаги маълумотларни “Техникалар техник кўриги” автоматлаштирилган ахборот тизимида жойлаштиришга рухсат этилади.

3-боб. Тадбиркорлик субъектлари томонидан жисмоний шахсларнинг 100 от кучигача қувватга эга бўлган техникаларини техник кўриқдан ўтказиш тартиби

20. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш ишлари тадбиркорлик субъектларининг ишлаб чиқариш-техника базасида амалга оширилади.

21. Жисмоний шахсларнинг 100 от кучигача қувватга эга бўлган техникаларини навбатдаги техник кўриқка қўйиш санаси жорий техник кўриқ пайтида белгиланади.

Техника эгаси техникани навбатдаги техник кўриқка белгиланган муддатдан кечиктирмай тақдим этиши шарт.

22. Жисмоний шахсларнинг 100 от кучигача қувватга эга бўлган техникалари рўйхатдан ўтказилган ҳудудидан қатъи назар исталган ҳудудда техник кўриқдан ўтказилиши мумкин.

23. Тадбиркорлик субъектларининг ишлаб чиқариш-техника базаси “Ўзбекистон аккредитация маркази” ДУК томонидан белгиланган тартибда техник жиҳатдан малакалилиги маъқуллашдан ўтказилган, техникаларни техник кўриқдан ўтказиш учун зарур технологик жиҳозлар билан таъминланган бўлиши зарур.

24. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш учун тадбиркорлик субъектларининг ишлаб чиқариш-техника базаси:

а) техник регламент талабларига мувофиқ бўлиши зарур;

б) техникаларнинг техник ҳолатини текширишни ташкил этиш ва ўтказиш учун зарур технологик жиҳозлар ҳамда диагностика воситаларига эга бўлиши лозим, шу жумладан:

ўқига тушадиган максимал оғирлик 13 500 килограммгача бўлган техникаларнинг тормоз тизимини текшириш учун тормоз тизимининг техник диагностика воситаларига;

пневматик ва пневмогидравлик тормоз узатмаларида сиқилган ҳаво босими ва герметикликни (босим тушишини) назорат қилиш воситаларига;

тиркамаларни улаш мосламасини босиб туриш қурилмаси;

руль бошқарувидаги умумий люфтни ўлчаш ускунасига;

руль бошқаруви ва осмаси деталларидаги люфтларни текшириш тестерига;

чироқлар ёруғлигини бошқариш ва кучини назорат қилиш ускунасига;

шиналарни техник диагностика қилиш воситаларига;

газ анализаторига – ички ёнув двигателларига эга техниканинг ишлаб бўлинган газларида ифлослантирувчи моддаларнинг мавжудлигини аниқлаш ускунасига;

двигатель айланиш частотасини ва мой ҳароратини ўлчаш ускуналарига;

шовқинни ўлчаш ускунасига;

компрессорга;

қинчали манометрга;

зарур компьютер техникасига.

Айрим техник диагностика воситалари хавфсиз фойдаланиш талабларига мувофиқ бўлиши шарт билан универсал техник воситаларга алмаштирилиши мумкин.

Қўлланиладиган барча ўлчов воситалари тасдиқланган типда бўлиши, қонунчилик ҳужжатларига мувофиқ текширувдан ўтган бўлиши шарт.

25. Техникаларни техник кўрикдан ўтказиш учун мўлжалланган ишлаб чиқариш-техника базаси жойлаштириладиган хона ва майдонларга оид талаблар ушбу Регламентга 4-иловага мувофиқ белгиланади.

26. Техникаларни техник кўрикдан ўтказиш учун тегишли мутахассисликка эга бўлган ёки диагностика қилиш технологияси, диагностика жиҳозларининг тузилиши ва ишлаш принциплари, диагностика воситаларини қўллаган ҳолда техник ҳолатни текшириш методлари, меҳнатни муҳофаза қилиш бўйича талабларни ўрганган шахслар қўйилиши мумкин.

27. Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш учун техника эгаси ёки унинг вакили тадбиркорлик субъекти ходимиға мурожаат қилади ва қуйидаги ҳужжатларни кўрсатади:

тегишли тоифадаги техникани бошқариш ҳуқуқини берувчи тракторчи-машинист гувоҳномаси;

техниканинг техник паспорти;

жисмоний шахс вакилининг ваколатини тасдиқловчи ҳужжат.

28. Тадбиркорлик субъектининг ходими техникани техник кўриқдан ўтказишни дастлаб техникани рўйхатдан ўтказиш тўғрисидаги техник паспортда кўрсатилган маълумотларға техника тури, русуми, модели, давлат рақами белгиси, шасси (рама), двигатель ва идентификациялаш рақамларининг мувофиқлигини текширишдан бошлайди.

Шунингдек, техникалар Инспекциянинг “Техникалар техник кўриги” автоматлаштирилган ахборот тизими орқали текширилади ва маълумотлар мос келган тақдирда, белгиланган тартибда техник кўриқдан ўтказишға рухсат этилади.

29. Тадбиркорлик субъектлари ходими томонидан жисмоний шахсларнинг 100 от кучигача қувватга эга бўлган техникалари тадбиркорлик субъектларининг ишлаб чиқариш-техника базасида белгиланган тартибда техник кўриқдан ўтказилади.

30. Тадбиркорлик субъектининг ходими техника эгасининг қонунчилик ҳужжатлари талабларини бузганлиги (кўрсатилган ҳужжатлар ва агрегатлар идентификация рақамларининг сохталаштирилиши ва бошқа), техниканинг кидирувдалигини аниқлаганда, шунингдек, агрегат рақамлари техник ҳужжатларға мос келмаганда, техника йўл-транспорт ҳодисаси иштирокчиси бўлганлигига шубҳа уйғонганда, бу ҳақида дарҳол Инспекцияға ҳамда ички ишлар органларига хабар бериши шарт.

31. Тадбиркорлик субъекти қайта рўйхатдан ўтказилганда, номи ёки жойлашган жойи (почта манзили) ўзгарганда, бу ҳақида 7 иш кунида Инспекцияни хабардор қилади.

32. Тадбиркорлик субъекти томонидан жисмоний шахсларнинг 100 от кучигача қувватга эга бўлган техникаларини техник кўриқдан ўтганлиги тўғрисидаги далолатнома расмийлаштирилади ва маълумотлар 1 иш кунида Инспекциянинг “Техникалар техник кўриги” автоматлаштирилган ахборот тизимиға жойлаштирилади.

4-боб. Инспекция томонидан жисмоний ва юридик шахсларнинг техникаларини техник кўриқдан ўтказишни ташкил этиш

33. Инспекция томонидан жисмоний ва юридик шахсларнинг техникалари рўйхатдан ўтказилган ҳудудидан қатъи назар улар исталган ҳудудда ва қуйидаги жойларда техник кўриқдан ўтказилади:

зарур шароитга (техник диагностика ускуналарига, кўтариш мосламаларига ёки қараб чиқиш учун чуқурчаларга, назорат-ўлчаш асбобларига, асфальт ёки бетон билан қопланган бир текис горизонтал майдончага) ва малакали мутахассисларга эга бўлган ташкилотларда;

техник хизмат кўрсатиш станцияларида;

Инспекциянинг диагностика станцияларида;

ҳаракатланувчи (махсус автотранспорт) мобил техник назорат линияларида.

Техникаларни техник кўрикдан ўтказганлик учун йиғим ушбу Регламентга 2-иловага мувофиқ миқдорда ундирилади.

Техникаларни техник кўрикдан ўтказиш жойлари Инспекциянинг ҳудудий бошқармалари ва туман (Кувасой шаҳар) бўлимлари томонидан белгиланади.

Инспекцияда техник кўриklar бошлангунга қадар, барча диагностика асбоб-ускуналари текширилиши ва ишчи ҳолатга келтирилиши шарт.

34. Техникаларни техник кўрикдан ўтказиш учун ҳаракатланувчи мобил техник назорат линияларининг базаси қуйидаги зарур техник диагностика воситалар билан жиҳозланган бўлиши лозим:

руль бошқарувидаги умумий люфтни ўлчаш ускунаси;

техникаларнинг тормоз тизимини текшириш учун техник диагностика воситалари;

газ анализаторига – ички ёнув двигателларига эга техниканинг ишлаб бўлинган газларида ифлослантирувчи моддаларнинг мавжудлигини аниқлаш ускунаси;

чироқлар ёруғлигини бошқариш ва кучини назорат қилиш ускунаси;

шиналарни техник диагностика қилиш воситалари (штангенциркуль);

двигатель айланиш частотаси ва мой ҳароратини ўлчаш ускунаси;

шовқинни ўлчаш ускунаси;

зарур компьютер техникаси.

Айрим техник диагностика воситалари хавфсиз фойдаланиш талабларига мувофиқ бўлиши шарти билан универсал техник воситаларга алмаштирилиши мумкин.

Шунингдек, ҳаракатланувчи мобил техник назорат линиялари диагностик воситалари махсус автотранспорт воситаларида олиб юрилиши лозим.

35. Техникаларнинг техник кўригини ўтказиш мазкур Регламентга 5-иловадаги жадвалга асосан режалаштирилади.

Ушбу жадвал техникаларнинг техник кўригини ўтказиш жойи, санаси ва вақти ҳамда кўриққа тақдим қилинган техникалар тўғрисидаги маълумотларни ўз ичига олган ҳолда тузилади.

Мазкур жадвалда юридик ва жисмоний шахсларнинг техникалари сони 10 та ва ундан ортиқ бўлганда, уларни жойида, техника сони 10 тадан кам бўлганда, ҳудуддаги машина-трактор парки ёки муқобил машина-трактор парки ёхуд махсус майдончада йиғиш (жамлаш) орқали техник кўрикни ташкил этиш назарда тутилади.

Техникаларни техник кўриқдан ўтказиш кунлари Инспекция томонидан техника эгаларининг буюртмалари, об-ҳаво ва ишлаб чиқариш шароити ва бошқа ҳолатларни ҳисобга олган ҳолда белгиланади.

36. Бир кунда техник кўриққа қўйиладиган техникаларнинг сони мавжуд диагностика ва назорат-ўлчаш ускуналарининг кунлик унумдорлигидан келиб чиқиб белгиланади.

37. Юридик шахсларга уларнинг техникаларини техник кўриқдан ўтказиш муддатлари тўғрисидаги билдиришнома юборилади.

Техник кўриқдан ўтказиш далолатномалари талаб этиладиган маълумотлар кўрсатилган ҳолда (техниканинг техник ҳолати тўғрисидаги маълумотдан ташқари) техникалар рўйхатига мувофиқ тўлдирилади. Техникаларни техник кўриқдан ўтказиш далолатномасида кўрсатилган маълумотлар Инспекциянинг ҳудудий бошқармалари ва туман (Қувасой шаҳар) бўлимларининг техникаларни ҳисобга олиш маълумотлари билан таққосланади.

38. Техникаларни техник кўриқдан ўтказиш ташкилотларда, ҳудудларга чиққан ҳолда ҳаракатланувчи мобил техник назорат линияларида ва техник хизмат кўрсатиш станцияларида иш вақтида амалга оширилади.

39. Техникаларни техник кўриқдан ўтказиш бўйича хизматлар кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

5-боб. Техникаларини техник кўриқдан ўтказиш

40. Техникаларни техник кўриқдан ўтказиш бўйича хизматларни кўрсатиш мазкур Регламентга 6-иловага мувофиқ схемага асосан амалга оширилади.

41. Техника эгаси ёки унинг вакили техникаларни техник кўриқдан ўтказиш учун Инспекцияга ўзи келиб мурожаат этганда, Инспекция ходими техника эгаси номидан ушбу Регламентга 7-иловага мувофиқ шаклдаги сўровномани тўлдиради ва сўровнома техника эгаси ёки унинг вакили томонидан текширилиб, унинг имзоси билан тасдиқланади.

42. Техникаларни техник кўриқдан ўтказиш учун техника эгаси ёки унинг вакили Инспекцияга қуйидаги ҳужжатларни тақдим этади:

техника эгаси ёки унинг вакилининг сўровномаси;

а) жисмоний шахслар учун:

техниканинг техник паспорти ёки техник гувоҳномаси;

техникани бошқарувчи тракторчи-машинистнинг гувоҳномаси;

б) юридик шахслар учун:

техниканинг техник паспорти ёки техник гувоҳномаси;

техникани бошқарувчи тракторчи-машинистнинг гувоҳномаси;

юридик шахснинг раҳбари томонидан имзоланган ва ташкилотнинг муҳри билан тасдиқланган (муҳри мавжуд бўлган тақдирда) юридик шахс вакилининг ваколатларини тасдиқловчи ишончнома.

43. Техникаларни техник кўрикдан ўтказиш бўйича хизматлар кўрсатганлик учун йиғимлар ушбу Регламентга 2-иловадаги тўлов ставкаларига мувофиқ амалга оширилади.

Йиғим тўланганлиги ахборот-коммуникация тизимлари орқали тасдиқланади.

44. Техникаларни техник кўрикдан ўтказиш бўйича хизматлар кўрсатиш учун йиғимнинг амалга оширилмаганлиги хизматлар кўрсатишни рад этишга асос ҳисобланади.

Шунингдек, Инспекция томонидан қуйидаги ҳолларда техникаларни техник кўрикдан ўтказиш бўйича сўровнома рад этилади:

сўровномада нотўғри маълумотлар кўрсатилганда;

техника эгаси ёки унинг вакили томонидан техникалар техник кўрикдан ўтказиш учун 10 иш куни ичида тақдим этилмаганда.

45. Техникаларни техник кўрикдан ўтказиш бўйича хизматлар кўрсатишни бошқа асослар билан рад этиш таъқиқланади.

46. Техникаларни техник кўрикдан ўтказиш жойи ва вақти Инспекция томонидан белгиланади.

47. Инспекция ходими техникани техник кўрикдан ўтказишни дастлаб техникани рўйхатдан ўтказиш тўғрисидаги ҳужжатларда (техник паспорт ёки техник гувоҳнома) кўрсатилган маълумотларга техника тури, русуми, модели, давлат рақами белгиси, шасси (рама), двигатель ва идентификациялаш рақамларининг мувофиқлигини текширишдан бошлайди.

Шундан сўнг мазкур Регламентнинг 24 ёки 34-бандларида келтирилган махсус диагностик воситалар ёрдамида техник кўрикдан ўтказилади.

48. Ҳар қайси техниканинг техник ҳолати ва жиҳозлари техник регламентлар, стандартларлар, йўл ҳаракати хавфсизлиги қоидалари ва нормаларига мувофиқлиги жиҳатидан текширилади.

49. Тиркамалар ва ярим тиркамалар техник кўрикдан алоҳида турган ҳолда ҳам ўтказилади.

50. Жисмоний шахснинг техникасини техник кўриқдан ўтказиш жойига (носозлиги ёки бошқа сабабларга кўра) олиб бориш имконияти бўлмаганда, рўйхатдан ўтказиш, қайта рўйхатдан ўтказиш, ҳисобдан чиқариш учун ёки бошқа ҳолларда техника эгасининг ёзма шаклдаги аризасига кўра Инспекция ходими томонидан техника турган жойда техникани кўриқдан ўтказиш бўйича алоҳида далолатнома тузган ҳолда техник кўриқдан ўтказилиши мумкин.

51. Техниканинг техник ҳолати ва жиҳозлари йўл ҳаракати хавфсизлиги талабларидан ҳатто биттасига жавоб бермаганда, техника носоз ҳисобланади ва ундан фойдаланиш ман этилади.

Техникаларни техник кўриқдан ўтказиш натижасида техник жиҳатдан носоз деб топилган, шунингдек, техник ҳолати белгиланган талабларга жавоб бермайдиган ёки тегишли рухсатномасиз қайта жиҳозланган техниканинг давлат рақами белгиси камчиликлар ва носозликлар бартараф этилгунга қадар Инспекция томонидан белгиланган тартибда ечиб олинади.

Ушбу техникалар олдинги техник кўриқдан ўтказилган вақтдан бошлаб 20 кундан кечикмай, ушбу Регламентда белгиланган тартибда қайта техник кўриқдан ўтказилади.

Бундай ҳолларда техниканинг техник ҳолатини текшириш фақат олдинги техник кўриқдан ўтказиш пайтида аниқланган техника хавфсизлиги талабларига мувофиқ бўлмаган кўрсаткичлар бўйича ўтказилади.

Техник кўриқдан ўтказилган вақтдан бошлаб 20 кундан ортиқ бўлган муддатда қайта техник кўриқдан ўтказишга олиб келинган техникаларнинг техник ҳолатини текшириш тўлиқ ҳажмда амалга оширилади.

52. Маҳаллий корхоналарда ишлаб чиқарилган ёки хорижий давлатлардан импорт қилинган техникалар истеъмолчига юклашдан ёки божхона органларида расмийлаштиришдан олдин ишлаб чиқарувчи, импорт қилувчи, харид қилувчи сўровига асосан ёки назорат тартибида техник регламент талабларига мос эканлиги бўйича техник кўриқдан ўтказилади.

53. Техникаларни манзилига юклаб жўнатишдан олдин Инспекция томонидан ишлаб чиқарувчи ҳудудида ёки божхона омборида техник кўриқдан ўтказилади ва унинг якуни билан мазкур Регламентга 8-иловага мувофиқ далолатнома тузилади, имзоланади ва мулкдорга тақдим этилади. Манзилига юклаб жўнатишдан олдин техник кўриқдан ўтказилган техникаларга техник кўриқдан ўтганлиги тўғрисидаги талон берилмайди.

54. Техникаларни манзилига юклаб жўнатишдан олдин ўтказиладиган техник кўрик жисмоний шахслар томонидан хориждан келтириладиган ва ўз эҳтиёжи учун фойдаланадиган техникалар учун қўлланилмайди.

55. Техникаларни манзилига юклаб жўнатишдан олдин ўтказиладиган техник кўриклар тўлов амалга оширилгандан сўнг бажарилади.

6-боб. Техникаларни техник кўриқдан ўтказилганлигини расмийлаштириш

56. Техник кўриқдан ўтказилган техникага ушбу Регламентга 9 ва 9а-иловаларга мувофиқ шаклда далолатнома тузилади.

Далолатномага асосан мазкур Регламентнинг 10 ва 10а-иловаларга мувофиқ техникани техник кўриқдан ўтказилганлиги тўғрисидаги талонга муҳр қўйилади ҳамда техникани техник кўриқдан ўтказилган санаси, унинг амал қилиш муддати акс эттирилган ҳолда Инспекция ходимининг имзоси билан тасдиқланади ва техника эгаси ёки унинг вакилига тақдим этилади ҳамда маълумотлар “Техникалар техник кўриги” автоматлаштирилган ахборот тизимига жойлаштирилади.

57. 2023 йил 1 сентябрдан бошлаб техникаларни техник кўриқдан ўтказиш бўйича далолатнома маълумотлари “Техникалар техник кўриги” автоматлаштирилган ахборот тизимига киритилиб борилади (ушбу санадан бошлаб хорижий давлатларга чиқадиган техникалардан ташқари барча техникаларга техник кўриқдан ўтказилганлиги тўғрисидаги талон бериш амалиёти бекор қилинади).

58. Техника техник кўриқдан ўтказилгандан сўнг Инспекциянинг ходими томонидан техник кўриқ далолатномаси тузилади ҳамда техник кўриқ натижаси 1 иш кунда “Техникалар техник кўриги” автоматлаштирилган ахборот тизимига жойлаштирилади.

59. Техникани навбатдаги техник кўриқдан ўтказиш муддати тўғрисидаги маълумот “Техникалар техник кўриги” автоматлаштирилган ахборот тизими орқали 10 кун олдин техника эгаси ёки унинг вакилини телефон рақамига техникани техник кўриқдан ўтказиш вақти ҳақидаги хабарнома юборилади.

60. Техникани техник кўриқдан ўтказиш жойига олиб бориш имкони бўлмаганда, жисмоний ва юридик шахслар белгиланган муддатда Инспекциянинг ҳудудий бошқармалари ва туман (Қувасой шаҳар) бўлимларига ёзма шаклда сўровнома юборади. Сўровномага ушбу Регламентнинг 42-бандида кўрсатиб ўтилган ҳужжатлар илова қилинади.

Бунда Инспекциянинг ҳудудий бошқармаси ва туман (Қувасой шаҳар) бўлимларининг техника ҳолатини назорат қилиш инспектори томонидан “Техникалар техник кўриги” автоматлаштирилган ахборот тизимига носозлик тўғрисидаги маълумотлар киритилади.

Техникадаги носозликлар бартараф этилгандан кейин, техника эгаси ёки унинг вакили мазкур Регламент талабларига асосан техникани техник кўриқдан ўтказиш учун қайта тақдим этади.

7-боб. Якунловчи қоидалар

61. Техник кўриқдан ўтказилганлиги тўғрисидаги талон қатъий ҳисобда турадиган бланка ҳисобланади, уларни сақлаш, сарфлаш ва ҳисобга олиш белгиланган тартибда Инспекция томонидан амалга оширилади.

Талон бланкаларини тайёрлаш харажатлари марказлаштирилган тартибда Инспекцияни ривожлантириш жамғармаси маблағлари ҳисобидан амалга оширилади.

62. Инспекция ва тадбиркорлик субъектлари техникаларни мазкур Регламент талабларига мувофиқ техник кўриқдан ўтказилишини таъминлаш учун масъул ҳисобланади.

63. Техникалар республиканинг бошқа ҳудудида бўлганда, техникаларни техник кўриқдан ўтказиш ушбу ҳудуддаги Инспекция томонидан белгиланган тартибда амалга оширилади.

64. Техника эгаси ёки унинг вакили хизматлар кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилиши мумкин.

65. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
1-илова

**Қишлоқ хўжалиги, мелиорация ва йўл-қурилиш техникаларини
техник кўриқдан ўтказишга оид
ТАЛАБЛАР**

1-боб. Умумий қоидалар

1. Ушбу талаблар жисмоний ва юридик шахсларнинг қишлоқ хўжалиги, мелиорация ва йўл-қурилиш техникаларини техник кўриқдан ўтказишга оид техник нормаларни белгилайди.

2. Техникаларнинг техник ҳолатини кўриқдан ўтказиш соҳасидаги норматив ҳужжатлар талабларига мувофиқлигини баҳолашни ташкил этиш ва уни ўтказиш учун тегишли синов жиҳозлари ва ўлчаш воситалари бўлиши зарур.

2-боб. Тормоз тизимлари

3. Тормоз тизимлари тормозлаш самарадорлиги ва тормозлаш пайтида техниканинг барқарорлиги кўрсаткичларига мос келиши керак:

а) тракторлар ва ўзиюрар қишлоқ хўжалиги машиналари учун – “Халқаро стандарт. Меҳнат хавфсизлиги стандартлари тизими. Тракторлар ва ўзиюрар қишлоқ хўжалиги машиналари. Умумий хавфсизлик талаблари”;

б) трактор тиркамалари ва ярим тиркамалари учун – ГОСТ 10000-2017 5.5 - 5.8 “Давлатлараро стандарт. Трактор тиркамалари ва ярим тиркамалари. Умумий техник талаблар”;

в) ўзиюрар йўл-қурилиш машиналари учун – “Қазиш машиналари. Гилдиракли машиналарнинг тормоз тизимлари. Самарадорлик талаблари ва синов усуллари”.

4. Пневматик тормоз юритмали тракторларнинг тормоз тизимини фавқулодда (автоматик) тормозлаш режими ишчи ҳолатда бўлиши керак.

5. Пневматик тормоз тизимининг уланиш бўғинлари ва элементларидан сиқилган ҳаво чиқишига йўл қўйилмайди.

6. Гидравлик тормоз тизимида тормоз суюқлигининг оқиши ва (ёки) гидравлик тормоз узатмасининг қувурлари ёки уланишларининг зичлиги бузилишига йўл қўйилмайди.

7. Тормоз тизими зичлигининг йўқотилиши ёки бузилишига олиб келувчи занглашга йўл қўйилмайди.

8. Тормоз қувурларининг механик шикастланишига йўл қўйилмайди.

9. Тормоз юритмасида ёриқлар ёки қолдиқ деформацияга эга қисмларнинг бўлишига йўл қўйилмайди.

10. Тормоз тизимларининг сигнализацияси ва тормоз тизимини назорат қилиш воситалари, пневматик ёки пневмогидравлик тормоз узатмаларининг босим ўлчагичи ва тўхташ тормоз тизимини бошқариш мосламаси ишчи ҳолатда бўлиши керак.

11. Босим остида тормоз шлангларининг шишиши ва (ёки) кўринадиган ёриқлар, занглаш, ишқаланиш жойлари бўлишига йўл қўйилмайди.

12. Тракторлар пневматик тормоз шлангларининг жойлашиши ва узунлиги трактор ва тиркаманинг (ярим тиркаманинг) ўзаро ҳаракатланиши пайтида уларнинг шикастланишига олиб келмаслиги керак.

3-боб. Руль бошқаруви

13. Рулни буриш пайтида кучнинг ўзгариши унинг бурилиш бурчаги бўйлаб бир текис бўлиши керак. Руль кучайтиргичнинг ишламай қолишига (агар мавжуд бўлса) йўл қўйилмайди.

14. Двигатель ишлаётган пайтда руль кучайтиргичли тизимда руль чамбарагининг нейтрал ҳолатда ўз-ўзидан айланишига йўл қўйилмайди.

15. Руль бошқарувидаги умумий эркин юриш ишлаб чиқарувчи томонидан операцион ҳужжатларда белгиланган чегара қийматларидан ошмаслиги керак ёки ишлаб чиқарувчи томонидан ўрнатилган маълумотлар бўлмаса, тракторлар, шу жумладан, кичик ўлчамдаги ва ўзиюрар қишлоқ хўжалиги машиналари учун – 25 даражадан ошмаслиги керак.

16. Руль колоннаси ва бошқарув механизмининг қартерини маҳкамлаш қисмларининг шикастланиши ва йўқлиги, шунингдек, руль юритмаси қисмларининг ишлаб чиқарувчи томонидан кўзда тутилмаган (операцион ҳужжатларда) бир-бирига ёки корпусга (рамкага) нисбатан ҳаракатланиш кўрсаткичларини оширишга йўл қўйилмайди. Резьбали бирикмалар ишлаб чиқарувчи томонидан кўрсатилган тарзда маҳкамланган ва ўрнатилган бўлиши керак. Бурилиш тирсаклари тортқилари ва руль тортқилари бўғинлари уланишларида салт юришга йўл қўйилмайди. Руль колоннаси ҳолатини сошлаш мосламаси ишчи ҳолатига эга бўлиши керак.

17. Руль механизми ва руль юритмасида қолдиқ деформация излари, ёриқлар ва бошқа нуқсонлар бўлган қисмлардан фойдаланишга йўл қўйилмайди.

18. Руль чамбарагининг (рулнинг) максимал бурилиш бурчаги фақат машина конструкциясида назарда тутилган қурилмалар билан чекланиши керак.

4-боб. Занжирли машиналарни бошқариш механизми

19. Бурилиш муфталарини бошқариш дастаги тутқичларининг эркин юриши ишлаб чиқарувчи томонидан рухсат этилган қийматлардан четга

чиқмаслиги керак.

20. Бошқариш дастаги ўзига тўлиқ тортилганда, бурилиш йўналиши бўйича қувват оқимининг тўлиқ узилиши таъминланиши керак.

21. Тормоз педалларининг эркин юриши ишлаб чиқарувчи томонидан белгиланган қийматлардан ошмаслиги керак.

22. Тормоз педалларининг турлича эркин юришига йўл қўйилмайди.

5-боб. Ташқи ёритиш мосламалари

23. Ёритиш мосламалари ва ёруғлик сигнализациясидан фойдаланиш қишлоқ хўжалиги, мелиорация ва йўл-қурилиш техникалари учун – ГОСТ 32431-2013 (ISO 16154: 2005) 3.2-3.12-бандлари “Давлатлараро стандарт. Қишлоқ ва ўрмон хўжалиги учун машиналар. Умумий фойдаланиш йўлларида ҳаракатланиш учун ёритиш ва ёруғлик сигнализация мосламаларини ўрнатиш” асосида аниқланади.

24. Ёритиш мосламаларида емирилган нур ёйгичлар ёки уларнинг мавжуд эмаслиги ёки ушбу ёруғлик ускунаси турига мос келмайдиган нур ёйгичлар ва лампалар ишлатилишига йўл қўйилмайди.

25. Тормоз сигналлари (асосий ва қўшимча) ишчи ва фавқулодда тормоз тизимларини бошқариш воситаларига таъсир қилганда, ёниши ва доимий режимда ишлаши керак.

26. Олд томонда қизил нурли ёритгичлар ёки қизил рангли нур қайтаргичларни, орқа томонда – оқ рангдаги, орқага юриш чироқлари ва давлат рақам белгисини ёритгичларидан ташқари оқ рангдаги ёритгичларни ўрнатишга йўл қўйилмайди.

27. Йўлларни қуриш, таъмирлаш ёки техник хизмат кўрсатиш бўйича ишларни бажарадиган техникаларда, шунингдек, умумий фойдаланишдаги йўлларда соатига 20 км ва ундан кўпроқ тезликда ҳаракатланадиган ва кенглиги 2,55 метрдан ошадиган техникаларда сариқ ёки тўқ сариқ рангли махсус ёруғлик сигналлари (милтиловчи маёқлар) ўрнатилиши керак. Милтиловчи маёқларнинг сони ва жойлашиши уларнинг ёруғлик манбаи марказидан ўтувчи горизонтал текисликда 360 даража кўринишини таъминлаши керак.

6-боб. Олд ойна тозалагичлари ва ойна ювиш воситалари

28. Кабинаси бўлган машиналар камида битта ойна тозалагич билан жиҳозланган бўлиши керак.

29. Қишлоқ хўжалиги, ўзиюрар қишлоқ хўжалиги машиналари учун ойна тозалагичлар ва ювиш воситаларидан фойдаланиш “Давлатлараро стандарт. Меҳнат хавфсизлиги стандартлари тизими. Трактор ва ўзиюрар қишлоқ хўжалиги машиналари операторларининг кабиналари ва иш жойлари. Умумий хавфсизлик талаблари”га мувофиқ бўлиши керак.

30. Ойна тозалагичлар ва ойна ювиш воситалари ишчи ҳолатда бўлиши

керак.

31. Шиша ювиш воситаси суюқликни ойнани тозалаш жойига етказиб беришни таъминлаши керак.

7-боб. Ғилдираклар, шиналар ва занжирлар

32. Ғилдирак шиналари тишларининг етарлича қолдиқ баландлигига (протектор нақшларига), жумладан:

а) етакчи ғилдиракларда:

5 миллиметрдан кам бўлмаган – 2 тоннагача тортиш синфидаги тракторлар учун;

10 миллиметрдан кам бўлмаган – 3 тонна ва ундан юқори тортиш синфидаги тракторлар учун;

б) бошқариладиган ғилдиракларда:

2 миллиметрдан кам бўлмаган – 2 тоннагача тортиш синфидаги тракторлар учун;

10 миллиметрдан кам бўлмаган – 3 тонна ва ундан юқори тортиш синфидаги тракторлар учун;

в) тиркама ғилдиракларида – 1 миллиметрдан кам бўлмаган ғилдирак шиналари тишларининг қолдиқ баландлигига эга бўлиши керак.

33. Шиналарда ташқи шикастланишлар (тешилишлар, кесилишлар, ёрилишлар), шнури (сими) очилган, шунингдек, проотектор ва ён деворнинг кўчиши бўлмаслиги керак.

34. Ғилдирак дисклари маҳкамланадиган болт ёки гайканинг бир донаси ҳам йўқ бўлишига йўл қўйилмайди.

35. Ғилдирак дискида ёриқлар мавжудлигига ҳамда уларни пайвандлаш усулида бартараф этишга рухсат этилмайди.

36. Ғилдирак дискини ўрнатиш тешикларининг шакли ва (ёки) ўлчамида кўринадиган ўзгаришлар мавжудлигига йўл қўйилмайди.

37. Шиналар ўлчами ёки рухсат этилган юклама бўйича машина моделига мос келиши керак.

38. Бир ўққа турли ўлчамларга, моделга, тузилишга ва турлича протектор нақшига эга шиналарни ўрнатиш мумкин эмас.

39. Шиналардаги босим шина маркировкасида кўрсатилган қийматдан ошмаслиги керак. Чап ва ўнг шиналар босими ўртасидаги фарқ 0,01 МПадан ($0,1 \text{ кгс/см}^2$) ошмаслиги керак.

40. Занжирли юриш қисмига эга машиналар занжири осилиб туриши ишлаб чиқарувчи томонидан белгиланган қийматлардан, агар кўрсатилмаган бўлса 65 мм дан ошмаслиги керак.

41. Занжирли машиналар занжири тишларининг қолдиқ баландлиги

7 мм дан кам бўлмаслиги керак.

42. Чап ва ўнг томонлар занжирларидаги занжир қисмлари сони бир хил бўлиши керак.

43. Занжир қисмларида ёриқ ва синиқликлар бўлишига йўл қўйилмайди.

44. Чап ва ўнг занжирларнинг осилиб туриши орасидаги фарқ ишлаб чиқарувчи томонидан белгиланган қийматлардан, агар кўрсатилмаган бўлса 5 мм дан ошмаслиги керак.

8-боб. Двигатель ва унинг тизимлари

45. Тракторлар, ўзиюар йўл-қурилиш ва бошқа дизелли ўзиюар машиналар учун чиқинди газлардаги зарарли моддаларнинг миқдори ва газларнинг туташи “Давлатлараро стандарт. Табиатни муҳофаза қилиш. Атмосфера. Тракторлар ва ўзиюар қишлоқ хўжалиги машиналари дизеллари чиқинди газларининг тутабини аниқлаш нормалари ва усуллари”да белгиланган қийматларга мос келиши лозим.

46. Дизель двигателли машиналарнинг чиқинди газларидаги зарарли моддалар миқдори ишлаб чиқарувчи томонидан назарда тутилган талабларга мос келиши керак.

47. Дизель двигателларининг таъминлаш тизимидан ёнилғи оқиши ёки томишига йўл қўйилмайди.

48. Таъминлаш тизимининг ва ёнилғи идишининг ёпиш қурилмалари ишчи ҳолатда бўлиши керак.

49. Двигателларнинг тутун чиқариш тизими соз ва комплект ҳолда бўлиши керак.

9-боб. Конструкциянинг бошқа элементлари

50. Тракторлар, ўзиюар йўл-қурилиш ва қишлоқ хўжалиги машиналари камида битта (чап) орқа кўриниш кўзгуси билан жиҳозланган бўлиши керак.

51. Тракторчи-машинист томонида жойлашган олд ойнанинг ойна тозалагич соҳасида ёриқлар бўлишига йўл қўйилмайди.

52. Кабина эшик қулфлари, тракторчи-машинист ўриндиғини сошлаш механизмлари ва қулфлаш мосламалари, олд ойнани иситиш ва шамол йўналтириш мосламаси ишчи ҳолатда бўлиши керак.

53. Тиркама ва ярим тиркамаларнинг юк платформаси бортларини қулфлаш мосламалари ишчи ҳолатда бўлиши керак.

54. Фавқулудда чиқиш ва уни амалга ошириш қурилмалари, кабинани ички ёритиш чироқлари ишчи ҳолатда бўлиши керак.

55. Ўзиюар қишлоқ хўжалиги, мелиорация ва йўл-қурилиш техникалари конструкциясида назарда тутилган товуш сигнали соз ҳолатда бўлиши керак.

Товуш сигнали бошқариш органи томонидан ишга туширилганда у узлуксиз ва монотон товуш бериши керак.

Товуш сигнали даражаси ишга туширилмаган двигателда 90-112 ДБа оралиғида бўлиши керак.

56. Ўзиюлар қишлоқ хўжалиги, мелиорация ва йўл-қурилиш техникалари конструкциясига кўра тиркама ва ярим тиркамаларда орқа ҳимоя қурилмалари ўрнатилган бўлиши керак.

57. Тиркама ва ярим тиркамалар ишга яроқли хавфсизлик мосламалари (занжир) билан жиҳозланган бўлиши керак. Хавфсизлик занжирларининг узунлиги тортиш мосламасининг синиши (бузилиши) ҳолатида тиркама боғлаш халқасининг йўл юзасига тегишига йўл қўймаслиги керак.

58. Тиркамалар (бир ўқли тиркамалар бундан мустасно) тортиш мосламасини улаш ва ажратишни осонлаштирадиган ҳолатда тортувчи боғловчи халқани ушлаб турадиган қурилма билан жиҳозланган бўлиши керак.

59. Тиркама боғичининг ёки тиркамани тортиш мосламасининг тиркама бўйлама симметриясига нисбатан ҳолатини бузадиган деформацияланган, тиркама ёки тиркама тортмасининг синиши, ёриқлари ва бошқа кўринадиган шикастланишлари бўлишига йўл қўйилмайди.

60. Ўзиюлар қишлоқ хўжалиги, мелиорация ва йўл-қурилиш техникалари, уларнинг тиркамалари ва ярим тиркамалар камида 2 та ўз-ўзидан юриб кетишга қарши ғилдирак таянчлари билан жиҳозланган бўлиши керак.

61. Ўзиюлар қишлоқ хўжалиги, мелиорация ва йўл-қурилиш техникалар камида 2 литр ҳажмдаги ва камида битта кукун ёки хладонли ёнғинга қарши восита билан жиҳозланган бўлиши керак.

Ёнғин ўчиргич муҳрланган ва унда амал қилиш муддати кўрсатилган ҳамда текшириш вақтида муддати ўтмаган бўлиши керак.

62. Аккумуляторлар батареялари, ўриндиқлар, шунингдек ўт ўчириш мосламалари ва тракторлар, ўзиюлар йўл-қурилиш техникаларидаги биринчи тиббий ёрдам тўплами конструкцияда назарда тутилган маҳкамлаш мосламаларига маҳкам ўрнатилиши керак.

63. Вилдиракли қишлоқ хўжалиги, мелиорация ва йўл-қурилиш техникалари ғилдирак қанотлари билан жиҳозланган бўлиши керак. Ушбу қурилмаларнинг кенглиги ўрнатиладиган шиналарнинг кенлигидан кам бўлмаслиги керак.

64. Двигатель, узатмалар қутиси, борт редукторлари, кўприклар, муфта, аккумулятор, совутиш ва кондиционер тизимлари ҳамда қўшимча равишда ўрнатилган гидравлик қурилмалардан ёғлар ва ишчи суюқликларнинг оқиб чиқишига йўл қўйилмайди.

65. Ўзиюлар машиналарнинг конструкциясида назарда тутилган узатма

кўшилган ҳолатда двигателни ишга тушириш имкониятини истисно қиладиган курилма ишлайдиган бўлиши керак.

66. Машиналарнинг ҳаракатланувчи (айланувчи) қисмлари (карданли, занжирли, тасмали, тишли узатмалар ва бошқалар) ҳимоя қоплами билан тўсилган бўлиши керак.

67. Кабина, двигатель, компрессор, қоплама, ишчи органлар ва бошқа конструктив элементларни маҳкамлаш жойларининг бўшашишига йўл қўйилмайди.

68. Тракторчи-машинист ўриндигидан кўришни чеклайдиган, ойнанинг шаффофлигини ёмонлаштирадиган, шикастланиш хавфини келтириб чиқарадиган қўшимча нарсаларни ўрнатиш ёки қопламаларни қўллашга йўл қўйилмайди.

69. Машиналар двигателини ишга тушириш учун ишлатиладиган аккумуляторлар, шу жумладан, электр юритмали машиналарнинг аккумуляторларининг кучланиши, вазни ёки ўлчамлари ишлаб чиқарувчи томонидан тақдим этилганидан фарқ қиладиган аккумуляторларга алмаштиришга йўл қўйилмайди.

70. Ишчи органлар юритмасининг сақловчи муфтаси соз ва ростланган бўлиши керак.

71. Ўзиюрар машиналар фавқулодда тўхташ белгиси билан жиҳозланиши лозим.

72. Техникаларнинг орқа томонида давлат рақами белгиси ўрнатилиши керак.

Давлат рақами белгиси текис вертикал юзага ўрнатилиши, бунда давлат рақами белгиси конструкция элементлари билан тўсилмаслиги, давлат рақами белгиси эса ташқи ёритиш ва ёруғлик сигналларини тўсмаслиги ҳамда ён габаритдан чиқиб турмаслиги керак.

Давлат рақами белгиси машина симметрик ўқи бўйича ёки машинанинг ҳаракатланиши йўналиши бўйича чап тарафда ўрнатилиши керак.

73. Максимал конструктив тезлиги 30 км/с дан катта бўлмаган ўзиюрар машиналарда “секин юрувчи транспорт воситаси” белгиси ўрнатилиши керак.

10-боб. Қишлоқ хўжалиги машиналари

74. Экиш машиналари (сеялкалар) ҳаракат узатувчи қисмлари: таянч ғилдирак, вал, ўқ, занжир, тишли юлдузчалар; уруғ ва ўғит идишлари ҳамда тақсимлаш ғалтаклари, уруғ ўтказгичлар, эгичлар (сошниклар), тупроқ зичлагич ва унинг пружиналари ва бошқалар фойдаланиш йўриқномасида кўрсатилган тартибда тўлиқ ва кўрсаткичларга мос бўлиши керак.

75. Тупроққа асосий ишлов берувчи машиналар (омоч, ер текислагич, чизель-культиватор, диски борона ва бошқалар) ишчи органларининг

ейилганлиги рухсат этилган меъёрдан ошиб кетмаслиги, гидроцилиндрлардан мой оқмаслиги, ишлов бериш чуқурлигини ростлаш механизми соз бўлиши керак.

76. Қатор орасига ишлов берувчи культиваторларнинг ҳаракат узатувчи механизми, ўғит идишлари, ўғитни тақсимлаш ва сепиш қурилмалари, сошник ҳамда бошқа ишчи органлари ва бошқалар улардан фойдаланиш йўриқномасида кўрсатилган тартибда тўлиқ ва ейилганлик қиймати рухсат этилган меъёрдан ошиб кетмаслиги керак.

77. Пуркагичларнинг корпуси бутун, суюқлик пуркаш қисмлари тешиклари бир хил ва тўғри ўрнатилган, суюқлик насоси меъёрдаги босимни бериши керак.

78. Минерал ўғит сепиш машиналарининг ўғит идиши ёрилмаган, тешилмаган, махсус элакка эга, редукторидан мой оқмаслиги, ҳаракат узатувчи карданнинг крестовиналари соз ва мойланган, ўғит сепиш мосламасининг парраклари тўлиқ ва эгилмаган бўлиши керак.

79. Барча турдаги қишлоқ хўжалиги машиналари ва агрегатларининг ҳаракат узатувчи ва бошқа ишчи қисмлари фойдаланиш йўриқномасидаги кўрсаткичларга мос келиши ва уларнинг ейилганлик қиймати рухсат этилган меъёрдан ошиб кетмаслиги бўйича техник кўрикдан ўтказилади.

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
2-илова

**Қишлоқ хўжалиги, мелиорация ва йўл-қурилиш техникаларини
техник кўриқдан ўтказиш учун
ТЎЛОВ СТАВКАЛАРИ**

1	100 от кучи ва ундан юқори қувватга эга ғилдиракли тракторлар, мелиорация ва йўл-қурилиш техникалари, ўзиюар машиналар ҳамда занжирли ва ярим занжирли тракторлар учун	базавий ҳисоблаш миқдорининг 30 фоизи миқдорида
2	100 от кучига қувватга эга ғилдиракли тракторлар, трактор тиркамалари, мелиорация ва йўл-қурилиш техникалари ҳамда ўзиюар машиналар; осма ва ярим осма, занжирли, ярим занжирли ва йиғма машиналар учун	базавий ҳисоблаш миқдорининг 20 фоизи миқдорида
3	Қишлоқ хўжалиги, мелиорация ва йўл-қурилиш машиналари ҳамда агрегатлар учун	базавий ҳисоблаш миқдорининг 15 фоизи миқдорида
4	Йўл-қурилиш, мелиорация ва бошқа мақсадларга мўлжалланган юк ортувчи, пахта, дон ва уруғларни қайта ишлашга мўлжалланган машиналар, шунингдек, чорвачилик, паррандачилик ва ем-хашак ишлаб чиқариш машиналари ва ускуналари, кичик механизация мосламалари учун	базавий ҳисоблаш миқдорининг 15 фоизи миқдорида
5	Машина-трактор парклари, таъмирлаш устахоналари, сервис пунктлари ва бошқалардаги ҳар бир станок, асбоб-ускуна ва жиҳозлар учун	базавий ҳисоблаш миқдорининг 15 фоизи миқдорида
6	Сув насослари учун	базавий ҳисоблаш миқдорининг 20 фоизи миқдорида

Изоҳ. Қишлоқ хўжалиги, мелиорация ва йўл-қурилиш техникаларини техник кўриқдан ўтказишнинг аввалги белгиланган муддатидан қатъи назар, уларни Инспекцияда рўйхатдан ўтказиш (қайта рўйхатдан ўтказиш) вақтида техник кўриқдан ўтказилади;

насос станцияларидаги, дон ва пахта тозалаш корхоналаридаги ҳар бир машина ва агрегатлар учун алоҳида тўлов ундирилади.

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
3-илова

**Жисмоний шахсларнинг 100 от кучигача қувватга эга бўлган техникаларини
техник кўриқдан ўтказиш билан шуғулланувчи тадбиркорлик субъектларини
ҳисобга олиш
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Юридик шахс (тадбиркорлик субъекти)	Жисмоний шахсларнинг 100 от кучигача қувватга эга бўлган техникаларини техник кўриқдан ўтказиш бўйича хизматлар кўрсатиш учун Агросаноат мажмуи устидан назорат қилиш инспекциясининг (кейинги ўринларда – Инспекция) ҳудудий бошқармасига (кейинги ўринларда – Инспекциянинг ҳудудий бошқармаси) ариза билан мурожаат қилади ва аризага мазкур Регламентнинг 11-бандида келтирилган ҳужжатларни илова қилади.	Мурожаат қилганда
2-босқич	Инспекциянинг ҳудудий бошқармаси	1. Тадбиркорлик субъекти томонидан тақдим этилган ҳужжатларни мазкур Регламентнинг 11-бандига мувофиқлигини ўрганиб чиқади. 2. Талаб этилган ҳужжатлар тўлиқ тақдим этилмаганда ёки ҳужжатларда нотўғри ёхуд бузиб кўрсатилган маълумотлар мавжуд бўлганда, тадбиркорлик субъектини камчиликларни бартараф этиш тўғрисида хабардор қилади. 3. Тақдим этилган ҳужжатларда камчиликлар бўлмаган тақдирда, тадбиркорлик субъектининг ҳужжатларини Инспекцияга юборади.	2 иш кунда 1 иш кунда
3-босқич	Инспекция	1. Тақдим этилган ҳужжатларга асосан тадбиркорлик субъектини жисмоний шахсларнинг 100 от кучигача қувватга эга бўлган техникаларини техник кўриқдан ўтказиш учун зарур шароитларга эга бўлган тадбиркорлик субъектлари ҳисобини юритиш реестрига киритади ва ўзининг расмий веб-сайтига жойлаштиради ҳамда бу ҳақида тадбиркорлик субъектини хабардор қилади. 2. Тадбиркорлик субъектига “Техникалар техник кўриги” автоматлаштирилган ахборот тизимига техник кўриқ маълумотларини жойлаштириш учун логин ва пароль беради.	2 иш кунда

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўрикдан ўтказиш бўйича
хизматлар кўрсатишнинг маъмурий
регламентига
4-илова

**Техникаларни техник кўрикдан ўтказиш учун мўлжалланган
ишлаб чиқариш-техника базаси жойлаштириладиган
хона ва майдонларга оид
ТАЛАБЛАР**

1-боб. Умумий қоидалар

1. Ушбу Талаблар Инспекция диагностика станцияси, техник хизмат кўрсатишга ихтисослашган ташкилотларга тегишли бўлган ишлаб чиқариш-техника базаси, тадбиркорлик субъектлари – юридик шахслар томонидан техникаларни техник кўрикдан ўтказиш учун мўлжалланган ишлаб чиқариш-техника базаси (кейинги ўринларда – ишлаб чиқариш-техника базаси) жойлаштириладиган хона ва майдонларнинг параметрларига оид техник нормаларни белгилайди.

2. Ишлаб чиқариш-техника базаси белгиланган тартибда техник жиҳатдан малакалилигини маъқуллашдан ўтказилган, техникаларнинг техник ҳолатини техник жиҳатидан тартибга солиш соҳасидаги норматив ҳужжатлар талабларига мувофиқлигини баҳолашни ташкил этиш ва ўтказиш учун тегишли технологик, синов жиҳозлари ва ўлчаш воситалари билан таъминланган бўлиши зарур.

**2-боб. Ишлаб чиқариш-техника базасининг ҳудудида
оид талаблар**

3. Ишлаб чиқариш-техника базасининг ҳудудида қуйидагиларни мажбурий жойлаштириш имконияти назарда тутилган бўлиши керак:

ишлаб чиқариш хоналари;

техник кўрикдан ўтказилиши кутилаётган ва тугалланган техникалар учун майдон;

хона ва майдонларга кириш ва ўтиш йўллари.

4. Ишлаб чиқариш-техника базасининг ҳудудида техникалар ҳаракатини ташкил этиш учун қуйидагилар мавжуд бўлиши керак:

сунъий ёритиш чироқлари;

қатнов қисми текис ва қаттиқ қопламали (асфальт-бетонли ёки цемент-бетонли) бўлган кириш йўли, майдони;

периметри бўйича ўрнатилган тўсиқ.

5. Ишлаб чиқариш-техника базасининг ҳудуди ёки у жойлашган ташкилотга кириш жойи олдида ишлаб чиқариш-техника базасининг иш режими ва техник кўриқдан ўтказиладиган техникаларнинг ҳаракатланиш схемаси кўрсатилган ахборот стенди ўрнатилган бўлиши керак.

Ишлаб чиқариш-техника базасининг биносида кенглиги 2,0 метрдан ва баландлиги 0,7 метрдан кам бўлмаган ўлчамдаги, давлат тилида “Traktor texnik ko‘rigi” ёзуви бўлган пешлавҳа ўрнатилган бўлиши керак. Ёзув бошқа тилларда такрорланиши ҳам мумкин.

6. Ишлаб чиқариш-техника базасининг ҳудудида ва унга кириш-чиқиш жойларида видеокузатув камералари ўрнатилган бўлиши керак.

7. Ишлаб чиқариш-техника базасининг ишлаб чиқариш хонасига кириш йўллари бўйлаб техникаларнинг ҳаракати қуйидаги талабларни ҳисобга олган ҳолда ташкил қилиниши зарур:

техникаларнинг бир томонлама ҳаракатини ташкил этиш;

техникаларнинг хавфсиз ҳаракатланиши учун имконият яратиш;

ишлаб чиқариш-техника базасининг ҳудудида техникаларнинг рухсат этилган ҳаракат йўналишларини тегишли йўл чизиқлари билан белгилаш.

8. Ишлаб чиқариш-техника базасининг ҳудуди ичимлик ва ишлаб чиқариш сув қувурлари билан жиҳозланган бўлиши керак.

9. Ишлаб чиқариш-техника базасининг ҳудуди майдонининг юзаси текис, унда сув қувурлари ва сув оқиб кетадиган ариқлар мавжуд бўлиши керак.

10. Ишлаб чиқариш-техника базасига кириш ҳамда унинг ҳудуди бўйлаб техникаларнинг ҳаракатланиши, барча мавжуд иншоотлар, йўл белгилари ва чизиқлари кўрсатилган схема ташкилот раҳбари томонидан тасдиқланади.

Йўлнинг кенглиги 4,5 метрдан кам бўлмаслиги керак.

11. Техник кўриқдан ўтказиладиган ва техник кўриқдан ўтказилган техникаларни жойлаштириш учун майдонларнинг ўлчамларини аниқлаш учун техникаларнинг габарит ўлчамлари ва техник кўриқ линиясининг камида бир соатлик ишлаб чиқариш қувватига тенг бўлган миқдордаги техникаларнинг техник кўриқ линияси майдонида айнан бир вақтда бўлиши эътиборга олиниши керак.

12. Ишлаб чиқариш-техника базасининг ишлаб чиқариш хонасига кириш олдидаги майдон 70 кв.м.дан кам бўлмаслиги керак.

3-боб. Ишлаб чиқариш-техника базасининг хоналарига оид талаблар

14. Ишлаб чиқариш-техника базаси таркибига қуйидагилар киритилиши керак:

ишлаб чиқариш хонаси;
техникалар эгаларини қабул қилиш ва уларга хизмат кўрсатиш хонаси;
техникаларни техник кўриқдан ўтказиш натижаларини
расмийлаштириш хонаси;
санитария-гигиена хоналари.

15. Ишлаб чиқариш-техника базасининг ишлаб чиқариш хоналари қуйидагиларни инобатга олган ҳолда ташкил қилинади:

техниканинг техник ҳолатини баҳолашдан ўтказиш дастури;
қўлланиладиган ўлчаш воситалари ва синов жиҳозлари;
техниканинг техник ҳолатини баҳолаш ва натижаларини
расмийлаштиришнинг технологик жараёни;

ёнғин хавфсизлиги ва меҳнатни муҳофаза қилиш талаблари.

16. Ишлаб чиқариш-техника базасининг ишлаб чиқариш хоналарининг ўлчамлари мазкур талабларга иловага мувофиқ техник кўрик линияларининг технологик постлари сони ва техниканинг габарит ўлчамларидан келиб чиққан ҳолда аниқланади.

17. Ишлаб чиқариш-техника базасининг ишлаб чиқариш хоналарини режаси ишлаб чиқаришнинг бино ва иншоотларини технологик лойиҳалаштириш қоидалари ва нормалари талабларига мувофиқ бўлиши керак.

Ишлаб чиқариш корпуси хонасининг бўртиб чиққан қурилиш конструкцияларигача бўлган баландлиги 7,0 метрдан кам бўлмаслиги керак.

Хоналарнинг поли текис, нефть маҳсулотлари таъсирига чидамли бўлиши керак.

18. Хоналарда барча технологик жараёнлар санитария-гигиена нормаларига мувофиқ ҳолда хавфсиз ва оқилона бажарилиши керак.

19. Ишлаб чиқариш хоналаридаги шовқин ва вибрация даражаси санитария-гигиена нормаларида белгиланган ҳамда рухсат этилган кўрсаткичлардан ошмаслиги керак.

20. Хона ва иш жойларининг табиий ва сунъий ёритилиши ишларнинг хавфсиз бажарилиши, одамлар учун хавфсиз бўлиши ва уларнинг ҳаракатланишини таъминлаш учун етарли бўлиши керак.

Хона ва иш жойларининг табиий ва сунъий ёритилиши қуйидаги талабларга мувофиқ бўлиши лозим:

иш жойларида хонанинг поли сатҳида – камида 200 лк;

ишчи хоналарда (кабинетларда) полдан 0,8 метр баландликдаги сатҳда – камида 200 лк;

кўриқдан ўтказиш ҳандағида техниканинг тағ қисми сатҳида – камида 150 лк;

авария ҳолатларида ёритиш иш юзасини умумий ёритиш учун белгиланган норманинг 5 фоизидан кам бўлмаслиги, лекин камида 2 лк бўлиши керак.

21. Техникаларни техник кўриқдан ўтказиш учун мўлжалланган хоналардаги ҳаво ҳарорати ўтказиладиган синов усуллариға оид норматив ҳужжатлар талаблариға мувофиқ бўлиши керак. Ишлаб чиқариш-техника базасининг биноларидаги ҳаво ҳарорати йилнинг совуқ даврида – 15°C дан 25°C гача, иссиқ даврида – 22°C дан 30°C гача оралиқда бўлиши керак.

22. Техникаларни корхонанинг ҳудудида ҳаракатланиши тезлиги очик йўлларда – 10 км/с дан, хона ичида – 5 км/с дан ортиқ бўлмаслиги керак.

23. Ишлаб чиқариш-техника базасининг ишлаб чиқариш хоналариға кириш жойи пешлавҳа билан белгиланади ва сутканинг қоронғи пайтида ёритилади. Ишлаб чиқариш хоналариға кириш (чиқиш) йўли ишлаб чиқариш хоналаридан бошқариладиган ёруғлик (масалан, светофор) сигнализацияси билан жиҳозланади.

Кириш дарвозаси устида 3.13. “Чекланган баландлик”, 3.14. “Чекланган кенглик” ва 3.24. “Юқори тезлик чекланган (5 км/с)” йўл белгилари жойлаштирилади.

24. Ишлаб чиқариш-техника базасининг хоналарини миҳозлар учун қулай бўлган жойида қуйидаги маълумотлар акс эттирилган ахборот стенди ёки бошқа маҳсус қурилмалар ўрнатилади:

ишлаб чиқариш-техника базасининг тегишлилиги, жойлашган жойи, иш тартиби ва режими, алоқа телефонлари;

Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекциясининг ишонч телефони рақамлари, таклиф ва эътирозлар китоби сақланадиган жой ва уни юритиш (сақлаш) учун масъул бўлган шахснинг фамилияси, исми, отасининг исми;

техникани техник кўриқдан ўтказиш тартиби, текшириладиган (баҳоланадиган) параметрлар ва нормативлар, техник кўриқдан ўтказишнинг даврийлиги ва техникаларнинг техник ҳолатини баҳолаш натижалари тўғрисидаги ҳужжатни бериш тартиби;

техникани техник кўриқдан ўтказиш учун қонунчилик ҳужжатлариға мувофиқ кўрсатилиши зарур бўлган ҳужжатлар, техник кўриқдан ўтказиш учун тўлов миқдори, зарур жараёнларни амалға ошириш муддати ва бошқа маълумотлар.

25. Ишлаб чиқариш хоналари электр хавфсизлиги талабларини белгиловчи норматив-ҳуқуқий ҳужжатлар талаблариға мувофиқ электр таъминоти (ёритиш) учун электр тармоқлари, шунингдек, қувват бериш

кабеллари (диагностика жиҳозларининг электр энергияси таъминоти учун) ва тақсимлагич электрошитлар билан жиҳозланади.

26. Ишлаб чиқариш-техника базасининг ишлаб чиқариш хоналарида иккитадан кам бўлмаган эвакуация чиқиш жойлари мавжуд бўлиши назарда тутилади. Эвакуация чиқиш жойларининг эшиклари хонадан ташқари томонга очиладиган, ўтиш йўлагининг кенглиги 1 метрдан кам бўлмаслиги керак.

27. Ишлаб чиқариш-техника базасининг ёнғиндан ҳимояси, ёнғиннинг олдини олиш тизими ва ёнғин хавфсизлиги ҳамда портлаш хавфсизлигини таъминлаш бўйича ташкилий-техник тадбирлар қонунчилик ҳужжатларида белгиланган талабларга мувофиқ бўлиши керак.

28. Техникалар эгаларини қабул қилиш ва уларга хизмат кўрсатиш хоналари ҳамда техникаларнинг техник ҳолатини баҳолаш натижалари ҳақидаги ҳужжатни расмийлаштириш учун хоналар ишлаб чиқариш-техника базасининг ишлаб чиқариш хоналарига ёки унга яқин жойда бўлиши керак. Ушбу хоналарга кириш жойи тегишли кўрсаткичлар билан белгилаб қўйилади.

29. Техникаларнинг эгаларини қабул қилиш ва уларга хизмат кўрсатиш хоналарининг ўлчамларини аниқлашда, уларда ишлаб чиқариш-техника базасининг ходими томонидан ҳужжатларни расмийлаштириш учун иш жойлари ҳамда техникаларни эгаларининг кутиб туриш жойлари инобатга олинishi керак.

Техникалар эгаларининг кутиб туриш жойлари сони ҳар бир техник кўрик линиясига бештадан кам бўлмаслиги керак.

30. Ишлаб чиқариш-техника базасининг ишлаб чиқариш хоналарини санитария-гигиена нормалари ва қоидаларига мувофиқлиги санитария-эпидемиология назорати органининг тегишли хулосаси билан тасдиқланади.

4-боб. Ишлаб чиқариш-техника базасининг ишлаб чиқариш хоналарини технологик режалаштиришга оид талаблар

31. Ишлаб чиқариш-техника базасининг диагностика жиҳозлари технологик лойиҳалашга оид талаблар ва нормаларга амал қилган ҳолда ўрнатилиши керак.

32. Ишлаб чиқариш-техника базасининг ишлаб чиқариш хоналари техникаларнинг двигатели ишлаб турган пайтда газларни чиқариш қувурларидан чиқаётган газларни ташқарига олиб чиқиш тизими билан жиҳозланади.

33. Ишлаб чиқариш-техника базасининг ишлаб чиқариш хоналарига техникаларнинг кириши (чиқиши) учун техник кўрик линияларида кенглиги 3,0 метрдан ва баландлиги 4,3 метрдан кам бўлмаган ўлчамдаги кириш (чиқиш) дарвозалари ўрнатилади.

34. Техник кўрик линияларида техникаларни техник кўриқдан ўтказиш учун хандақлардан фойдаланилади. Бунда:

техник кўриқдан ўтказиш хандақларининг сони техник кўриқдан ўтказиш линиялари сонига мувофиқ бўлиши;

техник кўриқдан ўтказиш хандақларининг узунлиги техник кўриқ линиясида текширилиши режалаштирилаётган техниканинг максимал узунлиги ва ундан чиқиб кетиш учун захира йўлнинг мавжудлиги ҳисобга олинган ҳолда бўлиши;

техник кўриқдан ўтказиш хандақлари тутунни тортиб олиш вентилизацияси билан жиҳозланган бўлиши;

техник кўриқдан ўтказиш хандақларининг кенглиги 0,9 метрдан кам бўлмаслиги;

техник кўриқдан ўтказиш хандақларининг максимал кенглиги техник кўриқ линиясида текширилиши режалаштирилаётган минимал колеяли техниканинг хандақдан ўтиш имконияти ҳисобга олинган ҳолда бўлиши керак.

5-боб. Якунловчи қоидалар

35. Техникаларнинг техник ҳолатини баҳолашнинг технологик жараёни техник кўриқ линиясининг режалаштириладиган ечимларини, текшириладиган техникаларнинг тоифасини, бажариладиган ишларнинг мураккаблигини, қўлланадиган жиҳозлар, ўлчов воситалари ва анжомларни ҳисобга олган ҳолда ишлаб чиқилади.

36. Техниканинг техник ҳолатини баҳолаш бўйича ишларни бажаришда техника хавфсизлиги ва меҳнат муҳофазаси соҳасидаги норматив-ҳуқуқий ҳужжатлар талабларига амал қилиш мажбурий ҳисобланади.

37. Технологик постларда диагностика параметрлари, техника хавфсизлиги қоидалари ва ишларнинг хавфсиз усуллари бўйича амалда бўлган тавсиялар кўрсатилган технологик хариталар жойлаштирилади.

38. Ишлаб чиқариш-техника базасида техник ҳолати баҳоланадиган тоифага мансуб техникалардан фойдаланиш бўйича норматив-ҳуқуқий ҳужжатлар, техник тартибга солиш соҳасидаги норматив ҳужжатлар, қўлланмалар (йўриқномалар), техника тўғрисидаги маълумотлар ва бошқа зарур маълумотлар мавжуд бўлиши керак.

39. Ишлаб чиқариш-техника базасида биринчи тиббий ёрдам кўрсатиш учун зарур бўладиган дори воситалари ва анжомлари жамланган тиббиёт кутичаси бўлиши керак.

Қишлоқ хўжалиги, мелиорация ва йўл-қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
5-илова

“Тасдиқлайман”
Инспекциянинг _____ бўлими
_____ бошлиғи

20__ йил “__” _____

_____ вилояти, _____ туманида қишлоқ хўжалиги,
мелиорация ва йўл-қурилиш техникаларини техник кўриқдан ўтказиш режаси

Т/р	Техниканинг номи	Техника русуми	Техник кўриқдан ўтказиш муддати	Техник кўриқдан ўтказиш манзили	Техник кўриқдан ўтказиш санаси
1.	(юридик ёки жисмоний шахс номи)				
1.1					
1.2					
1.3					
...					

Техника ҳолатини назорат қилиш инспектори

(имзо)

(Ф.И.О.)

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
6-илова

Қишлоқ хўжалиги, мелиорация ва йўл-қурилиш техникаларини
техник кўриқдан ўтказиш бўйича хизматлар кўрсатиш
СХЕМАСИ

Босқичлар	Субъектлар	Тадбирлар	Бажариш муддатлари
1-босқич	Техника эгаси ёки унинг вакили (жисмоний ёки юридик шахслар)	1. Техникаларни техник кўриқдан ўтказиш бўйича хизматлар кўрсатиш учун Агросаноат мажмуи устидан назорат қилиш инспекциясига (кейинги ўринларда –Инспекция) ёки юридик шахсларга (кейинги ўринларда – тадбиркорлик субъектлари) келиб мурожаат қилади ва тегишли ҳужжатларни тақдим этади. 2. Инспекция ёки тадбиркорлик субъектлари томонидан кўрсатиладиган хизматлар учун йиғимни амалга оширади.	1. Хоҳишига кўра 2. Мурожаат қилганда
2-босқич	Инспекция ёки тадбиркорлик субъектлари	1. Техника эгаси ёки унинг вакили номидан сўровномани тўлдиради. 2. Техникани техник кўриқдан ўтказиш бўйича техник кўриқдан ўтказишни рад қилади. 3. Техникани техник кўриқдан ўтказиш далолатномасини тузади, техник кўриқ талонини расмийлаштиради ҳамда маълумотларни “Техникалар техник кўриги” автоматлаштирилган ахборот тизимига жойлаштиради. 4. Техникани техник кўриқдан ўтказиш рад этилганда, бу ҳақида техника эгаси ёки унинг вакилини хабардор қилади.	Мурожаат қилинган кунда
3-босқич	Техника эгаси ёки унинг вакили	Носозликлар ва камчиликларни бартараф этади ва техникани техник кўриқдан ўтказиш учун қайта мурожаат қилади.	Техник кўриқдан ўтказилган кундан бошлаб 20 кун ичида
4-босқич	Инспекция ёки тадбиркорлик субъекти	1. Техникани техник кўриқдан ўтказиш бўйича далолатномани тузади, техник кўриқ талонини расмийлаштиради ҳамда маълумотларни “Техникалар техник кўриги” автоматлаштирилган ахборот тизимига жойлаштиради.	Мурожаат қилинган кунда

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўрикдан ўтказиш бўйича
хизматлар кўрсатишнинг маъмурий
регламентига
7-илова

(сана)

(рақам)

**Қишлоқ хўжалиги, мелиорация ва йўл-қурилиш техникаларини
техник кўрикдан ўтказиш бўйича хизматлар кўрсатиш юзасидан
СЎРОВНОМА**

I. Техника эгаси - юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
Юридик шахс вакили:	
1. Ф.И.О.	
2. Жисмоний шахснинг шахсий идентификация рақами	
II. Техника эгаси - жисмоний шахс тўғрисида маълумот:	
1. Ф.И.О.	
2. Жисмоний шахснинг шахсий идентификация рақами	
3. Манзили	
4. Телефон рақами	
III. Техника тўғрисида маълумот:	
1. Номи	
2. Русуми/моделли	
3. Ишлаб чиқарилган йили	
4. Двигатель рақами	
5. Завод рақами	
6. Кузов/шасси рақами	
7. Техник паспорт ёки техник гувоҳнома серияси ва рақами	
8. Давлат рақами белгиси	
Тасдиқлайман:	

Қишлоқ хўжалиги, мелиорация ва йўл-қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
8-илова

_____ вилояти, _____ туманида
қишлоқ хўжалиги, мелиорация ва йўл-қурилиш техникаларини юклашдан
олдин техник кўриқдан ўтказиш бўйича
ДАЛОЛАТНОМА

Т/р	Техниканинг номи	Техника русуми	Юклашдан олдин техник кўриқдан ўтказилган сана	Юклашдан олдин техник кўриқ ўтказилган манзил	Техник регламент талабларига мослиги (мос, мос эмас)
1.					
2.					
3.					
...					

Техник регламент талабларига мос ёки мос эмаслиги тўғрисида маълумотлар: _____

Хулоса: _____

Техника ҳолатини назорат
қилиш инспектори _____
М.Ў _____ (имзо) _____ (Ф.И.О.)

Ишлаб чиқарувчи ёки импорт қилувчи ташкилот манзили: _____

Ишлаб чиқарувчи ёки импорт қилувчи ташкилот раҳбари: _____

Харид қилувчи ташкилот манзили: _____

Харид қилувчи ташкилот раҳбари: _____

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
9-илова

_____ вилояти, _____ туманида қишлоқ хўжалиги, мелиорация ва йўл-қурилиш
техникаларини алоҳида (биттасини) техник кўриқдан ўтказиш бўйича
ДАЛОЛАТНОМА

Тузилган санаси: 20 ____ йил “ ____ ” _____

Техник кўриқ _____ томонидан ўтказилди
(Ф.И.О.)

1. Техниканинг русуми ва модели: _____

6. Шасси (рама) рақами: _____

2. Тури: _____

7. Двигатель рақами: _____

3. Ранги: _____

8. Кузов рақами: _____

4. Ишлаб чиқарилган йили _____

9. Рўйхатдан ўтказиш тўғрисидаги техник
гувоҳнома (техник паспорти) серияси
ва рақами: _____

5. Давлат рақами белгиси: _____

10. Техника

_____ (юридик шахснинг тўлиқ номи)

_____ га қарашли
(якка тартибдаги транспорт воситаси эгасининг Ф.И.О.)

11. Жойлашган жойи (турар жойи): _____

12. Қуйидаги техник носозликлар аниқланди: _____

13. Техниканинг ҳолати _____

14. Мавжуд камчиликлар: _____

15. Мотосоат ҳолати: _____

16. Техник ҳолати тўғрисида хулоса: _____

(техник жиҳатдан соз, носоз)

Техника ҳолатини назорат қилиш инспектори:

М.Ў.

(имзо)

(Ф.И.О.)

Далолатнома нусхасини олдим ва техник кўриқдан ўтмаган техникалардан фойдаланиш тақиқланиши
ҳамда носоз техникадан фойдаланиш, фойдаланишга рухсат бериш МЖТКнинг тегишли моддалари билан
маъмурий жавобгарликни келтириб чиқариши тўғрисида огоҳлантирилдим:

_____ (имзо, Ф.И.О., юридик шахснинг номи, лавозими ёки жисмоний шахснинг Ф.И.О.)

Қишлоқ хўжалиги, мелиорация ва йўл-қурилиш техникаларини мажбурий йиллик техник кўриқдан ўтказиш бўйича хизматлар кўрсатишнинг маъмурий регламентига
9а-илова

_____ вилояти, _____ туманида қишлоқ хўжалиги, мелиорация ва йўл-қурилиш техникаларини техник кўриқдан ўтказиш учун тақдим этилган техникалар тўғрисидаги
ДАЛОЛАТНОМА

Тузилган санаси: 20 ____ йил “ ____ ” 20 ____ йил “ ____ ” _____ дан
20 ____ йил “ ____ ” _____ гача

Техникаларни техник кўриқ учун тақдим этган юридик шахснинг номи ёки жисмоний шахснинг Ф.И.О.: _____

СТИР:

Т/р	Техника номи	Русуми	Техник паспорти ёки техник гувоҳномаси (инвентар) рақами	ДРБ рақами ва серияси	Техника ранги	Ишлаб чиқарилган давлати	Ишлаб чиқарилган йили	Агрегатлар рақами			Ёнилги тури (бензин, дизель ёнилгиси, сиқилган табиий газда ёки суялтирилган газ)
								завод рақами	двигатель	шасси (рама)	
1	2	3	4	5	6	7	8	9	10	11	12
1.											
2.											
3.											
...											

Ташкилот балансида _____ та техника мавжуд.

Ташкилот раҳбари (мулк эгаси):

(имзо, лавозими, ташкилот номи ва раҳбарининг Ф.И.О., жисмоний шахснинг Ф.И.О., паспорт маълумотлари)

Масъул ҳисобчи _____

(имзо, Ф.И.О.)

Рўйхатда кўрсатилган техника воситаларини рўйхатга олиш маълумотлари билан таққослаган Инспекция ходими

(имзо, лавозими, ташкилот номи, Ф.И.О.)

М.Ў.

ТЕХНИК КЎРИҚ НАТИЖАЛАРИ

Ташкилот (мулк эгаси) _____ ҳисобида _____ та қишлоқ хўжалиги, _____ та мелиорация, _____ та йўл-қурилиш, _____ та ўзиюрар машиналар, _____ та тиркама ва ярим тиркамалар, жами _____ та техника техник кўриққа қўйилган. _____ та қишлоқ хўжалиги, _____ та мелиорация, _____ та йўл-қурилиш, _____ та ўзиюрар машиналар, _____ та тиркама ва ярим тиркамалар, жами _____ та техника техник кўриқдан ўтмади. Техникалар текширилганда _____ та қишлоқ хўжалиги, _____ та мелиорация, _____ та йўл-қурилиш, _____ та ўзиюрар машиналар, _____ та тиркама ва ярим тиркамалар, жами _____ та техника техник жиҳатдан носоз деб топилди.

Шу жумладан: _____ та техниканинг техник регламент талабларига мос бўлмаган конструкциясидаги ўзгартириш мавжудлиги; _____ та техниканинг техника ва ёнғин хавфсизлиги талабларига жавоб бермаслиги; _____ та техниканинг двигатель қисмининг носозлиги;

___ та техниканинг тормоз тизимининг носозлиги;
___ та техниканинг руль бошқарувидаги носозликлар;
___ та техниканинг ташқи ёритиш ускуналаридаги носозликлар;
___ та техникада фойдаланиш учун яроқсиз қисмлар мавжудлиги;
___ та техниканинг ишланган газида зарарли моддалар мавжудлиги ва уларнинг тутунлиги белгиланган меъёрдан ортиқчалиги аниқланди.

Ҳисобдаги техникалардан ___ таси дизель ёнилғиси билан ишлайди.

Дизель ёнилғисида ишлайдиган ___ тасидан ___ таси носоз деб топилди.

___ та техник ҳолати носоз техниканинг техник паспорти ёки техник гувоҳномаси олиб қўйилганлиги, ДРБ ечиб олинганлиги тўғрисидаги белги _____

Техник кўриқдан ўтмаган техникалар 20__ йил “__” _____ да қайта техник кўриқдан ўтказилади.

Инспекция

ходими _____

м.ў.

(имзо)

(Ф.И.О.)

Далолатнома нусхасини олдим ва техник кўриқдан ўтмаган техникалардан фойдаланиш тақиқланиши ҳамда носоз техникадан фойдаланиш, фойдаланишга рухсат бериш МЖтКнинг тегишли моддалари билан маъмурий жавобгарликни келтириб чиқариши тўғрисида огоҳлантирилдим: _____

(имзо, Ф.И.О.,
юрдик шахс
номи, лавозими)

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўрикдан ўтказиш бўйича
хизматлар кўрсатишнинг маъмурий
регламентига
10-илова

**Қишлоқ хўжалиги, мелиорация ва йўл-қурилиш техникаларини
техник кўрикдан ўтганлиги тўғрисидаги талон
НАМУНАСИ**

(олд томони)

TRAKTOR, TIRKAMA, O'ZIYURAR QISHLOQ XO'JALIGI, MELIORASIYA VA YO'L-QURILISH TEXNIKALARINI TEXNIK KO'RIKDAN O'TGANLIGI TO'G'RISIDA TALON	
2019	
00 UZ-TR № 000000	
Texnikaning nomi	_____
Texnikaning rusumi	_____
Texnik pasport raqami	_____
Davlat raqam belgisi	_____

(орка томони)

O'tkazilgan texnik ko'rik natijasi _____	
Texnik ko'rik o'tkazilgan sana " ____ " _____	(soz nosoy) 20__ y.
Navbatdagi texnik ko'rik sanasi " ____ " _____	20__ y.
Alohida belgilari _____	
Markazning _____ xodimi	
(T.O.)	(imzo)
_____	_____

**Қишлоқ хўжалиги, мелиорация ва йўл-қурилиш техникаларини техник кўрикдан
ўтганлиги тўғрисидаги талон
ТАВСИФИ**

Техник кўрикдан ўтганлиги тўғрисидаги талон тўртбурчак шаклдаги, ўлчамлари 54 x 86 мм бўлган, зичлиги бир квадрат метрга 140+/-5 грамми 100% пахтадан олинган оч пушти рангли қоғоздан тайёрланади. Қоғоз қатлами орасига жойлашган, ультрабинафша нурда кўринадиган кўк ва оч яшил рангли тола ҳамда нурда яхши ажралиб турадиган “пахта чаноғи” кўринишидаги умумий “сув белги”си мавжуд.

Офсетли ёзув, минтақа коди, серияси – тўрт ҳарфли, номери – олти рақамли.

Бланка қуйидаги махсус ҳимояга эга:

кимёвий таъсирга бардошли бўёқдан фойдаланилади, юза қисмидаги катакларда нусха олишга ва сканер қилишга қарши ингичка чизиклар мавжуд. Бир рангдан бошқа рангга расм чизиклари бузилмасдан оҳиста жилоланиши таъминланган. Жуда катталаштирилганда микроматн кўринади, ультрабинафша нурда кўринмайдиган тасвирлар ва олтита рақамли сон кўринади. Махсус қабарик ва ўйиклар мавжуд.

Лотин алифбосидаги давлат тилидаги матндан фойдаланилган.

Олд томонида техниканинг русуми, давлат рўйхатидан ўтказиш рақами белгиси ҳамда орқа фонида техник кўрик ўтказилган йил яшил рангда (ҳар йили ўзгаради) кўрсатилади.

Талоннинг орқа томонида ўтказилган техник кўрик натижаси, жорий ва навбатдаги техник кўриқдан ўтиш санаси кўрсатилади.

Талондаги ёзувлар техника ҳолатини назорат қилиш инспектори томонидан амалга оширилади ҳамда унинг имзоси ва махсус штамп билан тасдиқланади.

Қишлоқ хўжалиги, мелиорация ва йўл-
қурилиш техникаларини мажбурий
йиллик техник кўриқдан ўтказиш бўйича
хизматлар кўрсатишнинг маъмурий
регламентига
10а-илова

**Қишлоқ хўжалиги, мелиорация ва йўл-қурилиш машиналарининг
агрегатлари ҳамда ускуналарини техник кўриқдан
ўтганлиги тўғрисидаги талон
НАМУНАСИ**

(оқд томони)

QISHLOQ XO'JALIGI, MELIORASIYA VA YO'L- QURILISH MASHINA VA AGREGATLARNI TEXNIK KO'RIKDAN O'TGANLIGI TO'G'RISIDA TALON	
00 UZ-TG № 000000	
Texnikaning nomi	_____
Texnikaning rusumi	_____
Texnik guvohnoma raqami	_____

(орқа томони)

O'tkazilgan texnik ko'rik natijasi	_____
(soz/nosoz)	
Texnik ko'rik o'tkazilgan sana “ ” 20__ y.	_____
Navbatdagi texnik ko'rik sanasi “ ” 20__ y.	_____
Alohida belgilari	_____
Markazning	_____ xodimi
(F.I.Sh.)	(imzo)
	M.O'.

**Қишлоқ хўжалиги, мелиорация ва йўл-қурилиш машиналарининг агрегатлари
ҳамда ускуналарини техник кўриқдан ўтганлиги тўғрисидаги талон
ТАВСИФИ**

Техник кўриқдан ўтганлиги тўғрисидаги талон тўртбурчак шаклдаги, ўлчамлари 54 x 86 мм бўлган, зичлиги бир квадрат метрга 140+/-5 граммли 100% пахтадан олинган оч ҳаво рангли қоғоздан тайёрланади. Қоғоз қатлами орасига жойлашган, ультрабинафша нурда кўринадиган кўк ва оч яшил рангли тола ҳамда нурда яхши ажралиб турадиган “пахта чаноғи” кўринишидаги умумий “сув белги”си мавжуд.

Офсетли ёзув, минтақа коди, серияси – икки ҳарфли, номери – олти рақамли.

Бланка қуйидаги махсус ҳимояга эга:

кимёвий таъсирга бардошли бўёқдан фойдаланилади, юза қисмидаги катакларда нусха олишга ва сканер қилишга қарши ингичка чизиклар мавжуд. Бир рангдан бошқа рангга расм чизиклари бузилмасдан оҳиста жилоланиши таъминланган. Жуда катталаштирилганда микроматн кўринади, ультрабинафша нурда кўринмайдиган тасвирлар ва олтита рақамли сон кўринади. Махсус қабарик ва ўйиклар мавжуд.

Лотин алифбосидаги давлат тилидаги матндан фойдаланилган.

Олд томонида техниканинг русуми, давлат рўйхатидан ўтказиш рақами белгиси ҳамда орқа фонида техник кўрик ўтказилган йил пушти рангда (ҳар йили ўзгаради) кўрсатилади.

Талоннинг орқа томонида ўтказилган техник кўрик натижаси, жорий ва навбатдаги техник кўриқдан ўтиш санаси кўрсатилади.

Талондаги ёзувлар техника ҳолатини назорат қилиш инспектори томонидан амалга оширилади ҳамда унинг имзоси ва махсус штамп билан тасдиқланади.

Вазирлар Маҳкамасининг
2023 йил “29” апрелдаги 170-сон қарорига
6-илова

**Тракторчи-машинистларни тайёрлаш ва қайта тайёрлаш йўналишидаги
таълим ташкилотларини ҳисобга олиш ҳамда тракторчи-машинист
гувоҳномасини бериш бўйича давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қондалар

1. Мазкур Регламент юридик шахсларнинг тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш, шунингдек, жисмоний шахсларга (кейинги ўринларда – талабгор) имтиҳонларга рухсат бериш, имтиҳонлар олиш, қишлоқ хўжалиги, мелиорация ва йўл-қурилиш техникаларини (кейинги ўринларда – техника) бошқариш ҳуқуқини берувчи тракторчи-машинист гувоҳномасини бериш тартибини белгилайди.

Тракторчи-машинистларни тайёрлаш ва қайта тайёрлаш йўналишидаги таълим ташкилотларига олий таълим ва малака ошириш муассасалари, профессионал таълим муассасалари ҳамда таълим бериш лицензиясига эга бўлган бошқа нодавлат ташкилотлари (кейинги ўринларда – таълим ташкилотлари) киради.

2. Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ва ўқув жараёнларини назорат қилиш ҳамда имтиҳонларга рухсат бериш, имтиҳонлар олиш, техникаларни бошқариш ҳуқуқини берувчи тракторчи-машинист гувоҳномасини бериш бўйича давлат хизматлари мазкур Регламентга мувофиқ Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси (кейинги ўринларда – Инспекция) томонидан амалга оширилади.

Тракторчи-машинист гувоҳномаси мазкур Регламентга 1-иловага мувофиқ намунага ва таснифга кўра Инспекция томонидан тайёрланади.

3. Тракторчи-машинист гувоҳномасини бериш бўйича кўрсатиладиган давлат хизматлари “Тракторчи-машинист” автоматлаштирилган ахборот тизими орқали амалга оширилади ва унга маълумотлар тегишлилиги бўйича таълим ташкилотлари ҳамда Инспекция томонидан киритилади.

Инспекция қуйидаги назорат функцияларини амалга оширади:

тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш;

тракторчи-машинистликка талабгорларнинг ўқув гуруҳларидаги дастлабки ва якуний электрон ҳисобини юритиш;

ўқув гуруҳларидаги тракторчи-машинистликка талабгорларнинг таълим жараёнидаги иштирокини ва якуний имтиҳонларни назорат қилиш, таълим сифатини баҳолаб бориш, шу жумладан, тракторчи-машинистликка талабгорларни ўқишга қабул қилиш, гуруҳдан гуруҳга ўтказиш, рўйхатдан чиқариш ва ўқишини тугатганлиги тўғрисидаги маълумотларни (сертификат, гувоҳнома ва бошқалар) электрон тарзда олиш;

техникаларни бошқариш ҳуқуқини бериш учун тракторчи-машинистликка талабгорлардан имтиҳонларни қабул қилишнинг электрон навбат тизимини йўлга қўйиш, имтиҳон топшираётган тракторчи-машинистликка талабгорларнинг шахсини идентификация қилиш ҳамда улар тўғрисидаги электрон маълумотлар базасини шакллантириш;

назарий имтиҳонларни инсон омили аралашувисиз қабул қилиш ҳамда натижаларни автоматик тарзда баҳолаш ва расмийлаштириш;

амалий имтиҳонларни махсус майдончада имтиҳон қайси тоифадаги техникаларни бошқариш ҳуқуқини олиш учун топширилаётган бўлса, ўша тоифага мансуб бўлган техникаларни бошқаришнинг амалий кўникмаларини баҳолаш;

тракторчи-машинист гувоҳномасини бериш ҳамда тракторчи-машинистлар рўйхатини шакллантириш.

4. Барча техникалар тури, вазифаси ва бошқариш хусусиятларига кўра “А”, “В”, “С”, “D”, “Е” ва “F” тоифаларига бўлинади. Уларни бошқариш учун берилган тракторчи-машинист гувоҳномасининг тегишли катагида рухсат берувчи белги қўйилади.

Тракторчи-машинист гувоҳномасининг “А”, “В”, “С”, “D”, “Е” ва “F” катагида рухсат берувчи белгиси бўлган шахслар қуйидаги транспорт воситаларини бошқариш ҳуқуқига эга:

“А” тоифа – 30 от кучигача эга бўлган ғилдиракли тракторлар;

“В” тоифа – 30 от кучи ва ундан юқори от кучига эга бўлган ғилдиракли тракторлар;

“С” тоифа – занжирли тракторлар;

“D” тоифа – механик трансмиссияли қишлоқ хўжалиги техникалари;

“Е” тоифа – гидростатик трансмиссияли қишлоқ хўжалиги техникалари;

“F” тоифа – мелиорация ва йўл-қурилиш техникалари.

Тракторчи-машинист гувоҳномаси уч тоифага бўлинади:

“А”, “В”, “С” ва “D” тоифаси;

“А”, “В”, “С”, “D” ва “Е” тоифаси;

“А”, “В”, “С”, “D”, “Е” ва “F” тоифаси.

Тракторчи-машинистларга тоифасига кўра, класслар қуйидаги тартибда:

III класс – тракторчи-машинист гувоҳномасига эга бўлган фуқароларга;

II класс – III классга ва шу йўналишда уч йиллик меҳнат фаолиятига эга бўлган фуқароларга;

I класс – II классга ва шу йўналишда уч йиллик меҳнат фаолиятига эга бўлган фуқароларга талабгорнинг ёки иш берувчининг сўровномасига асосан Инспекция томонидан берилади.

**2-боб. Тракторчи-машинистларни тайёрлаш ва қайта тайёрлаш
йўналишидаги таълим ташкилотларини ҳисобга олиш ва уни
расмийлаштириш тартиби**

5. Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш бўйича давлат хизматларини кўрсатиш мазкур Регламентга 2-иловага мувофиқ схемага асосан амалга оширилади.

6. Таълим ташкилотлари тракторчи-машинистларни тайёрлаш ва қайта тайёрлаш бўйича ўз фаолиятини бошлашдан олдин Инспекцияга мурожаат этади.

7. Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш учун юридик шахс Инспекцияга қуйидаги ҳужжатларни топширади:

юридик шахснинг аризаси (мазкур Регламентга 3-иловадаги намунага мувофиқ);

юридик шахснинг давлат рўйхатидан ўтказилганлиги тўғрисида гувоҳнома.

8. Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш бўйича ариза 8 иш кунидан кечиктирилмасдан кўриб чиқилади.

9. Ариза келиб тушгандан сўнг, тракторчи-машинистларни тайёрлаш ва қайта тайёрлаш йўналишидаги таълим ташкилотининг моддий-техника ва ўқув-методик базасини кўрикдан ўтказиш учун Инспекциянинг туман (шаҳар) бўлимларининг буйруғига асосан текширув комиссияси тузилади.

Текширув комиссияси Инспекция, давлат ва хўжалик бошқаруви органлари ҳамда нодавлат ташкилотлар вакиллари билан иборат таркибда тузилади. Инспекциянинг ходими комиссия раиси ҳисобланади.

10. Текширув комиссияси тракторчи-машинистларни тайёрлаш ва қайта тайёрлаш йўналишидаги таълим ташкилотининг моддий-техника ва ўқув-методик базасини қуйидаги талабларга жавоб беришини кўриб чиқади:

камида 48 кв.м. майдонга эга бўлган ўқув хоналарининг мавжудлиги, ўқувчилар учун зарур шароитлар яратилганлиги, белгиланган талабларга мувофиқ моддий-техника жиҳозлари билан таъминланганлиги;

таълим ташкилотининг иш режасига киритилган қишлоқ хўжалиги, мелиорация ва йўл-қурилиш техникаларини бошқариш бўйича амалий машғулотларни тўлиқ ўтказиш учун ёнилғи-мойлаш материаллари билан таъминланганлиги;

муҳандис-педагоглар, инструкторлар ҳамда ишлаб чиқариш усталарининг маълумотга эгалиги ва билим даражасининг етарлилиги;

тракторчи-машинистликка талабгорларга техникаларни амалий бошқаришни ўргатиш учун белгиланган талабларга мувофиқ жиҳозланган майдонча, дала майдончаси, техника ёки ундан фойдаланиш тўғрисида шартноманинг мавжудлиги.

Таълим ташкилотига мулк ёки ижара ҳуқуқи асосида тегишли бўлган ўқув хоналаридан, улардаги жиҳоз ва машқ техникаларидан ўқув машғулотлари жараёнида фойдаланилади.

11. Текширув комиссиясининг таълим ташкилотида тракторчи-машинистларни тайёрлаш ва қайта тайёрлаш йўналишидаги таълим ташкилотларини ташкил этиш бўйича талабларнинг бажарилганлигини ўрганиш натижалари юзасидан мазкур Регламентга 4-иловага мувофиқ намунада икки нусхада далолатнома тузилади ва Инспекция томонидан тасдиқланади. Далолатноманинг бир нусхаси Инспекцияда, иккинчи нусхаси таълим ташкилотида сақланади.

12. Далолатномада текширув комиссиясининг таълим ташкилотини тракторчи-машинистларни тайёрлаш ва қайта тайёрлаш бўйича талабларга жавоб бериши ёки жавоб бермаслиги тўғрисидаги хулосаси кўрсатиб ўтилади.

13. Далолатномада “жавоб беради” деб хулоса берилганда, далолатнома тузилган кундан бошлаб 1 иш кунда таълим ташкилоти тўғрисидаги маълумотлар Инспекциянинг “Тракторчи-машинист” автоматлаштирилган ахборот тизимига киритилади ва ушбу таълим ташкилоти тракторчи-машинистларни тайёрлаш ва қайта тайёрлаш йўналишидаги таълим ташкилоти ҳисобига олинади.

Ушбу таълим ташкилотига “Тракторчи-машинист” автоматлаштирилган ахборот тизимига таълим ташкилотининг ўқув гуруҳларига қабул қилинган талабгорлар тўғрисидаги маълумотларни киритиш учун логин ва пароль берилади.

Таълим ташкилоти “Тракторчи-машинист” автоматлаштирилган ахборот тизимига таълим ташкилотининг номи, манзили, банк реквизитлари, уставни тасдиқлаш (рўйхатдан ўтказиш) тўғрисидаги гувоҳнома рақамини ҳамда тайёрланадиган тракторчи-машинистлар тоифаларини киритади.

14. Таълим ташкилоти ўқув гуруҳларидаги ўқувчилар сони, назарий ва амалий машғулотларни бошлаш муддатларини Инспекция билан келишган ҳолда белгилайди.

15. Ўқув гуруҳларидаги ўқувчилар рўйхати ва улар тўғрисидаги маълумотлар машғулотлар бошланишидан олдин таълим ташкилоти томонидан “Тракторчи-машинист” автоматлаштирилган ахборот тизимига киритилади.

Ўқув гуруҳларида ўқиш жараёни бошланганидан бир кун ўтиб тақдим этилган ўқувчилар рўйхати “Тракторчи-машинист” автоматлаштирилган ахборот тизимига киритилмайди.

16. Тракторчи-машинистларни тайёрлаш ва қайта тайёрлаш ўқув гуруҳларида ўқувчилар сони 8 кишидан кам бўлмаслиги ҳамда 25 кишидан ошмаслиги керак.

17. Таълим ташкилотининг ўқув гуруҳларида ўқиш жараёни якунланганидан сўнг, ўқувчиларга тегишли тоифадаги техникани бошқариш бўйича ўқув дастурларини тугатганлиги ҳақидаги гувоҳнома берилган санадан бошлаб 5 иш кuni ичида бу тўғрисидаги маълумотлар “Тракторчи-машинист” автоматлаштирилган ахборот тизимига киритилиши лозим.

18. Инспекцияда белгиланган тартибда ҳисобга олинган таълим ташкилотларининг ўқув моддий-техника базаси ва фаолияти ҳар йили камида бир марта, ўқув гуруҳларининг ўқув жараёни – ҳар ойда камида бир марта текширилади.

Текширув натижалари бўйича далолатнома тузилиб, иш фаолиятида камчиликларга йўл қўйган таълим ташкилотлари юзага келган камчиликларни бартараф этмаса, уларга нисбатан қонунчилик ҳужжатларида белгиланган тартибда таъсир чоралари қўлланилиши тўғрисида огоҳлантирилади.

19. Агар таълим ташкилоти томонидан камчиликлар белгиланган муддатда бартараф этилмаса, Инспекцияда янги ўқув гуруҳларини рўйхатдан ўтказиш тўхтатилади.

Ушбу таълим ташкилотида тракторчи-машинистларни тайёрлаш ва қайта тайёрлаш бўйича ўқув жараёнларини тўхтатиш ёки унинг лицензиясини бекор қилиш бўйича Олий таълим, фан ва инновациялар вазирлигига тақдимнома киритилади. Шунингдек, мазкур таълим ташкилотига “Тракторчи-машинист” автоматлаштирилган ахборот тизимига кириш тўхтатилади.

20. Аниқланган камчиликлар тўлиқ бартараф этилганидан сўнг, таълим ташкилотига ўз фаолиятини қайта йўлга қўйишига ва янги ўқув гуруҳларини рўйхатдан ўтказишига рухсат этилади.

21. Инспекцияда тракторчи-машинистларни тайёрлаш ва қайта тайёрлаш йўналишидаги таълим ташкилотлари бўйича назорат-кузатув йиғма жилди юритилади.

Унда таълим ташкилотининг моддий-техник базаси, ўқув техникалари рўйхати, амалий машғулот ўтказиладиган йўналишли харита нусхаси, ўқув

гуруҳларини текшириш ҳақидаги маълумотлар, текшириш далолатномалари, йил давомида амалга оширилган ишларнинг таҳлили ва бошқа маълумотлар жамланади.

**3-боб. Тракторчи-машинист гувоҳномасини олиш учун
имтиҳон топширишга рухсат бериш бўйича давлат хизматларини
кўрсатишнинг тартиби**

22. Тракторчи-машинист гувоҳномасини олиш учун имтиҳон топширишга рухсат бериш ва имтиҳонни ўтказиш бўйича давлат хизматларини кўрсатиш мазкур Регламентга 5-иловага мувофиқ схемага асосан амалга оширилади.

23. Тракторчи-машинист гувоҳномасини олиш учун имтиҳон топширишга талабгорнинг (кейинги ўринларда – талабгор) мурожаати уни рўйхатдан ўтказилган ҳудудидан қатъи назар исталган ҳудудда кўриб чиқилади.

24. Талабгор тракторчи-машинист гувоҳномасини олиш учун имтиҳон топшириш учун Инспекцияга ёки давлат хизматлари марказига (кейинги ўринларда – Марказ) келиб мурожаат этганда, Инспекция ёки Марказ ходими талабгор номидан ушбу Регламентга 6-иловага мувофиқ шаклдаги сўровномани электрон шаклда тўлдиради.

Талабгор Ягона интерактив давлат хизматлари портали (кейинги ўринларда – ЯИДХП) орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирилганда фойдаланувчининг телефон рақамига юборилган хабарни тасдиқлаш орқали идентификацияланади.

25. Талабгор тракторчи-машинист гувоҳномасини олиш учун имтиҳон топшириш учун Марказга келиб мурожаат этганда, унинг сўровномаси Марказ ходими томонидан тўлдирилиб, талабгор томонидан тасдиқланганидан сўнг, реал вақт режимида Инспекцияга электрон шаклда юборилади.

Талабгор ЯИДХП орқали мурожаат қилганда, сўровнома автоматик тарзда Инспекцияга электрон шаклда юборилади.

26. Талабгор тракторчи-машинист гувоҳномасини олиш учун имтиҳон топширишга рухсат бериш учун Инспекцияга қуйидаги ҳужжатларни тақдим этади:

сўровнома;

шахсни тасдиқловчи ҳужжат:

тиббий маълумотнома (083-шакл).

Инспекция ходими “Тракторчи-машинист” автоматлаштирилган ахборот тизими орқали талабгорнинг қуйидаги ҳужжатларини электрон шаклда олади:

тегишли тоифадаги техникани бошқариш учун дастурлар бўйича ўқишни тугатганлиги ҳақидаги гувоҳнома;

диплом ва ўқув дастуридаги фанларни ўқиганлиги тўғрисидаги диплом варақасидан кўчирма нусха.

27. Талабгорнинг шахсини тасдиқловчи ҳужжатларга қуйидагилар киради:

Ўзбекистон Республикаси фуқаролари учун – идентификацияловчи ID-картаси (паспорт);

Ўзбекистон Республикаси ҳарбий хизматчилари учун – ички ишлар органларида рўйхатдан ўтказилганлик тўғрисидаги ёки ҳарбий қисмларнинг уй ажратиш тўғрисидаги маълумотномасини илова қилган ҳолда ҳарбий қисм ёки ҳарбий муассасалар қўмондонлиги томонидан бериладиган шахсни тасдиқловчи ҳужжат ёки ҳарбий билет (ҳарбий хизматга мажбур бўлган фуқароларнинг ҳарбий билетлари бундан мустасно);

чет эл фуқаролари учун – Ўзбекистон Республикасида яшаш гувоҳномаси ёки чет эл фуқаросининг идентификацияловчи ID-картаси ёки дипломатик паспорти ёхуд Ўзбекистон Республикасида аккредитациядан ўтганлигини тасдиқловчи тегишли ҳужжат;

фуқаролиги бўлмаган шахслар учун – чет эл фуқароси ва фуқаролиги бўлмаган шахснинг идентификацияловчи ID-картаси, фуқаролиги бўлмаган шахсларнинг ички ишлар органларининг доимий ёки вақтинчалик рўйхатдан ўтказилган жойи ҳақидаги белгиси қўйилган Ўзбекистон Республикасида яшаш гувоҳномаси.

28. Тракторчи-машинист гувоҳномасини олиш учун имтиҳон топширишга рухсат бериш бўйича давлат хизматлари кўрсатганлик учун йиғимлар ушбу Регламентга 7-иловадаги тўлов ставкаларига мувофиқ ундирилади.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга ушбу Регламентга 6-иловадаги тўлов ставкаларининг 50 фоизи миқдорида чегирма қўлланилади, бунда юридик шахсларнинг вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

29. Тракторчи-машинист гувоҳномасини олиш учун имтиҳон топширишга рухсат бериш ва имтиҳонни ўтказиш бўйича давлат хизматлари кўрсатганлик учун ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи - ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

30. Қуйидаги ҳолларда Инспекция томонидан тракторчи-машинист гувоҳномасини олиш учун имтиҳон топширишга рухсат бериш рад этилади:

давлат хизматлари кўрсатганлик учун йиғимга тўловлар амалга оширилмаганда;

сўровномада нотўғри маълумотлар кўрсатилганда;

мазкур Регламентнинг 26-бандида кўрсатиб ўтилган ҳужжатлар сўровнома топширилганидан сўнг 3 иш куни ичида тўлиқ тақдим этилмаганда.

31. Давлат хизматлари кўрсатишни бошқа асослар бўйича рад этиш тақиқланади.

32. Талабгорга тракторчи-машинист гувоҳномасини олиш учун имтиҳон топширишга рухсат бериш ради этилишига сабаб бўлган ҳолатлар бартараф этилганда, талабгор тракторчи-машинист гувоҳномасини олиш учун имтиҳон топширишга рухсат бериш тўғрисида қайта мурожаат қилиш ҳуқуқига эга, бунда йиғимлар ундирилмайди.

33. Талабгор тракторчи-машинист гувоҳномасини олиш учун имтиҳон топширишга рухсат бериш бўйича Марказга келиб мурожаат этганда, унинг сўровномаси Марказ ходими томонидан тўлдирилиб, талабгор томонидан тасдиқланганидан сўнг реал вақт режимида Инспекцияга электрон шаклда юборилади.

ЯИДХП орқали мурожаат қилинганда эса, сўровнома автоматик тарзда Инспекцияга электрон шаклда юборилади.

34. Инспекция тақдим этилган ҳужжатларни кўриб чиқиб, тегишли маълумотлар тўғрилигини текшириб, талабгорга тракторчи-машинист гувоҳномасини олиш учун имтиҳон топширишга рухсат беради ёки рад этади.

35. Талабгорга тракторчи-машинист гувоҳномасини олиш учун имтиҳон топширишга рухсат бериш 1 иш кунидан кечиктирилмасдан кўриб чиқилади.

36. Тақдим этилган ҳужжатлар кўриб чиқилганидан сўнг талабгор Инспекция ходими томонидан имтиҳон топширувчилар рўйхатига киритилади ҳамда назарий имтиҳонни ўтказиш санаси ва вақти ҳақида талабгорнинг электрон почта манзилига ёки унинг телефон рақамига хабарнома юборилади.

37. Талабгор узрли сабаб билан (бетоблиги туфайли ёки яқин қариндоши вафот этганда) белгиланган вақтда имтиҳонга келмай қолган ҳолларда, унинг яна бир бор имтиҳон топшириш имконияти сақланиб қолади.

38. “А”, “В”, “С”, “D”, “Е” ва “F” тоифаларидаги техникаларни бошқариш бўйича ўқув жараёни муддати якунида 18 ёшга тўлган шахсларга имтиҳон топширишга рухсат этилади.

39. “А”, “В”, “С” ва “D” тоифаларидаги техникаларни бошқариш ҳуқуқини берувчи тракторчи-машинист гувоҳномасини олиш учун 280 соатдан кам бўлмаган назарий ва амалий ўқув дастури асосида таълим ташкилотини битирган ва таълим ташкилоти томонидан бериладиган (сертификат, гувоҳнома ва бошқалар) ҳужжатга эга бўлган фуқароларга имтиҳон топширишга рухсат этилади.

“А”, “В”, “С” ва “D” тоифаларидаги техникаларни бошқариш ҳуқуқига эга бўлган фуқароларга:

“Е” тоифаси учун – 86 соат;

“Е ва “F” тоифалари учун – 152 соатли ўқув дастури асосида таълим олганидан сўнг имтиҳон топширишига рухсат этилади.

Шунингдек:

“А”, “В”, “С”, “D” ва “Е” тоифалари учун – 360 соат;

“А”, “В”, “С”, “D”, “Е” ва “F” тоифалари учун – 440 соатдан кам бўлмаган назарий ва амалий ўқув дастури асосида таълим ташкилоти томонидан бериладиган (сертификат, гувоҳнома ва бошқалар) ҳужжатга эга бўлган фуқароларга имтиҳон топширишига рухсат этилади.

Машғулотларни ташкил этиш шаклидан қатъи назар, тракторчи-машинистларни тайёрлаш ва қайта тайёрлаш курсларида умумий ўқув юкламасининг ҳажми ҳафтасига 20 соатгача, ўқув юкламасининг бажарилишидан келиб чиққан ҳолда аудиторияда ўтказиладиган назарий ва амалий машғулотларнинг кундалик ҳажми 4 соатгача режалаштирилади.

Аудитория машғулотларининг барча турлари учун 80 дақиқа давом этадиган дарс жуфтлиги белгиланади.

Техникаларни бошқаришни ўргатиш учун ажратилган амалий машғулотларнинг кундалик ҳажми ҳар бир инструктор учун 8 соатдан ортиқ бўлмаган ҳолда белгиланади.

40. Тракторчи-машинист гувоҳномасини олиш учун имтиҳонлар “Тракторчи-машинист” автоматлаштирилган ахборот тизимида аввал назарий, ундан сўнг амалий кетма-кетликда ўтказилади.

Назарий имтиҳонда тракторчи-машинистликка талабгорнинг йўл ҳаракати қоидалари, техникалар хавфсизлиги қоидалари ва ўқув дастурида назарда тутилган бошқа фанлар бўйича билимлари, амалий имтиҳонда эса техникани бошқариш кўникмалари синовдан ўтказилади ва баҳоланади.

Имтиҳонлар жараёнида талабгорларнинг аввал назарий билимлари, кейин амалий билимлари текширилади.

Назарий имтиҳондан ўтмаган шахслар амалий имтиҳонларга қўйилмайди.

41. Назарий имтиҳон “Тракторчи-машинист” автоматлаштирилган ахборот тизимида тест шаклида ўтказилади.

Назарий имтиҳон 15 та электрон тест саволларидан тузилган, ҳар бир саволга 3-5 та жавоб вариантлари келтирилган ва жавоблардан 1 таси тўғри бўлиши керак.

Имтиҳон саволларига жавоб бериш (тўғри жавоб вариантыни танлаш) учун тракторчи-машинистликка талабгорга 15 дақиқа вақт берилади. Имтиҳон хронометражи “Тракторчи-машинист” автоматлаштирилган ахборот тизими орқали юритилади, ушбу вақт тугагач имтиҳон автоматик тарзда тўхтатилади.

Назарий имтиҳон натижалари “Тракторчи-машинист” автоматлаштирилган ахборот тизими томонидан автоматик тарзда баҳоланади. Бунда тракторчи-машинистликка талабгор имтиҳон учун ажратилган вақтда имтиҳон саволларининг:

12 та ва ундан кўпига тўғри жавоб берса – “топширди”;

12 тадан камига тўғри жавоб берса – “топширмади” якуний баҳоси қўйилади.

Имтиҳонни топшириш жараёнида тракторчи-машинистликка талабгорга адабиётлар, мобил алоқа, техник ёки бошқа ахборот воситаларидан фойдаланишга, имтиҳон ўтказиш жараёнига дахлдор бўлмаган шахсларнинг тракторчи-машинистликка талабгор билан мулоқотга киришишга рухсат этилмайди.

42. Назарий имтиҳондан ўтган талабгорга амалий имтиҳонни топширишга рухсат этилади.

43. Назарий имтиҳонларда олинган ижобий баҳо икки ой давомида ҳақиқий ҳисобланади.

Агар талабгор ушбу муддат ичида амалий имтиҳонни топширамаса (топшира олмаса), у назарий имтиҳонни қайта топширишга юборилади.

44. Барча тоифадаги техникаларни бошқариш ҳуқуқини бериш учун амалий имтиҳонлар Инспекциянинг марказий аппарати, ҳудудий бошқармалари ва туман (Қувасой шаҳар) бўлимлари бошлиғининг буйруғига асосан тузиладиган имтиҳон комиссияси томонидан қабул қилинади.

Имтиҳон комиссияси таркиби камида уч кишидан иборат бўлади, комиссия таркибига Инспекция, давлат ва хўжалик бошқаруви органлари ҳамда бошқа нодавлат ташкилотларнинг вакиллари киритилиши мумкин. Инспекция ходими комиссия раиси ҳисобланади.

Имтиҳон комиссияси аъзолари йўл ҳаракати, техника хавфсизлиги қоидалари ва имтиҳон олиш усулини билиши, бошқарилиши текшириладиган тоифадаги техникага оид билимларга эга бўлиши шарт.

45. Амалий имтиҳонда талабгор қайси тоифадаги техникани бошқариш ҳуқуқини берувчи гувоҳномани олиш хоҳишини билдирган бўлса, унинг фақат шу тоифадаги техникани бошқариши бўйича малакаси текширилади.

46. Йўл ҳаракати, техника хавфсизлиги қоидалари ва амалий бошқариш бўйича талабгорнинг натижалари мазкур Регламентга 8-иловага мувофиқ тўлдириладиган тракторчи-машинистларга гувоҳномаларни бериш бўйича имтиҳон натижалари тўғрисидаги имтиҳон варақасига ёзилади ҳамда имтиҳон комиссиясининг баённомаси билан расмийлаштирилади. Баённома имтиҳонда иштирок этган комиссия аъзолари томонидан имзоланади.

47. Тракторчи-машинистларни техникани бошқариш ҳуқуқидан маҳрум қилиш тўғрисидаги қарор қонунчиликда белгиланган тартибда қабул

қилинади. Техникани бошқариш ҳуқуқидан маҳрум қилинган фуқаролар, тракторчи-машинист гувоҳномасини олиш учун, маҳрум қилиш муддатидан қатъи назар, мажбурий тиббий кўрикдан ўтишлари ҳамда назарий ва амалий имтиҳон топширишлари лозим.

48. Чет эл фуқароларига тракторчи-машинист гувоҳномасини бериш тартиби ушбу Регламентда назарда тутилган умумий қоидалар асосида амалга оширилади.

Ўзбекистон Республикаси фуқароларига республика ҳудудида техникаларни бошқариш учун фақат Ўзбекистон Республикасининг тракторчи-машинист гувоҳномаси ҳақиқий ҳисобланади.

Чет элнинг тракторчи-машинист гувоҳномасига эга бўлган Ўзбекистон Республикаси фуқаролари кўрсатилган тўлов ставкаларида йиғимларни тўлагандан кейин уларга белгиланган тартибда Ўзбекистон Республикасининг тракторчи-машинист гувоҳномаси берилади.

49. Имтиҳонларни қабул қилиш ва “А”, “В”, “С”, “D”, “Е” ва “F” тоифаларидаги техникаларни бошқариш ҳуқуқини берувчи тракторчи-машинист гувоҳномасини бериш Инспекция томонидан амалга оширилади.

50. Техникани бошқариш ҳуқуқидан маҳрум қилиш муддати тугагандан кейин тракторчи-машинист гувоҳномаси назарий ва амалий имтиҳон топшириш орқали қайта берилади.

4-боб. Тракторчи-машинист гувоҳномасини расмийлаштириш

51. Тракторчи-машинист гувоҳномасини бериш бўйича назарий ва амалий имтиҳонлардан ўтган талабгорларга тракторчи-машинист гувоҳномаси берилади.

“Тракторчи-машинист” автоматлаштирилган ахборот тизими орқали тракторчи-машинист гувоҳномасининг серияси ва тартиб рақами электрон ҳолда шакллантирилади ва имтиҳон варақасида қайд этилади.

Тракторчи-машинист гувоҳномасидаги маълумотлар “Тракторчи-машинист” автоматлаштирилган ахборот тизими ёрдамида тайёрланади.

Тракторчи-машинист гувоҳномасини бериш бўйича давлат хизматлари кўрсатганлик учун йиғимлар ушбу Регламентга 7-иловадаги тўлов ставкаларига мувофиқ амалга оширилади.

52. Талабгорга тракторчи-машинист гувоҳномасини беришнинг асослилиги ва ҳужжатларнинг тўғри тўлдирилганлиги Инспекция ходими томонидан текширилади.

“Тракторчи-машинист” автоматлаштирилган ахборот тизимида тракторчи-машинистлар тўғрисидаги маълумотлар электрон шаклда юритилади.

53. Тракторчи-машинист гувоҳномасида бошқаришга рухсат этилган техникалар тоифаси қайд қилинади.

54. Тракторчи-машинист гувоҳномаси фуқаро шахсини тасдиқловчи ҳужжатни кўрсатган ҳолда тракторчи-машинист гувоҳномасини олганидан ва қайд этиш китобига шахсан имзо қўйганидан сўнг берилади.

Тракторчи-машинист гувоҳномаси ишончнома бўйича берилмайди.

Таълим ташкилотларини тугатган фуқароларга тракторчи-машинист гувоҳномаси Инспекция томонидан имтиҳон ўтказиш якунлари бўйича берилиши мумкин.

5-боб. Тракторчи-машинист гувоҳномасини алмаштириш ва йўқолгани ўрнига янгисини бериш тартиби

55. Жисмоний шахсларга тракторчи-машинист гувоҳномасини алмаштириш ва йўқолгани ўрнига янгисини бериш бўйича давлат хизматларини кўрсатиш мазкур Регламентга 5-иловага мувофиқ схемага асосан амалга оширилади.

56. Жисмоний шахс тракторчи-машинист гувоҳномасини алмаштириш ёки йўқолгани ўрнига янгисини бериш бўйича Инспекцияга ёки Марказга келиб мурожаат этганда, Инспекция ёки Марказ ходими жисмоний шахс номидан ушбу Регламентга 6-иловага мувофиқ шаклдаги сўровномани электрон шаклда тўлдиради.

Жисмоний шахс ЯИДХП орқали мурожаат қилганда, сўровнома автоматик тарзда Инспекцияга электрон шаклда юборилади.

Жисмоний шахс ЯИДХП орқали давлат хизматларидан фойдаланганда, сўровномани электрон рақамли имзо билан тасдиқлаш талаб этилмайди.

Мобил-ID тизими орқали сўровнома тўлдирганда фойдаланувчининг телефон рақамига юборилган хабарни тасдиқлаш орқали идентификацияланади.

57. Жисмоний шахс тракторчи-машинист гувоҳномасини алмаштириш ёки йўқолгани ўрнига янгисини бериш бўйича Марказга келиб мурожаат этганда, унинг сўровномаси Марказ ходими томонидан тўлдирилиб, жисмоний шахс томонидан тасдиқланганидан сўнг реал вақт режимида Инспекцияга электрон шаклда юборилади.

58. Жисмоний шахс тракторчи-машинист гувоҳномасини алмаштириш ёки йўқолгани ўрнига янгисини олиш учун Инспекцияга қуйидаги ҳужжатларни тақдим этади:

а) тракторчи-машинист гувоҳномасини алмаштириш учун:

сўровнома;

эски намунадаги ёки шикастланган ёхуд яроқсиз ҳолга келган тракторчи-машинист гувоҳномаси;

б) тракторчи-машинист гувоҳномаси йўқолганда янгисини бериш учун:

сўровнома;

шахсни тасдиқловчи ҳужжат.

59. Жисмоний шахснинг шахсини тасдиқловчи ҳужжатларга 36-бандда назарда тутилган ҳужжатлар киради.

60. Тракторчи-машинист гувоҳномаси йўқолганда янгисини олиш учун мурожаат этилганда Инспекция ходими “Тракторчи-машинист” автоматлаштирилган ахборот тизими орқали жисмоний шахс тўғрисидаги маълумотларни электрон шаклда олади.

61. Тракторчи-машинист гувоҳномасини алмаштириш ва йўқолгани ўрнига янгисини бериш бўйича давлат хизматлари кўрсатганлик учун йиғимлар ушбу Регламентга 7-иловадаги тўлов ставкаларига мувофиқ амалга оширилади.

Давлат хизматларини кўрсатиш учун ЯИДХП орқали мурожаат этилганда, йиғим суммасининг 90 фоизи ундирилади.

“Ижтимоий ҳимоя ягона реестри” ахборот тизимида рўйхатга олинган шахсларга, шунингдек, I ва II гуруҳ ногиронлиги бўлган шахсларга ушбу Регламентга 6-иловадаги тўлов ставкаларининг 50 фоизи миқдорида чегирма қўлланилади, бунда юридик шахсларнинг вакили сифатида мурожаат қилинган ҳолатлар мустасно.

Давлат хизматлари кўрсатганлик учун йиғим тўланганлигини тасдиқлаш ахборот-коммуникация тизимлари орқали амалга оширилади.

62. Тракторчи-машинист гувоҳномасини алмаштириш ва йўқолгани ўрнига янгисини бериш бўйича давлат хизматлари кўрсатганлик учун ундириладиган йиғимлар қуйидаги тартибда тақсимланади:

а) Марказга ўзи келиб мурожаат этганда:

20 фоизи – Адлия вазирлигининг Давлат хизматларини ривожлантириш жамғармасига;

0,5 фоизи – Ягона биллинг тизими орқали давлат хизматларини кўрсатганлик учун Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати кўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

б) ЯИДХП орқали мурожаат этилганда:

10 фоизи – Адлия вазирлигининг Давлат хизматларини ривожлантириш жамғармасига;

11,75 фоизи (шундан 0,5 фоизи - ягона биллинг тизими орқали давлат хизматлари кўрсатилганда) – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ғазначилик хизмати кўмитасидаги махсус ҳисобварағига;

20 фоизи – Республика бюджетига;

қолган маблағлар – Инспекциянинг ривожлантириш жамғармасига ўтказилади;

в) Инспекцияга ўзи келиб мурожаат этганда:

20 фоизи – Республика бюджетига;

80 фоизи – Инспекциянинг ривожлантириш жамғармасига ўтказилади.

63. Тракторчи-машинист гувоҳномасини алмаштириш ва йўқолгани ўрнига янгисини бериш бўйича давлат хизматлари кўрсатиш учун йиғимнинг амалга оширилмаганлиги хизматлар кўрсатишни рад этишга асос ҳисобланади.

Шунингдек, Инспекция томонидан қуйидаги ҳолларда тракторчи-машинист гувоҳномасини алмаштириш ва йўқолгани ўрнига янгисини бериш бўйича сўровнома рад этилади:

сўровномада нотўғри маълумотлар кўрсатилганда;

жисмоний шахс томонидан тракторчи-машинист гувоҳномасини алмаштириш ва йўқолгани ўрнига янгисини бериш бўйича ҳужжатлар 3 иш куни ичида тўлиқ тақдим этилмаганда.

Давлат хизматларини кўрсатишни бошқа асослар бўйича рад этиш тақиқланади.

64. Жисмоний шахс тракторчи-машинист гувоҳномасини алмаштириш ёки йўқолгани ўрнига янгисини беришга рад этиш асосларини бартараф этиб, қайта мурожаат қилишга ҳақли. Бундай ҳолда йиғимлар ундирилмайди.

65. Тракторчи-машинист гувоҳномасини алмаштириш ёки йўқолгани ўрнига янгисини бериш тўғрисидаги мурожаат техниканинг рўйхатдан ўтказилган ҳудудидан қатъи назар, исталган ҳудудда кўриб чиқиши мумкин.

66. Инспекция тақдим этилган ҳужжатларни кўриб чиқиб, тракторчи-машинист гувоҳномасини алмаштириш ёки йўқолгани ўрнига янгисини беришга рухсат беради ёки рад этади.

67. Тракторчи-машинист гувоҳномасини алмаштириш ёки йўқолгани ўрнига янгисини бериш 1 иш кунидан кечиктирилмасдан кўриб чиқилади.

68. Тақдим этилган ҳужжатлар кўриб чиқилгандан сўнг, тракторчи-машинист гувоҳномасини алмаштириш ёки йўқолгани ўрнига янгисини бериш бўйича жисмоний шахснинг маълумотлари “Тракторчи-машинист”

автоматлаштирилган ахборот тизимига жойлаштирилади, жисмоний шахснинг телефон рақамига, шунингдек, Давлат хизматлари марказига ёки ЯИДХП орқали тракторчи-машинист гувоҳномасини алмаштирилиши ёки йўқолгани ўрнига янгисини берилиши ҳақидаги хабарнома юборилади.

Жисмоний шахс Инспекцияга келиб “Тракторчи-машинист” автоматлаштирилган ахборот тизимида суратга тушади ва электрон имзо қўйгандан сўнг унга “Тракторчи-машинист” автоматлаштирилган ахборот тизими орқали тайёрланган тракторчи-машинист гувоҳномасини қайд этиш китобига имзо қўйган ҳолда олади.

69. Бир неча тоифадаги техникаларни бошқариш ҳуқуқига эга бўлган жисмоний шахс тракторчи-машинист гувоҳномасини алмаштиришда ўз хоҳишига кўра мавжуд тоифадан бирортасини ҳам олиши мумкин.

70. Тракторчи-машинист гувоҳномаси алмаштирилганда, янги берилаётган гувоҳноманинг “Алоҳида белгилар учун” номли катагига эски гувоҳноманинг серияси ва рақами ҳамда берилган куни ёзиб қўйилади.

71. Йўқолган (ўғирланган, ёнғин, табиий офат оқибатида ва бошқа ҳолатларда) тракторчи-машинист гувоҳномасининг янгиси 58-банднинг “б” кичик бандига асосан берилади.

72. Йўқолган тракторчи-машинист гувоҳномаси топилган тақдирда, у ҳақиқий эмас деб ҳисобланади ва Инспекцияга топширилади ҳамда белгиланган тартибда йўқ қилинади.

73. Янги намунадаги тракторчи-машинист гувоҳномасини олиш учун эски намунадаги тракторчи-машинист гувоҳномаси қайтариб олинади ва белгиланган тўлов ставкасида йиғимлар тўлангандан кейин янги намунадаги тракторчи-машинист гувоҳномаси берилади.

74. Тракторчи-машинистларга юқори класс бериш бўйича имтиҳон топширишга рухсат бериш ва тракторчи-машинист гувоҳномасини алмаштириш бўйича йиғимлар ушбу Регламентга 7-иловадаги тўлов ставкаларига мувофиқ амалга оширилади.

Юқори класс берилаётган тракторчи-машинистларнинг тракторчи-машинист гувоҳномаси янгисига алмаштирилиб, унинг алоҳида белгилар жойига класс қайд этилади.

6-боб. Яқунловчи қоидалар

75. Тракторчи-машинист гувоҳномасини бериш учун асос бўладиган ҳужжатлар (сўровнома, имтиҳон варақаси, эски тракторчи-машинист гувоҳномаси ва бошқалар) ҳамда ўқув гуруҳларидаги ўқувчиларнинг рўйхати алоҳида иш ҳужжатлари сифатида йиғма жилдга тикилади ва белгиланган тартибда икки йил мобайнида сақланади.

76. Инспекцияда имтиҳон комиссиясининг баённомалари – 3 йил, тракторчи-машинист гувоҳномасини бериш китоби – 25 йил сақланади,

белгиланган муддат ўтгандан кейин ҳужжатлар давлат архивига топширилади.

77. Тракторчи-машинистларни тайёрлаш ва қайта тайёрлаш, улардан имтиҳон олиш, тракторчи-машинист гувоҳномаларини бериш билан боғлиқ бўлган барча иш юритиш ҳужжатлари белгиланган тартибда Инспекция томонидан олиб борилади.

78. Намунавий ўқув дастурлари Инспекция ҳамда Олий таълим, фан ва инновациялар вазирлиги томонидан ишлаб чиқилади ва тасдиқланади.

79. Янги намунадаги тракторчи-машинист гувоҳномаси 10 йил муддатга берилади.

80. Талабгор томонидан тақдим қилинган ҳужжатлар уларни ўрганишдан ёки имтиҳонга киришдан, шунингдек, тракторчи-машинист гувоҳномасини алмаштириш ёхуд йўқолгани ўрнига янгисини беришдан аввал уларнинг асли билан таққосланиши шарт.

81. Тракторчи-машинист гувоҳномасини бериш бўйича аризалар 1 иш кунида кўриб чиқилади. Алоҳида қўшимча маълумот ёки маълумотларни аниқлаштирилиши лозим бўлган ҳолатларда – аризалар 10 иш кунида кўриб чиқилади.

82. Ушбу Регламент талабларининг бузилиши, тракторчи-машинист гувоҳномасининг қалбакилаштирилиши, тракторчи-машинист гувоҳномасига эга бўлмаган шахслар томонидан техникаларнинг бошқарилиши ҳамда бошқаришга рухсат этилиши белгиланган тартибда жавобгарликка тортишга сабаб бўлади.

83. Инспекция, Марказ ва давлат хизматларини кўрсатишда иштирок этувчи бошқа ташкилотлар манфаатдор шахсга маъмурий ҳужжатни қабул қилиш учун аҳамиятга эга бўлган барча ҳолатлар юзасидан ўз фикрини билдириш имкониятини беради.

84. Талабгорлар давлат хизматларини кўрсатувчи ва бошқа ташкилотлар ходимларининг хатти-ҳаракатлари юзасидан қонунчилик ҳужжатларида белгиланган тартибда шикоят қилиши мумкин.

85. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
1-илова

Тракторчи-машинист гувоҳномасининг
НАМУНАСИ

Олд томони



ЎЗБЕКИСТОН
ЎЗБЕКИСТАН

ТРАКТОРЧИ-МАШИНИСТ ГУВОҲНОМАСИ

ЎЗБЕКИСТОНДАГИ ТРАКТОРЧИЛАРНИ ТАЙЁРЛАШ

UZ



HAYDOVCHINING
RASMI

1. FAMILIYASI
2. ISMI
QTASINING ISMI
3. TUG'ILGAN JOYI VA SANASI
4a. BERILGAN SANASI 4b. AMAL QILISH MUDDATI
4c. BERILGAN JOYI
4d. USH SHIR
5. GUVOXNOMA RAQAMI
6. YASHASH JOYI





7. SHAXSIY IMZO

8. TOIFALAR

SERIYA RAQAMI

Орқа томони

1. Familiyasi / Фамилия / Family Name
2. Ismi, Qisqartirgan ismi / Имя, Сокращенно / Given Names
3. Tug'ilgan joyi va sanasi / Место и дата рождения
/ Place & Date of Birth
4a. Berilgan sana / Дата выдачи / Date of Issue
4b. Amal qilish muddati / Действительность до / Date of Expiry
4c. Berilgan joy / Выдана кем / Issuing Authority
4d. Ush shir / ТИП ШИР / Permit ID Number
5. Guvohnoma raqami / Номер удостоверения
/ License Number
6. Haydovchining ismi / Фамилия водителя
/ Owner's Name
7. Shaxsiy imzo / Подпись / Signature
8. Yashash joyi / Место проживания / Place of Residence
9. Toifa / Категория / Category
10. Har bir toifani boshqarish uchun zarur berilgan sana / Дата выдачи разрешения для каждой категории
/ Date of Issue per Category
11. Har bir toifani boshqarish uchun zarur berilgan muddat / Срок действия разрешения для каждой категории
/ Date of Expiry per Category
12. Har bir toifaga tegishli qo'shimcha ma'lumotlar / Дополнительная информация по каждой категории
/ Additional information for each Category

	9.	10.	11.	12.
A 				
B 		SANA	MUDDAT	
C 				
D 				
E 				
F 				

Alfvida birligini uchun
Для особых отметок
For special marks

Тракторчи-машинист гувоҳномасининг
ТАСНИФИ

Тракторчи-машинист гувоҳномаси халқаро стандартлар асосида 54 x 86 мм ўлчамдаги пластикдан тайёрланади. Гувоҳноманинг ранги – очик кулранг яшил. Лотин ёзувидаги давлат тилидан фойдаланилади. Серияли рақами – тўрт ҳарфли (UZ-TM), номери – олти рақамли.

Тракторчи-машинист гувоҳномасида жисмоний шахснинг шахсий идентификация рақами (ЖШШИР) ва қурилмалар ўртасида маълумотларни бевосита алоқасиз амалга ошириш имконини берувчи махсус электрон белги (NFC смарт-карта) бўлади.

Тракторчи-машинист гувоҳномасининг пластик шакли қуйидаги ҳимоя воситаларига эга:

Ўзбекистон Республикаси Давлат герби тасвири шаклидаги голограмма, у нишабликнинг турлича бурчагида ўз шаклини ўзгартиради;

микроматн – “TRAKTORCHI-MASHINIST GUVOHNOMASI”, “Удостоверение тракториста-машиниста”, “Driving licence”, ўлчами – максимум 30 микрон;

ультрабинафша қоплама;

“UZ” ёзуви, эгилганда бир рангдан бошқа рангга товланадиган оптик турланадиган бўёқ;

гильош, доимий равишда қийшайиб турадиган 40-70 мкм қалинликдаги тўлқинли чизиқларнинг қалин тармоғи шаклидаги нақш;

тракторчи-машинист гувоҳномаси пластик шаклининг серияли рақамининг лазер ўйма нақши.

Тракторчи-машинист гувоҳномасининг олд томонида “TRAKTORCHI-MASHINIST GUVOHNOMASI”, “Удостоверение тракториста-машиниста”, “Driving licence” сўзлари ёзилади, шунингдек, Ўзбекистон Республикаси Давлат байроғининг тасвири туширилган, “Ўзбекистон” номи давлат тилида, рус ва инглиз тилларида ёзилган, фамилияси, исми, отасининг исми, туғилган жойи ва санаси, берилган санаси, амал қилиш муддати, берилган жойи, жисмоний шахснинг идентификация рақами, гувоҳнома рақами, яшаш жойи, тоифалари тўғрисидаги маълумотлар мажбурий тартибда кўрсатилади, фотосурат учун жой назарда тутилган.

Орқа томонида берилган санаси ва муддати мажбурий тартибда кўрсатилади.

1 - 12-бандлардаги маълумотлар қайд этилади.

Алоҳида белгилар учун жой назарда тутилган.

А, В, С, D, Е, ва F тоифаларини бошқариш учун тракторчи-машинист гувоҳномасининг ҳақиқийлиги тегишли пиктограммалар билан ифодаланган.

Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламенти
2-илова

**Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш
СХЕМАСИ**

Босқичлар	Субъектлар	Тадбирлар	Бажариш мuddатлари
1-босқич	Таълим ташкилотлари (олий таълим ва малака ошириш муассасалари, профессионал таълим муассасалари ҳамда таълим бериш лицензиясига эга бўлган бошқа нодавлат ташкилотлар)	Тракторчи-машинистларни тайёрлаш ёки қайта тайёрлаш йўналишида таълим жараёнини ташкил қилиш учун Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекциясига (кейинги ўринларда –Инспекция) ариза билан мурожаат қилади.	Хоҳишига кўра
2-босқич	Инспекция	Тракторчи-машинистларни тайёрлаш ва қайта тайёрлаш йўналишидаги таълим ташкилотларининг моддий-техника ва ўқув-методик базасини кўриқдан ўтказиш учун текширув комиссиясини тузади ҳамда ўзининг буйруғи билан тасдиқлайди.	Мурожаат келиб тушгандан кейин 2 иш кунни мобайнида
3-босқич	Инспекция	Таълим ташкилотининг моддий-техник ва ўқув-методик базасини ушбу Регламентнинг 10-банди талабларига асосан кўриқдан ўтказди.	Мурожаат келиб тушгандан кейин 3 иш кунидан
4-босқич	Инспекция	1. Таълим ташкилотининг белгиланган талабларга мувофиқлигини ўрганиб чиқиш яқунлари бўйича мазкур Регламентга 4-иловага мувофиқ намунадаги далолатномани икки нусхада тузади. 2. Далолатномада таълим ташкилотига белгиланган талабларга “жавоб беради” деб ҳулоса берилганда, ушбу таълим ташкилоти тўғрисидаги маълумотларни “Тракторчи-машинист” автоматлаштирилган ахборот тизимига киритади ҳамда тракторчи-машинистларни тайёрлаш ва қайта тайёрлаш йўналишидаги таълим ташкилотларни ҳисобга олади.	Мурожаат келиб тушгандан кейин 8 иш кунда

Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
3-илова

(сана)

(рақам)

**Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш бўйича давлат хизматларини кўрсатиш юзасидан
АРИЗА**

I. Талабгор - юридик шахс тўғрисида маълумот:	
1. Ташкилот номи	
2. Юридик манзили	
3. СТИР рақами	
4. Телефон рақами	
II. Тадбиркорлик субъектининг давлат рўйхатидан ўтказилганлиги тўғрисида гувоҳнома:	
1. Санаси (кун, ой, йил)	
2. Рўйхатга олинган сон	
Юридик шахс вакили:	
1. Ф.И.О.	
2. Паспорт (идентификацияловчи ID-карта) маълумотлари (серияси, рақами)	
3. Имзо	



Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
4-илова

**Тракторчи-машинистларни тайёрлаш ва қайта тайёрлаш йўналишидаги таълим ташкилотларини ташкил этиш бўйича талабларнинг бажарилганлигини ўрганиш натижалари юзасидан
ДАЛОЛАТНОМА**

20__ йил “__” _____

Тракторчи-машинистларни тайёрлаш ва қайта тайёрлаш йўналишидаги таълим ташкилотининг номи, манзили, мулк шакли: _____

Т/р	Талаблар	Талабга жавоб бериши (беради, бермайди)	Мулк шакли (ўз мулки ёки ижара)
1	Бинонинг ҳолати		
2	Ўқув хонасининг ўлчами (камида 48 кв.м)		
3	Ўқув хонасининг иситилиши		
4	Ўқув хонасининг совутилиши		
5	Моддий-техник базаси		
6	Ўқув анжомлари ва қуроллари		
7	Ўқув режалари		
8	Муҳандис-педагоглар, инструкторлар ҳамда ишлаб чиқариш усталарининг маълумоти ва билим даражаси		
9	Амалий машғулотлар учун техника ва бошқа шароитлар		
10	Амалий машғулотлар учун майдон		
11	Амалий машғулотлар учун ёқилғи-мойлаш материалларининг ҳолати		
12	Бошқа шароитлар		

Таълим ташкилоти тракторчи-машинистларни тайёрлаш ва қайта тайёрлаш талабларига: _____

(жавоб беради/бермайди)

Комиссия аъзолари (имзоси, Ф.И.О., иш жойи ва лавозими):

Таълим муассасаси раҳбари (имзоси, Ф.И.О., лавозими)

Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
5-илова

**Тракторчи-машинист гувоҳномасини олиш учун имтиҳон топширишга рухсат бериш ва имтиҳонни ўтказиш бўйича давлат хизматларини кўрсатиш
СХЕМАСИ**

Босқичлар	Субъектлар	Тадбирлар	Бажариш мuddатлари
1-босқич	Талабгор	1. Талабгор давлат хизматларидан фойдаланиш учун Агросаноат мажмуи устидан назорат қилиш инспекциясига (кейинги ўринларда – Инспекция) ёки давлат хизматлари марказига (кейинги ўринларда – Марказ) ўзи келиб, шунингдек, давлат хизматларидан электрон фойдаланиш учун ягона интерактив давлат хизматлари порталида (кейинги ўринларда – ЯИДХП) рўйхатдан ўтади. 2. Инспекция, Марказ ёки ЯИДХП томонидан кўрсатиладиган давлат хизматлари учун йиғимни амалга оширади.	1. Хоҳишига кўра 2. Мурожаат қилганда
2-босқич	Марказ, ЯИДХП	Сўровномани Инспекцияга юборади.	Сўровнома тўлдирилгандан сўнг автоматик тарзда
3-босқич	Инспекция	1. Тракторчи-машинист гувоҳномасини олиш учун сўровнома ва тақдим этилган хужжатларни кўриб чиқиб, талабгорга имтиҳон топширишга рухсат бериш ёки рад этиш тўғрисида қарор қабул қилади. 2. Талабгорга имтиҳон топширишга рухсат этилганда, уни имтиҳон топширувчилар рўйхатига киритади ҳамда талабгорга назарий имтиҳон ўтказиш санаси ва вақти тўғрисида Давлат хизматлари маркази ёки ЯИДХП орқали хабарнома юборади. 3. Талабгорга имтиҳон топшириши рад этилганлиги тўғрисида Давлат хизматлари маркази ёки ЯИДХП орқали хабарнома юборади.	Сўровнома келиб тушгандан сўнг 1 иш кунда
4-босқич	Инспекция	Тракторчи-машинист гувоҳномасини алмаштириш ёки йўқолгани ўрнига янгисини олиш учун мурожаат қилинганда гувоҳномани алмаштиришга ёхуд йўқолгани ўрнига янгисини олишга рухсат бериш ёки рад этиш тўғрисида қарор қабул қилади.	Сўровнома келиб тушгандан сўнг 1 иш кунда

Босқичлар	Субъектлар	Тадбирлар	Бажариш муддатлари
5-босқич	Инспекция	Тракторчи-машинист гувоҳномасини олиш учун имтиҳондан ўтган ёки тракторчи-машинист гувоҳномасини алмаштиришга ёхуд йўқолгани ўрнига янгисини олишга рухсат берилган талабгорга “Тракторчи-машинист” автоматлаштирилган ахборот тизимида сураатга тушган ҳолда тракторчи-машинист гувоҳномасини олиб кетиши тўғрисидаги хабарномани юборади.	Қарор қабул қилинган кунда

Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
6-илова

(сана)

(рақам)

Тракторчи-машинист гувоҳномасини алмаштириш ёки йўқолгани ўрнига янгисини олиш бўйича давлат хизматларини кўрсатиш юзасидан
СЎРОВНОМА

I. Талабгор - жисмоний шахс тўғрисида маълумот:	
1. Ф.И.О.	
2. Паспорт (идентификацияловчи ID-картаси) маълумотлари (серияси, рақами)	
3. Жисмоний шахснинг шахсий идентификация рақами	
4. Манзили	
5. Телефон рақами	
II. Тамомлаган таълим ташкилоти (тракторчи-машинист гувоҳномаси биринчи марта олинганда):	
1. Номи	
2. Сертификат, гувоҳнома ва бошқалар:	
а) рақами	
б) берилган санаси (кун, ой, йил)	
III. Эски тракторчи-машинист гувоҳномаси (алмаштириш ёки йўқолгани ўрнига янгисини олиш учун):	
1. Серияси	
2. Рақами	
3. Берилган санаси (кун, ой, йил)	
Тасдиқлайман:	

Тракторчи-машинистларни тайёрлаш ва қайта
тайёрлаш йўналишидаги таълим ташкилотларини
ҳисобга олиш ҳамда тракторчи-машинист
гувоҳномасини бериш бўйича давлат хизматларини
кўрсатишнинг маъмурий регламентига
7-илова

**Тракторчи-машинист гувоҳномасини олиш учун имтиҳон топширишга рухсат
бериш ва тракторчи-машинист гувоҳномасини бериш учун ундириладиган
ТЎЛОВ СТАВКАЛАРИ**

1	Техникани бошқариш бўйича назарий имтиҳон топшириш учун	базавий ҳисоблаш миқдорининг 27 фоизи миқдорида
2	Техникани бошқариш бўйича қайта назарий имтиҳон топшириш учун	базавий ҳисоблаш миқдорининг 30 фоизи миқдорида
3	Техникани бошқариш бўйича амалий имтиҳон топшириш учун	базавий ҳисоблаш миқдорининг 25 фоизи миқдорида
4	Техникани бошқариш бўйича қайта амалий имтиҳон топшириш учун	базавий ҳисоблаш миқдорининг 30 фоизи миқдорида
5	Тракторчи-машинист гувоҳномасини бериш ёки эски намунадаги гувоҳномани алмаштириш учун	базавий ҳисоблаш миқдорининг 50 фоизи миқдорида

Изоҳ. Яроқсиз ҳолга келган, шикастланган тракторчи-машинист гувоҳномасининг ўрнига янгисини бериш учун базавий ҳисоблаш миқдорининг 50 фоизи миқдорида йиғим ундирилади;

йўқолган тракторчи-машинист гувоҳномасининг ўрнига янгисини бериш учун базавий ҳисоблаш миқдорининг 1 баробари миқдорида йиғим ундирилади;

тракторчи-машинистларга класс бериш учун базавий ҳисоблаш миқдорининг 50 фоизи миқдорида йиғим ундирилади;

чет эл фуқароси ва фуқаролиги бўлмаган шахсларга тракторчи-машинист гувоҳномаларини бериш учун базавий ҳисоблаш миқдорининг 2 баравари миқдорида йиғим ундирилади.



Тракторчи-машинистларни тайёрлаш ва қайта тайёрлаш йўналишидаги таълим ташкилотларини ҳисобга олиш ҳамда тракторчи-машинист гувоҳномасини бериш бўйича давлат хизматларини кўрсатишнинг маъмурий регламентига
8-илова

**Тракторчи-машинистларга гувоҳномаларни бериш бўйича
имтиҳон натижалари тўғрисидаги
ИМТИҲОН ВАРАҚАСИ**

Ўзгагроинспекция марказий аппарати, ҳудудий бошқармаси ёки туман (Қувасой шаҳар) бўлими номи:	
Имтиҳон ўтказилган сана (кун, ой, йил)	
Рақами	
I. Талабгор – жисмоний шахс тўғрисида маълумот:	
1. Ф.И.О.	
2. Паспорт (идентификацияловчи ID-картаси) маълумотлари (серияси, рақами)	
3. Жисмоний шахснинг шахсий идентификация рақами	
4. Манзили	
II. Тамомлаган таълим ташкилоти:	
1. Номи	
2. Сертификат, гувоҳнома ва ҳ.к.	
а) рақами	
б) берилган санаси (кун, ой, йил)	
III. Имтиҳон натижалари:	
1. Назарий имтиҳон (ўтди ёки ўтмади)	
2. Амалий имтиҳон (ўтди ёки ўтмади)	
Комиссия раиси:	
_____ (имзо)	_____ (Ф.И.О.)
Комиссия аъзолари:	
_____ (имзо)	_____ (Ф.И.О.)
_____ (имзо)	_____ (Ф.И.О.)
_____ (имзо)	_____ (Ф.И.О.)

Вазирлар Маҳкамасининг
2023 йил “29” апрелдаги 170сон қарорига
7-илова

**Ўзбекистон Республикаси Қишлоқ хўжалиги вазирлиги ҳузуридаги
Агросаноат мажмуи устидан назорат қилиш инспекцияси томонидан
назорат қилинадиган ва техник кўрикка жалб этиладиган қишлоқ
хўжалиги, мелиорация ва йўл-қурилиш техникалари, таъмирлаш
ва сервис асбоб-ускуналарининг**

РЎЙХАТИ

I. Қишлоқ хўжалиги техникалари

1. Тракторлар
2. Трактор тиркамалари
3. Ўзиюрар машиналар:
 - ғалла ўриш комбайнлари;
 - шоли ўриш комбайнлари;
 - маккажўхори ўриш комбайнлари;
 - пахта териш машиналари;
 - ем-хашак ўриш комбайнлари;
 - силос ўриш комбайнлари;
 - ўрмон хўжалиги техникалари;
 - қишлоқ хўжалигида фойдаланиладиган ўзи ҳаракатланувчи қурилмага (двигателга) эга бўлган бошқа машиналар.
4. Қишлоқ хўжалиги машиналари (трактор ҳамда ўзиюрар техникалар билан ишлатиладиган машиналарнинг барчаси):
 - плуглар;
 - чизеллар;
 - культиваторлар;
 - калта ва узун базали текислагичлар;
 - лазер бошқарувли текислагичлар;
 - тишли ва диски бороналар;
 - молалар;
 - чигит экиш сеялкалари;
 - пневматик сеялкалар;
 - дон экиш сеялкалари;
 - пуркагичлар;
 - минерал ўғит сепгичлар;
 - органик ўғит сепгичлар;

тупроққа ишлов бериш учун актив ишчи органли агрегатлар, фрезалар;
зичлаб-боғлагич;
арик қазгичлар;
илдиз суғургичлар;
майдалагичлар;
мотоблоклар;
мотокультиваторлар;
махсус боғдорчилик машиналари;
махсус сабзавот-полизчилик машиналари;
махсус чорвачилик машиналари;
махсус ўрмон хўжалиги машиналари;

пахта, дон қабул қилиш пунктлари, корхоналарида мавжуд бўлган махсус уруғлик саралаш ва бошқа машиналар, ускуналар (махсус технологик жиҳозлардан, тола ажратгич, тегирмон кабилардан ташқари);

қишлоқ хўжалигида фойдаланиладиган бошқа машиналар.

5. Ўрмон хўжалиги техникалари:

дарахт ва бута қолдиқларини майдалагич машина ва агрегатлари;

дарахт кесиш ва ёғоч тайёрлаш техникалари;

ўрмон хўжалигида фойдаланиладиган бошқа техникалар.

II. Мелиорация техникалари

1. Экскаваторлар
2. Бульдозерлар
3. Скреперлар
4. Очиқ сув ҳавзасига ўрнатиладиган кўчма ва стационар насослар (22 кВт ва ундан юқори қувватли двигателлар билан жиҳозланган)
5. Суғориш машиналари
6. Мелиорацияга тегишли бошқа техника ва машиналар

III. Йўл-қурилиш техникалари

1. Грейдерлар
2. Асфальт ётқизгичлар
3. Цемент-бетон йўл ётқизгичлар
4. Йўлга йўл белгиларни чизиш машинаси
5. Ўзиюрар катоклар ва агрегатлар
6. Ўзиюрар бетонқорғичлар ва стационар (иш ҳажми 25 м³/соатдан юқори) бетон қориш агрегатлари
7. Тош майдалаш агрегатлари

8. Барча турдаги юклагич чўмичли, грейферли, вилкалар (погрузчик)
9. Қувур ётқизувчи ўзиюлар техникалар ва агрегатлар
10. Туннел қазиш техникалари
11. Бурғулаш ўзиюлар техникалари ва агрегатлари
12. Компрессорлар
13. Ёўл фрезалаш машиналари
14. Ёўл юза қатламини қайта тикловчи техникалар
15. Ўзиюлар ва ўрнатма қозиқ қоқиш техникалари
16. Қор тозалаш машиналари
17. Ёўл қурилишда фойдаланиладиган бошқа техника ва машиналар

IV. Жихоз ва асбоб-ускуналар

1. Техниканинг техник сервиси ва уларни таъмирлаш учун асбоблар ва мосламалар:

металлга ишлов берувчи станоклар;

кўчма ва стационар пайвандлаш қурилмалари;

темирчилик пресслаш асбоб-ускуналари;

электр энергияси билан ишловчи асбоблар, гидротизимлар, ёқилғи насослари ва форсункалар, двигателлар, бошқарув механизмлари диагностикаси учун қурилмалар.

2. Қишлоқ хўжалиги, мелиорация ва ёўл-қурилиш техникаларини сервис ва таъмирлаш устахоналарида фойдаланиладиган бошқа жихозлар ҳамда ускуналар.

Изох. Юқорида қайд этилган техникалар идоравий бўйсунуви ва ташкилий-ҳуқуқий шаклидан қатъи назар Инспекция томонидан белгиланган тартибда назорат қилинади, давлат рўйхатидан ўтказилади ва мажбурий йиллик техник кўрикка жалб этилади;

шунингдек, ушбу рўйхатга киритилмаган, Транспорт вазирлиги, Тоғ-кон саноати ва геология вазирлиги ҳузуридаги Тоғ-кон, геология ва саноат хавфсизлигини назорат қилиш инспекцияси ҳамда Ёўл ҳаракати хавфсизлиги хизмати томонидан рўйхатга ва назоратга олинмаган барча турдаги қишлоқ хўжалиги, мелиорация ва ёўл-қурилиш техникалари ҳам рўйхатга олинади.

Вазирлар Маҳкамасининг
2023 йил “29” апрелдаги 170-сон қарорига
8-илова

**Ўзбекистон Республикаси Ҳукуматининг ўз кучини йўқотган
деб эътироф этилаётган қарорлари
РЎЙХАТИ**

1. Вазирлар Маҳкамасининг “Қишлоқ хўжалиги, мелиорация ва йўл қурилиш техникаларидан фойдаланишни такомиллаштириш чора-тадбирлари тўғрисида” 2019 йил 17 апрелдаги 325-сон қарори.

2. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар киритиш тўғрисида (Ўзбекистон Республикаси Президентининг “Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида” 2019 йил 21 майдаги ПФ–5723-сон Фармони)” 2019 йил 28 декабрдаги 1046-сон қарорига илованинг 286-банди.

3. Вазирлар Маҳкамасининг “Ўзбекистон Республикасида чет эл фуқаролари ва фуқаролиги бўлмаган шахсларни рўйхатга олиш тартибини соддалаштириш чора-тадбирлари тўғрисида” 2020 йил 28 сентябрдаги 593-сон қарорига 4-илованинг 75-банди.

4. Вазирлар Маҳкамасининг “Давлат хизматлари кўрсатишнинг инфратузилмаси такомиллаштирилганлиги ва аҳолининг давлат хизматларидан фойдаланиш имкониятлари кенгайтирилганлиги муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида” 2021 йил 28 октябрдаги 661-сон қарорига илованинг 20-банди.

5. Вазирлар Маҳкамасининг “Йўқолган ашёларни қабул қилиш, сақлаш ва эгаларига қайтариш ёки тегишли давлат ташкилотларига топшириш тартибини такомиллаштириш чора-тадбирлари тўғрисида” 2022 йил 18 январдаги 28-сон қарорига 2-илованинг 5-банди.

6. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар киритиш тўғрисида (Ўзбекистон Республикасининг “Норматив-ҳуқуқий ҳужжатлар тўғрисида” 2021 йил 20 апрелдаги ЎРҚ-682-сон Қонуни)” 2022 йил 4 апрелдаги 153-сон қарорига илованинг 604-банди.

